



EX MUNIFICENTIA
FERDINANDI III. M. E. D.

DIE 3. IUNII 1791.

9 B.7 9.7.65

12
1100
1775



ARS COGITANDI EROTEMATICA

CUM

PRÆLUDIO PHILOSOPHIÆ

IN USUM

PHILOSOPHIÆ TYRONUM

INCLYTÆ

ACADEMIÆ BASILIENSIS

ADORNATA.

*Dum mens nostra gravi caligine mersa laborat,
Nec benè quod deceat pectora cæca vident,
Ad Te oculos fixos, fixâ cum mente levamus,
Tu gemitus audi, votaq, nostra Deus!
Tu rege conatus, & robora mentibus adde,
Ut Tibi quod faciunt, omne probetur opus.*

STIGON.



BASILEÆ,

Typis & Impensis

E. & J. R. THURNISIORUM,

ANNO M DCC X V.

ILLUSTRIUM
MUSARUM CHORO
INCLYTO ET SAPIENTISSIMO
PHILOSOPHORUM
ORDINI

ALMÆ ACADEMIÆ BASILIENSIS
RUDIMENTA HÆC LOGICA

CUM VOTO
PERENNIS FLORESCENTIÆ

SUÆQUE
OBSERVANTIÆ OBSEQUII

ET
AFFECTUS DEVOTI

SINCERA TESTIFICATIONE

D.

AUTHOR.

PRÆLUDIUM PHILOSOPHIÆ.

* *Qu. 1. Unde derivatur vox
Philosophia?*

Resp. A nominibus græcis, *Φιλία*, amor, & *Σοφία*, sapientia, tanquam studium sapientiæ.

Vox *Philosophiæ* abstracta originem traxit à concretâ *φιλόσοφος*, quæ identidem derivatur à *φίλος*, amicus, & *σοφός*, sapiens, tanquam amans, vel studiosus sapientiæ.

* *Qu. 2. Quisnam se primò dixit
Philosophum?*

Resp. Pythagoras.

Pythagoras, etli doctrinâ excelleret, modestiæ tamen mirificæ fuit, ac primus ipse apud *Polycratem Samium* tyrannum, cùm alii ejus studii ad id tempus *Sophi* sive *Sapientes* appellati essent, repudiavit nomen, Deo uni id convenire asserens, & *Philosophum* se novo tunc nomine professus, quod deinceps à tanto exemplo in usu fuit. Vid. *Just. Lipsii Manuduct. ad Philos. Stoic. Lib. I. Diss. 6.*

* *Qu. 3. Numquid jam ante Pythagoram floruerunt literæ?*

Resp. Omnino.

Persæ & Chaldaei literas *Magiam*, & qui earum gnari essent, *Magos* salutabant; sed apud

P R Æ L U D I U M

Indos literati audiebant *Brachmanni*, apud Hebræos *Rabbani*, *Chachim*, apud ægyptios *Sacerdotes*, tandem apud græcos Σοφοί.

* *Qu. 4. Quinam inter Græcos*
κατ' ἕξιν *Sapientum nomine clau-*
ruerunt?

Resp. Septem : Solon, Chilon, Pit-tacus, Bias, Periander, Cleobulus ac Thales.

Dicta septem græciæ Sapientum juxta ordi-nem istum fuerunt (a) γινῶθι σεαυτὸν, Nosce te ipsum, (b) τέλος ὁρᾶν μακρῷ βίῳ, Finem videre vi-tæ longævæ. (c) Καίρον γινῶθι, Occasionem cogno-sce (d) οἱ πλείους κακοί, Plerique sunt mali (e) μελέπῃ τὸ πᾶν, Industriæ nihil est impossibile (f) ἄριστον μέτρον, Modus est optimus, (g) Ἐχθρὰ, πείραξ δ' ἄτη, Sponde prope est damnum.

* *Qu. 6. Quotnam modis accipi solet*
vox Philosophiæ?

Resp. Quadrifariam : latissimè, latè, strictè, & strictissimè.

Philosophiæ vox homonyma est, ac (1) in sensu amplissimo significat universam hominis cognitionem, quanta quidem ex lumine natu-ræ acquiri potest, eoque sensu omnes comple-ctitur disciplinas, non exceptâ *Theologiâ*, *Ju-risprudentiâ* & *Medicinâ*, in quantum illæ ratio-nis fulchro utuntur. (2) In sensu lato desi-gnat integram compagem artium, scientiarum & prudentiarum, adeoque totam *Philosophiam*,
quâ

PHILOSOPHIÆ.

quà instrumentalem, quà realem, exclusis disciplinis facultatum superiorum. (3) In sensu stricto significat solam *Philosophiam realem*, id est, *scientias atque prudentias* simul sumptas. (4) In strictissimo tandem sensu apud *Aristotelem* designabat solam *Metaphysicam*. Ex quibus diversis significationibus usitatiores sunt secunda atque tertia.

**Qu. 7. Quid est Philosophia in lato sensu accepta?*

Resp. Notitia rerum divinarum & humanarum, quoad naturali intellectûs lumine eas percipere datur.

Aristoteli Philosophia definitur γνῶσις τῶν ὄντων, ἢ ὅττι ἐστὶ, τὰς ἐστὶ, τῶν ὄντων φύσεως, *Entium quatenus entia sunt cognitio*, hoc est, *eorum naturæ*; eadem alibi dicitur ἐπιστήμη τῆς ἀληθείας, *Scientia veritatis*. *Platoni meditatio mortis*, & alibi Κτήσις τῆς ἐπιστήμης, *possessio scientiæ*. *Ciceroni rerum divinarum & humanarum scientia*, & *cognitio qua causa cuiusq; rei sit*. Aliis *cultura animi in objecto virtutis & veritatis*. *Studium corrigenda mentis*, *appetitio rectæ rationis*, *ars vel lex vitæ*, *corporis fuga*, &c. Deinde *Philosophia* egregiis epithetis insignitur à *Cicerone*, quòd sit *vita dux*, *virtutis indagatrix*, *expultrix vitiorum*, *magistra morum*, *medicina mentis*, &c.

**Qu. 8. Quanam distinctè significantur in data definitione?*

Resp. Tria: *subjectum*, *objectum*, & *finis philosophiæ*.

PRÆLUDIUM

*Qu. 9. *Quodnam igitur est subjectum
Philosophia?*

Resp. Mens humana.

*Qu. 10. *Quomodo à Philosophis
vocatur acquisita mentis
notitia?*

Resp. Habitus mentis.

*Facultas animæ naturalis communiter intel-
lectus, intelligentia, ratio, vel lumen naturale, fa-
cultates acquisitæ autem uno nomine habitus
mentis vocari consueverunt.*

*Qu. 11. *Quanam species Habituum
mentis in philosophia oc-
currunt?*

Resp. Artes, scientiæ, atque pru-
dentia.

*Qu. 12. *Quid est Ars?*

Resp. Acquisita mentis facultas ad
operandum cum facilitate.

*Qu. 13. *Quid Scientia?*

Resp. Accurata rei notitia per suas
causas.

*Qu. 14. *Quid Prudentia?*

Resp. Actionum & virtutum notitia
ad praxin directâ.

*Qu. 15. *Quodnam est objectum
Philosophia?*

Resp. Res divinæ & humanæ.

*Qu.

PHILOSOPHIÆ.

*Qu. 16. *Quid sunt res divina?*

Resp. Deus ipse, & ejus opera.

*Qu. 17. *Quid sunt res humana?*

Resp. Actiones hominum qualescunque.

*Qu. 18. *Quid sibi volunt reliqua definitionis verba?*

Resp. Philosophiam à Theologia distinguunt.

Theologia & Philosophia conveniunt objecto materiali, cum utraque circa res divinas & humanas occupetur, sed differunt formali, quoniam alius est modus idem objectum tractandi apud Theologos, alius apud Philosophos; siquidem hi ex lumine naturali, illi verò ex lumine gratiæ illud explorant.

*Qu. 19. *Quotuplex notitia Lumen datur?*

Resp. Triplex: lumen naturæ, gratiæ, & gloriæ.

*Qu. 20. *Quid est Lumen naturæ?*

Resp. Connata hominibus intelligendi facultas.

*Qu. 21. *Quid Lumen gratiæ?*

Resp. Revelatio rerum salutarium à Deo hominibus gratiosè concessa.

*Qu. 22. *Quid Lumen gloriæ?*

Resp. Perfectissima notitia Dei, rerumque

PRÆLUDIUM

rumque divinarum, quâ fruuntur beatæ mentes in coelo.

**Qu. 23. Quisnam est Finis philosophia?*

Resp. Cognitio veritatis, atque possessio virtutis.

Finis philosophiæ distinguitur in ultimum & subordinatum; hic est cognitio veritatis & possessio virtutis, ille autem beatitudo hominis suprema, seu conjunctio cum Deo in vitâ aternâ.

**Qu. 24. Quomodo dividitur Philosophia?*

Resp. In instrumentalem & realem.

**Qu. 25. Quid est Philosophia instrumentalis?*

Resp. Quæ mentem prædisponit ad res ipsas, ac instar clavis ad reales disciplinas aditum parat.

Hæc pars Philosophiæ nunc *ὀργανικὴ* dicitur, quia ad instar clavis se habet ad reliquam Philosophiam: nunc *προπαιδευτικὴ*, velut disciplina ante cæteras addiscenda: nunc *παινητικὴ*, quoniam instruit mentem, acabilem efficit ad veritatis per investigationem.

**Qu. 26. Quot sunt partes Philosophiæ instrumentalis?*

Resp. Tres artes: logica, rhetorica & grammatica.

Logica est ars bene utendi ratione. Rhetorica
ars

PHILOSOPHIÆ.

ars benedicendi. Grammatica ars benè loquendi & scribendi.

*Qu. 27. *Quid est Philosophia realis?*

Resp. Quæ circa res ipsas occupatur.

*Qu. 28. *Quomodo subdividitur?*

Resp. In theoreticam & practicam.

*Qu. 29. *Quid est Philosophia theoretica?*

Resp. Quæ res divinas contemplatur.

*Qu. 30. *Quot sunt ejus partes?*

Resp. Tres scientiæ: physica, mathematica, & pneumatica.

*Qu. 31. *Quid est Physica?*

Resp. Scientia corporis naturalis, quatenus est naturale.

*Qu. 32. *Quid Mathematica?*

Resp. Scientia quanti.

*Qu. 33. *Quid Pneumatica?*

Resp. Scientia spirituum.

*Qu. 34. *Quid est Philosophia practica?*

Resp. Quæ actiones hominum explicat, ac dirigit ad summum bonum.

*Qu. 35. *Quot sunt ejus partes?*

Resp. Tres prudentiæ: ethica, politica & œconomica.

*Qu. 36. *Quid est Ethica?*

Resp. Prudentia homines ad virtutem

PRÆLUDIUM

tem & beatitudinem informans.

*Qu. 37. *Quid Politica?*

Resp. Prudentia rempublicam administrandi.

*Qu. 38. *Quid Oeconomica?*

Resp. Prudentia rem familiarem administrandi.

*Qu. 39. *Quisnam est Philosophia
author?*

Resp. Deus ter optimus maximus.

*Qu. 40. *Ubinam locorum primò
fluit Philosophia?*

Resp. Inter Hebræos & Chaldæos.

Apud Hebræos sapientiâ claruerunt *Patriarchæ, Moses, Prophetæ*, sed omnium maximè rex *Salomon*. Inter Chaldæos *Zoroaster*.

*Qu. 41. *Quorsum processit Philo-
sophia à Chaldæis?*

Resp. Ad ægyptios, inde ad græcos, arabes, italos, gallos, & postremò totum orbem.

Apud ægyptios inprimis claruit *Hermes Trismegistus*, inter græcos *Socrates, Plato, Aristoteles, Pythagoras*, & innumeri alii.

*Qu. 42. *Quenam inter græcos Sectæ
florentiores erant?*

Resp. Academica, stoica, peripatetica,

ca,

PHILOSOPHIÆ.

ca, cynica, epicurea, sceptica, & plures aliæ.


**Qu. 43. Quenam Sectæ excellunt
isto seculo?*

Resp. Cartesianæ atque eclecticæ.

Finis Præludii.



ARS





I. N. D.

ARS COGITANDI EROTEMATICA.

PRÆCOGNITA.

Questio I. Unde dicta est Logica?

Resp. A voce græcâ Λόγος, lat. ratio.

Logicæ vox concreta est, ubi subintelligitur ars, tanquam Logica ars. A veteribus nominabatur *Dialectica*, ἀπὸ τοῦ διαλέγεσθαι, lat. disserere, discurrere, tanquam Ars discurrendi; Aliàs etiam *Ars cogitandi*, *Organum* vel *Clavis philosophiæ*, *Oculus mentis* &c. vocatur.

**Qu. 2. Quid est Logica?*

Resp. Est Ars benè utendi ratione.

Aristotelici definiverunt Logicam, quòd sit *Ars conficiens instrumenta, iisq; dirigens Intellectum in cognitione rerum*: Ramæi, quòd sit *Ars benè differendi*: Alii, quòd sit *Ars benè cogitandi, benè ratiocinandi, veritatem investigandi, Ars artium, Scientia scientiarum, ipsum docere discere &c.* Quæ quidem Definitiones non tam re

A

ipsa,

ipsa, quàm verbis ab invicem distare videntur. Illa nobis arridet præ cæteris, cùm dicitur Ars benè utendi ratione, per quam videl. definiti natura, objectum & scopus perspicuè & brevissimè significatur. Sicubi *Logica naturalis* distinguitur ab *artificiali*, tum verò per illam nihil aliud concipitur, quàm *Intellectus* vel *Rationis lumen* hominibus ad capiendam rerum notitiam à natura concessum, per hanc autem Ratio hominis, arte & studio perfectiorem in modum instructa, & ab erroribus feliciter vindicata. Hæc posterior dein duobus modis considerari potest, vel quatenus est in mente, tanquam habitus rectè ratiocinandi, vel quatenus est Literis consignata, & in systema præceptorum digesta; quo posteriore sensu aliàs *Systema logicum*, *Præcepta logica*, nobis *Ars cogitandi erotematica* vocatur.

* *Qu. 3. Quodnam est ergo Objectum Logica?*

Resp. Ratio seu Intellectus hominis in inquirenda veritate occupatus.

Ratio vel Intellectus, aliàs Lumen naturale, vel Lumen rationis vocatur, quo Deus omnes mortalium ex Beneplacito suo donavit, tanquam oculo, cujus ope tum seipsos, tum sui Creatorem, tum Opera hujus mundi cognoscere, verum à falso, bonum à malo discernere, adeoque suam beatitudinem prosequi valent.

* Qu. 4. *Quisnam est scopus
Logicæ?*

Resp. Rectus rationis usus, & veritatis cognitio.

Finis Logicæ distingui potest in *ultimum* & *subordinatum*; ille est *Veritatis cognitio*, hic autem *Rationis usus* ab erroribus quoad licet vindicatus. Ex quo Dignitas ipsius artis, nec non excellens usus ad qualescunque alias Disciplinas capeffendas ultrò elucescit, ut eapropter non immeritò Clavis vel Organum philosophiæ, Oculus mentis &c. nominetur. Nec obstat, quò minùs omnes Disciplinæ dicantur *Logicæ speciales*, id est, peculiaribus objectis applicatæ; quid enim aliud est Mathematica, quàm Logica objecto Quantitatis dextrè applicata? Quid Physica, nisi Logica circa Res naturales occupata? & sic porrò.

* Qu. 5. *Quodnam est subjectum, in
quod Ars logica cadit?*

Resp. Mens humana.

Anima hominis à natura adeo in quosvis errores inclinatur, ut nisi magno studio annitatur, evadere ad veritatem non possit. Quò igitur suos exuat errores, necesse est, ut in seipsam descendens, hinc actiones suas accuratè inspiciat, illinc ad causas aberrandi sibi undique impendentes strenuè vigilet, hasque deprehensas postmodum diligentissimè eludat.

* *Qu. 6. Quid est Mens humana?*

Resp. Est Ens cogitans, ad imaginem Dei creatum, & Corpori viventi unitum.

Ab *Augustino Lib. Deff.* Anima definitur substantia creata, invisibilis, incorporea, immortali Deo simillima, imaginem nullam habens, nisi Creatoris sui; Apud *Aristotelem Lib. 2. de Anim.* est Principium, quo vivimus, sentimus, intelligimus, nutrimur, & secundum locum movemur primum. *Socrâtes* Hominem ipsum animum esse dicebat, Corpus autem nihil aliud, quàm Animi organum, vel domicilium, sive potius sepulchrum, aut carcerem, unde cum emerferit, tunc demum sui juris esse, multoque quam antea felicius vivere incipiat. Ab aliis dicitur Principium cogitandi, dubitandi, judicandi &c. imò à quibuslibet ferè aliter atque aliter definitur. Sed ut *Lactantius Lib. de Opific. Dei, cap. 17.* habet, Anima quid sit? nondum inter Philosophos convenit, nec unquam fortasse conveniet. Adeo sc. Ens illud sibi met ignotum est, ut jure merito exclamaverit *Isidorus Lib. 1. de Summo Bono: O Homo, quid miraris Siderum altitudines, & profunditatem Maris? Animi tui abyssum intra, & mirare, si potes.* Cæterum inter ringentes de Animæ natura Philosophos, plerique illam in Cogitatione ponunt, alii in Facultate seu Potentia cogitandi, alii in Imagine Dei, immortalitate &c. aliis interim quod mirum est, ani-

mam

nam ipsam fingentibus corpoream. Ex quibus illi vero sunt propiores qui essentiam Entis illius Deo simillimi inexplicabilem esse contententur, dum interea cogitationem ceu actum ejus perpetuum & plane essentialem utique concipiunt. Qui verò Animam opinantur corpoream esse, videant quì sub idea Corporis potentiam vel actum cogitandi comprehendant? quì Materiæ intellectum ac voluntatem, imaginem, inquam, Conditoris sui competere percipiant? quì in Corpore fragili desiderium æternitatis, agendi libertatem absolutam &c. concipere valeant?

** Qu. 7. Quanam sunt essentielles Mentis Facultates?*

Resp. Intellectus & Voluntas.

Intellectus & Voluntatis beneficio Mens omnes suas actiones edit, in quarum jugi exercitio ipsa spiritualis vita consistere intelligitur, secundum quod Cicero Lib. I. de Offic. dixit: Hominis Mens discendo alitur & cogitando, semperq; aliquid aut inquirat, aut agit, videndiq; & audiendi delectatione ducitur.

** Qu. 8. Quid est Intellectus?*

Resp. Est Facultas mentis res quasvis cognoscendi atque dijudicandi.

Intellectus à Perceptione, Judicio, Discursu &c. id est, Mentis operationibus ipsis non aliter differt, nisi tanquam actus primus à secundo,

siquidem Intellectus sub idea potentiae cognoscendi à nobis concipitur, Perceptio autem, Judicium, &c. sub ideâ cogitationis & cognitionis actualis. Intellectus ille Hominem à Brutis distinguit, & supra hæc multis parafangis extollit. Proprietates ejus memorabiles sunt amplissima capacitas, agendi celeritas, insatiabilitas, se conservandi studium, & plures aliæ quò magis mirabiles, eò Conditori summo Deo T. O. M. gloriosiores. Intellectus speciatim ad hos illos Homines consideratus *Ingenium* vocatur, quocirca proverbium illud habetur: *Quot capita, tot sensus*. Ingenia in se & absolute considerata dicuntur nunc celeria, nunc tarda, nunc subtilia, nunc crassa, docilia vel rudia, constantia vel varia, diligentia vel ignava, alacria vel tristia &c. Relative autem ad sua objecta si spectentur, tunc sunt vel theoretica vel practica, sublimia vel abjecta, heroica vel retusa, universalia vel particularia, superba vel humilia, pia vel impia, urbana vel rustica, ut innumerabiles alias differentias omitamus.

* *Qu. 9. Quid est Voluntas?*

Resp. Est Facultas mentis bonum à malo discernendi, illud amore, hoc odio constanter prosequendi.

Voluntas per *Facultatem* definitur, ideo ut ab actuali Mentis operatione (seu voluntate activa & determinata) tanquam actus primus à secundo.

Secundo distinguatur, velut idem superius de intellectu monitum est. Tametsi autem Voluntas naturâ suâ Intellectu posterior non sit, ordine tamen illam huic succedere concipimus, quidem nonnisi præmissa cognitione voluntas ad objectum determinatur, juxta proverbium: *Ignoti nulla cupido*. Proprietates humanæ Voluntatis memorabiles sunt, liberè & proprio arbitrio circa objecta versari, constanterovere bonum & fugere malum, nusquam in terrenis acquiescere, sed ex perpetuæ beatitudinis appetitu in infinitum sua desideria extendere. contingat Mentem ad mala inclinare, & hæc bonorum vice ardentè appetere, id nonnisi perverso judicio sub specie boni malum aliquod incipienti adscribendum venit. Voluntatem qui distinxerunt à *Noluntate*, illam ceu desiderium vel appetitum, hanc autem ceu fastidium sive aversionem alicujus rei conciendo.

Qu. 10. Quod si Anima est in perpetuo actu, quomodo igitur iste generaliter vocatur?

Resp. Cogitatio, meditatio, actio, operatio Mentis.

Actio mentis una est ac simplicissima, ipsa scilicet Cogitatio; quæ an sit perpetua, ac nunquam interrupta? an verò interdum requiescat? inter Philosophos disputatur. Plerique affirmativam prioris tenent, ideo quòd neque-

ant concipere Animam sine cogitatione existentem, utpote in quo actu ipsa ejus vita consistere videatur. Alii à vero non alienum censent, quod Mens nonnunquam in somno ab actu cogitationis quiescat, manente interim ejus vita & facultatibus, quæ cum requie fuerint roboratæ, rursus in actum concedant. Argumenta verò præcipua, quibus hi posteriores innituntur, duo sunt (1) Quòd si Anima in somno cogitaret, illam sibi necessario consciam fore; at hoc ostendi non posse, quin potius à quolibet contrarium deprehendi (2) Quòd si cogitaret in somno, illam expergefactam necessario præteritorum fore memorem; at neque hoc observari solere unquam, sicubi anima perfectum subiverit somnum; neque etiam suppetere rationem, cur illa omnium in somno cogitatorum semper oblivisci deberet? Ab his autem quærere oportet: *qualem igitur ideam habeant de Anima extra cogitationis actum versante?* si dicant, ideam substantiæ habentis facultatem cogitandi, licet re ipsa vel actu secundo non cogitantis, dicent, se habere ideam substantiæ, in quâ nihil substantiale, nullamque existendi formam positivam concipiant, id est, ni fallor, chimæra.

* *Qu. II. Quotnam vulgò species Operationum mentis consti-
tuuntur?*

Resp. Quatuor: Perceptio, Judicium, Discursus & Methodus.


In

In Cogitationibus essentiale discrimen poni vel concipi nullum potest, intelligimus tamen Mentem varios subire cogitandi modos. Hi à Philosophis ordine aliquo distinguuntur, quo sibi invicem succedere videntur; ita ut (1) dicatur Anima suum objectum contemplari, de eoque sibi ideas formare, qui modus cogitandi *Perceptio* nominatur. (2) Ideas duas pluresve invicem comparare, de iisque affirmando vel negando decernere, qui cogitandi modus *Judicium*. (3) Ex unitis aliquibus, & collatis judiciis nova deducere, seu ratiocinari, qui modus cogitandi *Discurfus*, & (4) Discursus multos in unum colligere, ac ordine quàm convenientissimo disponere, quæ cogitandi ratio *Methodus* appellatur.

Qu. 12. In quotnam igitur partes dividitur Logica?

Resp. In quatuor Libros, quorum singuli respondent singulis Mentis operationibus.





ARS COGITANDI
EROTEMATICA.

LIBER PRIMUS

DE

PERCEPTIONE.



CAPUT PRIMUM

DE

PERCEPTIONE IN GENERE.

**Quaestio I. Quid est Perceptio?*

Resp. Est prima alicujus Rei consideratio, quæ fit simplici contemplatione.

Perceptionis, quæ aliàs Conceptus vel Intellectus simplex, nonnunquam Apprehensio vocatur, hæc est natura, ut datum objectum per partes successivè contempletur, de eoque plures atque plures ideas paulatim sibi efformet, uno eodemque tempore vix nisi unum capiens, juxta illud Aristotelis: Nemo eodem tempore intelligit nisi unum.

Qu. 2. Quotuplex est Perceptio?

Resp. Duplex: interna & externa.

Qu. 3.

Qu. 3. *Quid est Perceptio interna?*

Resp. Ea, cùm Mens in seipsam convertitur, se suasque actiones intuetur ac sentit.

Animum sui ipsius compotem, vel actionum suarum naturaliter conscium esse, quilibet in semetipso experitur; ille autem ejus actus, quo in seipsum descendit, se contuetur, observatque, *Perceptio interna, Mentis reflexio, Intellectus reflexus* vocatur, cujus Plato in Phædro mentionem facit: *Animum*, inquiens, *nonnunquam à corporeis sensibus se subducere, & segregare, & apud se esse, ac tum purâ simpliciq; intellectione intelligere.*

Qu. 4. *Quid est Perceptio externa?*

Resp. Est Perceptio objectorum, quæ sunt extra mentem.

Ille actus, quo Mens ad res extra se existentes attentionem suam convertit, *Perceptio vel Intellectus externus* vocari solet; estque hic iterum vel *principalis*, quo Res ipsæ, vel *minus principalis*, quo rerum duntaxat nomina aut verba percipiuntur; item nunc *proprius*, cùm entia realia, nunc *improprius*, cùm entia tantùm rationis, seu figmenta concipiuntur. Perceptio, quâ res corporeæ, ut numeri, figuræ, magnitudines &c. intelliguntur, speciatim *Imaginatio* appellatur.

Qu. 5.

Qu. 5. Quotuplex est objectum Perceptionis?

Resp. Duplex: immediatum & mediatum.

Cogitationis objectum aliud Menti proximè conjunctum, aliud remotum existit, ex. gr. si de Sole cogitem, Sol tanquam sidus cœleste est remotum, sed idea quam de illo concepì, est proximum Perceptionis meæ objectum; illud aliòquì mediatum, hoc immediatum dicitur.



CAPUT SECUNDUM

DE

IDEIS IN GENERE.

** Qu. 1. Quomodo vocatur immediatum Perceptionis objectum?*

Resp. Idea.

** Qu. 2. Quid est Idea?*

Resp. Est alicujus objecti repræsentamen Animo immediate obversans.

Medium per quod res extra mentem positæ ei manifestantur, sunt *Ideæ* qualescunque, seu *repræsentamina objectorum*, sine quibus nihil omninò intelligi, aut animo comprehendi potest.

test. Unde alii ideam descripserunt: quòd sit *Mentis objectum immediatum*, seu id, quòd *Menti* *immediate obversatur*: alii, quòd sit *Res ipsa cogitata*, prout *objective in intellectu*: alii, quòd sit *Forma cujuslibet cogitationis*, per *cujus immediatam apprehensionem ipsius ejusdem cogitationis sumus conscii*. Omnium optimè illustrabitur Definitio nostra, si dicamus, Ideam in mente idem esse, quod imago alicujus corporis in speculo; quemadmodum enim v. gr. *Hominis* cujusdam facies in speculo repræsentatur per imaginem, sic in Animo per ideam.

Qu. 3. *Quotuplex est Idearum origo?*

Resp. Duplex: Aliæ ex puro Intellectu, aliæ ex Sensibus oriuntur.

Organa Sensuum nostrorum esse totidem instrumenta vel ostia, rerum corporearum impressionibus ad mentem transmittendis aperta, probatione non indiget, cum in se ipso quivis id experiatur. An autem in universum omnes Ideæ ex Sensationibus oriantur? inter Philosophos controvertitur. Plurimis illud Aristotelis arridet: *ἢ καὶ εἴναί τοιόν τινα φαντασμάτων*, hoc est, *Nihil esse in intellectu, quod non prius fuerit in sensu*; adeo ut, si Homo omnibus careret sensibus, etiam ejus Mens ideis in totum destituta foret. De his autem mirari subit, quòd Mentem eò usque Corpori subjectam fingant, ut sine hujus ministerio ne quidem cogitare posse ipsis videatur. Quærendum itaque venit: *Num Anima gaudeat absolutâ cogitandi facultate,*

cultate, nec ne? Si affirmativè respondeant, ergo nulla est Sensuum necessitas absoluta ad excitandas ideas: si negativè, eos ex S. S. in mentem revocare velim, Animam hominis esse ad imaginem Dei creatam, ipsique igitur cogitandi facultatem absolutissimam denegare vellet, non minus iniquum fore, quam Sacræ Scripturæ fidem derogare. Idcirco nos tantisper duplicem idearum originem stabiliemus, alias vid. ex puro intellectu, alias ex sensibus derivando; quarum illæ aliàs *intellectuales*, hæ autem *sensuales* vel *sensitivæ* vocantur.

Qu. 4. Quot sunt Fontes Idearum sensualium?

Resp. Quinque: Visus, Auditus, Gustus, Olfactus & Tactus.

Per Visum ad Mentem ingrediuntur ideæ colorum, luminis, figurarum, numerorum, magnitudinis, &c. Per Auditum ideæ sonorum, vocum, &c. per Gustum ideæ saporum, dulcedinis, aciditatis, amaroris &c. per Olfactum ideæ odorum, fragrantia, fœtoris, &c. Denique per Tactum ideæ caloris, frigoris, humiditatis, siccitatis, duritie, mollicie, doloris &c. Quibus autem volupe est disputare, *quinam ex istis Idearum fontibus sit amplissimus?* pro Visu vel Auditu acriter decertando inutilem ferè agunt operam.

Qu. 5. Quandonam Anima incipit cogitare?

Resp. Primo existentia suæ momento.

Cum

Cùm ipsa Animæ vita in actu Cogitationis sita esse intelligatur, extra dubium erit, illam primo suæ existentiaæ momento meditari. *Sed utrum Anima habeat Ideas innatas? (an quibusdam notionibus instructa à Deo creetur?) an verò secus?* inter Philosophos controvertitur. *Aristoteles* negativam asserturus illam tabulæ cui-dam rasæ comparavit, in quâ primitus quidem nihil sit pictum, sed postliminiò successivè rerum imagines insculpantur, ac in infinitum propagentur; cum eoque in eandem sententiam descendunt plerique istius seculi veritatis amantiore, aliquibus saltem hoc malè interpretantibus, si Mens omni notionum apparatu vacua à Deo creari concipiatur, qui proin censent nobiliores quasdam ideas, de Deo, de seipso, de bono & malo &c. ei naturaliter implantatas existere. Sufficiat nobis cognovisse, Deum omnipotentem Homini mentem ad Imaginem sui condidisse, eamque facultate intelligendi amplissimâ, & mediis quàm saluberrimis ita instruxisse, ut sponte primò ad sui ipsius, tunc Numinis Divini, dein cæterarum quoque rerum notitiam adspirare valeret. Qui probant Animam primo suæ existentiaæ momento cogitare, & vel de Deo, vel de seipsâ aliquid ruminari, tantum abest, ut Ideas innatas demonstrent, ut potius ostendant, se statum quaestionis ignorare, illasque nascentes cum innatis confundere.

*Qu. 6. Quid circa Idearum sensualium
Fontes notandum?*

Resp. Illos Animæ multorum errorum materiam præbere.

Sensationes Homini ad vitæ suæ commodum potius, quàm ad curiosam rerum hujus Mundi corporearum investigationem datas esse dubio caret; quòd enim in multis caligent illæ, ac in objectorum cortice tantùm detentæ subtiliora pleraque prætermittant, faciliè cuivis apparere potest. *An autem Sensus aliquando nos fallant?* aut *an ipsi decipiantur?* inter Philosophos ambigitur; Quocirca notandum, sensus corporeos, id est, organorum functiones aut motus, secundum leges mechanices strictissimas à Deo sibi præscriptas contingere, in eosque proin errorem nullum cadere, cùm à causis necessariis mechanicè moveantur. *Igitur Sensus corporei non falluntur, an ergo fallant?* superest dubitatio; hæc ut auferatur, considerandum est, Deum procul dubio leges posuisse, secundum quas organa mentem moverent, quæ proin cùm sint inviolabiles, sequitur etiam motus organorum Menti imponere non posse, sed eam ipsam propriâ culpâ ægrotare, si quando à sensibus corporeis decepta videatur. Genuina igitur Errorum causa, qui vulgò ex sensibus tanquam occasionali objecto proficisci dicuntur, est ipsa Mentis in judicando præcipientia, & abusus sensationum ab infantia contractus, ubi arctissimos illarum limites passim transcendere consuevimus.

Qu. 7.

Qu. 7. Quinam ex Erroribus occasione sensuum abortis gravissimi sunt?

Resp. Illi, quos Animi passionibus causantur.

Affectus Animi sunt hujus dispositiones ad aliquem scopum non sine impetu inclinantes, quæ si rationi obtemperent, vigorem actionibus Hominum conciliant, illasque utique gloriosas reddunt; si verò opinioni (falso judicio) pareant, prout illos hoc loco intelligimus, tum perditissimi virtutis & veritatis corruptores, seu ipsissimæ vitiorum matrices evadunt, ut experientia tristis quotidiana docet, & uno ore omnes Philosophi confitentur. *Quis autem animo complecti, vel oratione prosequi posset immensam ex inepto amore, odio, favore, invidia, ira, metu, cæterisque passionibus pravis contractam errorum scaturiginem, cui ab incunabulis quasi Mortalium mentes innutrientur?*

Qu. 8. Quenam sunt Passionum animi causa?

Resp. Præjudicia vel opiniones.

Opiniones nihil sunt aliud, quam *Judicia* à recto rationis dictamine aliena, quæ cum plerumque veritatis aliquam speciem præ se ferant, gravissimè animos abducunt. Eorum origo cunctis hominibus est communis, sc. sensuum abusus, mala educatio, rudis institutio, popula-

ris conversatio, & ejusmodi plures causæ,
vix ac ne vix quidem per istam Mortalium
conditionem evitabiles.



CAPUT TERTIUM

D E

SIGNIS IDEARUM.

*Qu. 1. Quenam ab hominibus sunt
constituta Idearum signa?*

Resp. Sermo atque nomina rerum.

Ut humana societas constaret, necessum erat
Mentes commercium aliquod inter se mutuum
exercere, quod ut fieret commodè, oppidò
Deus T. O. M. loquelam & auditum mortali-
bus impertiit, quò sic ideas animi sui vocibus
alligatas invicem proferre, atque mutuò cogi-
tata sua intelligere possent. Igitur nomina
rerum & verba, nec non ipse vultus gestusque
sunt totidem ipsius Animi interpretes, quibus
mortalium communio vel socialitas exercetur.
Atque adeo quidem Ideæ vocibus sunt alliga-
tæ, ut etiam Animus cum semetipso agens ta-
cité velut rerum, de quibus cogitat, nomina
versetur.

*Qu. 2. Quis determinavit significa-
tiones Vocum?*

Resp. Homines pro suo arbitrio.

Defi-

Definitiones nominum contradicente nemine sunt ad lubitum cuiuscunque, juxta proverbium illud: *Optimus interpres verborum quisque suorum*; & quemadmodum primi Linguarum inventores haud dubiè vocum significationes ex arbitrio suo determinarunt, ita cuivis etiamnum licet qualescunque verbis ideas consociare, si è re sua & proximi illud fore existimàrit.

Qu. 3. *Quomodo aliàs Nomina rerum à Logicis vocantur?*

Resp. Termini.

Qu. 4. *Quotnam differentie Terminorum apud Logicos sunt notabiles?*

Resp. Quatuor præsertim:

- (1) Alii sunt abstracti, alii concreti.
- (2) Alii synonymi, alii homonymi.
- (3) Alii plani, alii æquivoci.
- (4) Alii simplices, alii complexi.

Innumerabiles alias, quæ apud veteres Logicos reperire datur, ob inutilitatem consultò omitemus.

Qu. 5. *Quid est Terminus abstractus?*

Resp. Qui attributum à subiecto suo seorsim significat. Ut *pietas, prudentia, sinceritas, &c.*

Qu. 6. Quid concretus?

Resp. Qui attributum unà cum sub-
jecto suo significat. Ut *pius*, *prudens*,
sincerus &c. sc. *homo*.

*Qu. 7. Quid sunt Termini
synonymi?*

Resp. Qui rem unam eandemque
significant. Ut *ensis* & *gladius*.

Termini synonymi sunt vel in una eadem-
que lingua, ut modo positi; vel in diversa, ut
Homo & *Μακρόκοσμος*.

Qu. 8. Quid est Terminus homonymus?

Resp. Qui res plures diversas signi-
ficat. Ut *uasus*, *cancer*, *vulpes*, &c.

Qu. 9. Quid est Terminus planus?

Resp. Qui distinctam habet signifi-
cationem. Ut *homo*, *lapis*, *planta*, &c.

Hi termini respondent Ideis clavis atque
distinctis.

Qu. 10. Quid equivocus?

Resp. Qui ambiguum & minus de-
terminatam significationem habet. Ut
princeps philosophorum, *optimus re-*
gem, &c.

Hi respondent Ideis obscuris & confusis.

Qu. 11.

Qu. 11. *Quid est Terminus simplex?*

Resp. Qui rem aliquam sub una idea & voce significat. Ut *homo, anima, corpus, &c.*

Qu. 12. *Quid complexus?*

Resp. Qui rem aliquam sub pluribus ideis & verbis significat. Ut *Homo ad imaginem Dei creatus, Anima immortalis, &c.*

Qu. 13. *Quotuplices sunt Termini complexi?*

Resp. Duplices: nunc sensu tantum, nunc verbis simul.

Qu. 14. *Quid est Terminus sensu complexus?*

Resp. Cujus complexio verbis non exprimitur. Ut *Philosophus* *κατ' ἔξωτον* sic dictus, putà *Aristoteles*, *Rex* putà *noster*, *Papa* sc. *hodiernus, &c.*

Qu. 15. *Quid est Terminus verbis complexus?*

Resp. Qui plures ideas continet verbis expressas. Ut *philosophus* *gracia Aristoteles*, *rex gallia Ludovicus XIV. &c.*

Complexio expressa nunc fit cum pronomine relativo, velut si dicam : *Deus qui mundum gubernat* ; nunc sine illo, velut *Deus mundum gubernans*. Porro *Terminus complexus* nunc est *explicativus*, ubi voces adjectivæ explicant *Terminum primarium*, ex. gr. *Logica, quæ est medicina mentis*; nunc *determinativus*, ubi termini secundarii determinant *primarium* quoad aliquas circumstantias, putà temporis, personæ, loci &c. ex. gr. *Rex galliæ nunc vivens, Pax ultima inita*, & ejusmodi.



CAPUT QUARTUM

D B

DIFFERENTIIS IDEARUM ABSOLUTIS.

Qu. 1. Quotuplices sunt Idearum differentia?

Resp. Duplices : absolutæ & relatæ.

Qu. 2. Quot sunt differentia Idearum absolute?

Resp. Quatuor præsertim :

(1) Aliæ sunt simplices, aliæ compositæ.

(2) Aliæ perfectæ, aliæ imperfectæ.

(3) Aliæ

- (3) *Aliæ claræ, aliæ obscuræ.*
 (4) *Aliæ distinctæ, aliæ confusæ.*

* *Qu. 3. Quid est Idea simplex?*

Resp. In qua nullæ partes distingui possunt. Ut est *idea Dei, angeli, animæ, unitatis, doloris, caloris &c.*

Circâ Ideas simplices notandum, eas compositis & perfectiores & evidentiores existere, eaquepropter facilius ac tutius de iis judicari, quàm de compositis quibuscunque; neque enim hæ claritatem habebunt, nisi ex simplicibus tanquam sui partibus illam mutuaverint.

* *Qu. 4. Quid composita?*

Resp. Quæ in plures simplices resolvi potest. Ut *idea philosophi, regis, tyranni, &c.*

Idea Philosophi continet ideas hominis & philosophiæ invicem junctas; *Idea Regis* ideas principis & imperii ad ipsum spectantis; *Idea Tyranni* ideas regis & crudelitatis in ipso regnantis. Cæterum *Ideæ* aliæ aliis magis minusve sunt compositæ, & quæ plurimum sunt amplæ, etiam cæteris obscuriores magisque confusæ videntur.

* *Qu. 5. Quid est Idea perfecta?*

Resp. Quæ suum objectum ex toto repræsentat. Ut *idea unitatis.*

Idea perfecta aliàs *adaquata* vocantur, quod epitheton propemodum solæ sibi vendicant *idea simplicissima, unitatis, numeri, puncti &c.* cum non sit difficile ostendere, ex innumerabilibus nostræ Mentis ideis longè paucissimas aliquâ perfectione gaudere.

* *Qu. 6. Quid imperfecta?*

Resp. Quæ suum objectum non ex toto repræsentat. Ut *idea horologii, exercitus, urbis, arboris, sylva, libri, &c.*

Idea imperfecta aliàs *inadaquata* vocantur; tali epitheto dignæ sunt præsertim *Idea universales, compositæ, obscuræ, &c.* quibus sc. ægrè objectum quoad omnes sui partes significatur.

* *Qu. 7. Quid est Idea clara?*

Resp. Quæ suum objectum vividè & evidenter repræsentat. Ut *idea puncti, lineæ, anguli, numeri 2. 3. 4.*

Quemadmodum *Picturæ* nunc vividam rei significatæ imaginem exhibent, nunc verò obscuram & tenebricosam, sic etiam *Ideæ* sua objecta magis minusvé evidenter aut perspicuè significant, eoque ipso nunc *claræ*, nunc *obscuræ* dicuntur.

Qu. 8.

* *Qu. 8. Quid obscura?*

Resp. Quæ suum objectum obscure repræsentat. Ut *idea Spectri, Natura, &c.*

Obscuritatis accusandæ sunt Ideæ quàmplurimæ in Libris veterum Scholasticorum sub terminis nebulosis occurrentes, ex. gr. *Sympathie, Antipathie, occultarum Qualitatum*, & ejusmodi, quæ cum ab *Illustri Cartesio* sapienter & magno cum studiorum emolumento abrogata sint, idcirco immortales ipsi cum publico gratias debemus.

* *Qu. 9. Quid est Idea distincta?*

Resp. Quæ objecti partes distinctè repræsentat. Ut *idea numeri 3. 4. 5. trianguli, quadranguli, &c.*

Cum Idea quædam distincta dicitur, supponimus illam esse compositam, quia in simplicem eò quod partibus careat nulla propriè cadit distinctio. *Composita* autem *Idea* tunc nominatur *distincta*, si ex simplicibus clavis distinctè ab invicem separabilibus coaluerit, velut ex ideis clavis linearum & angulorum nascitur idea composita atque distincta *Trianguli, Quadrati, &c.*

* *Qu. 10. Quid confusa?*

Resp. Quæ objecti partes confuse repræsentat. Ut *idea Turma hominum, Acerva*

Acervæ formicarum, congeriei Apum, &c.

Quantos pariant errores Ideæ obscuræ & confusæ dici vix potest. Exempla illustriora vid. in *Art. Cog. Cap. VIII. & seqq.*



CAPUT QUINTUM

DE

DIFFERENTIIS IDEARUM RELATIS.

Qu. I. Quotnam sunt differentie Idearum relata?

Resp. Tres præsertim:

- (1) Aliæ sunt reales, aliæ fictitiæ.
- (2) Aliæ determinatæ, aliæ vagæ.
- (3) Aliæ universales, aliæ particulares, aliæ singulares.

**Qu. 2. Quid est Idea realis?*

Resp. Quæ rem aliquam existentem menti repræsentat. Ut idea *Dei, Cæli, Terræ, &c.*

Ideæ reales aliæ sunt *substantiarum*, ut idea *Hominis*, aliæ *attributorum*, ut idea *pulchritudinis &c.* Utrumque genus in inferiores alias

ias species secundum ordinem Categoriarum
bdividi potest.

* Qu. 3. *Quid fictitia?*

Resp. Quæ ens rationis repræsentat.
t idea *nihili, montis aurei, lapidis phi-*
sophorum, &c.

Entia à Metaphysicis distinguuntur in *realia,*
entia rationis; illa dicuntur, quæ in mundo
vera existunt, ut Cælum, Stellæ, Animalia,
antæ, &c. hæc autem, quæ etsi nusquam in-
eniantur, à Mente tamen finguntur, ac si ex-
entiam haberent, vel saltem habere possent,
: Mons aureus, Insula beatorum, Panacea,
apis philosophorum, & ejusmodi. Notan-
um verò illas Ideas fictitias, quæ per
sentis abstractionem concipiuntur, eum in fi-
em ut aliquod objectum compositum par-
culatim exploretur, minimè inutiles, quin
otius absolutè necessarias esse, si illud solidè
exquisitè debeant pervestigari. Sic Mathe-
matici non sine usu considerant puncta, lineas,
uperficies in abstracto, antequam solida in
oncreto rimentur.

* Qu. 4. *Quid est Idea determinata?*

Resp. Quæ determinatum aliquod
bjectum repræsentat. Velut idea *Ari-*
otelis, Platonis, Pythagoræ &c.

Tribus præsertim modis Idea determinari
olet, (1) *Nomine proprio*, ut Alexander ma-
gnus

gnus (2) *Pronomine demonstrativo*, ut *hic Homo*, *hic Liber*, &c. (3) *Periphrasi sive circumscriptio-
ne*, ut *Philosophus peripateticus*, *Apostolus
gentium*, &c.

** Qu. 5. Quid Idea vaga?*

Resp. Quæ non ad certum objectum determinatur. Ut *idea cujusdam Philo-
sophi, Principis* &c.

** Qu. 6. Quid est Idea universalis?*

Resp. Quæ plurima simul objecta menti repræsentat. Ut *idea Entis, Sub-
stantia, Spiritûs, Corporis, Animalis, Plan-
ta* &c.

Ex ideis universalibus aliæ magis, aliæ minus extensæ sunt, secundum seriem Generum, quæ sibi invicem subordinantur. *Vid. Locus de Ca-
tegoriis.*

** Qu. 7. Quid particularis?*

Resp. Quæ aliqua tantum objecta repræsentat. Ut *idea quorundam Homi-
num, Regum, Imperatorum* &c.

** Qu. 8. Quid singularis?*

Resp. Quæ rem unam & individua-
lem significat. Ut *idea Davidis, Salo-
monis* &c.



CAPUT SEXTUM

DE

QUINQUE IDEIS UNIVERSALIBUS VETERUM LOGICORUM.

Qu. 1. Quotnam Idea universales stantuebantur à veteribus Logicis?

Resp. Quinque: Genus, Species, Differentia, Proprium & Accidens.

Istæ aliàs à Logicis *Prædicabilia* vel *Universalia* vocantur, eo quòd de pluribus dici vel ædicari soleant. *Idea Generis* & *Speciei* respondet quæstioni: *Quid res sit?* reliquæ posteriores autem quæstioni: *Qualis res sit?* Ex. si quæritur: *Quid sit Homo?* respondet ea generis, quòd sit animal; & idea speciei, iòd sit mas, vel fœmina. Si verò interrogar: *Qualis sit Homo?* respondet idea Differentiæ, quòd sit rationalis; tùm idea Proprii, iòd sit loquens; postremò ideæ accidentium, iòd sit pius, doctus, dives &c. Cæterùm etsi amplurima de istis Prædicabilibus differuerit Peripatetici, ea tamen majorem partem utilia videntur, & salvo rationis usu præteriri sũnt.

Qu. 2. Quid est Genus?

Resp. Idea res universales unâ communi imagine repræsentans. Ut *Ens*, *Substantia*, *Corpus*, *Animal*, *Planta* &c.

Qu. 3. Quotuplex est Genus?

Resp. Duplex : summum five generalissimum, & medium five subalternum.

Idea Generis nunc *generalissima* est, ac omnium suprema, ut *idea Entis*; nunc ei *subordinata* vel *inferior*, magis minusve remota, quoque remotior eò minus generalis; sic enim ordine quodam subordinantur ideæ *Substantiæ*, *Spiritus*, *Corporis*, *Animalis*, *Hominis*, *Plantæ* &c. quarum singulæ respectu superioris *subordinatæ*, aliàs promiscuè *Genera* vel *Species subalternæ* vocantur. Ex. gr. *Animal* respectu *Corporis* species, at respectu *Hominis* genus appellatur.

Qu. 4. Quid est Species?

Resp. Idea res plurimas sub una communi imagine repræsentans., sed Genere inferior. Ut *Homo*, *Simia*, *Canis*, &c.

Qu. 5. Quotuplex est Species?

Resp. Duplex : infima seu specialissima, & media five subalterna.

Speciem

Speciem & Genus subalternum non differre paulò superius dictum est, cum eadem Idea generalis diverso respectu ad superiorem aliam vel inferiorem, nunc Genus, nunc Species appellari soleat. Ex. gr. Planta respectu Corporis viventis species, sed respectu Arboris genus; Animal respectu Corporis species, sed respectu Hominis aut Bruti genus dicitur.

Qu. 6, Quid est Differentia?

Resp. Idea rem unam ab aliâ distinguens.

Ex. gr. Hominem à Bruto animali distinguit idea rationalitatis, quæ cum illi competit, non item huic, idcirco Differentia appellatur.

** Qu. 7. Quotuplex est Differentia?*

Resp. Duplex: essentialis & accidentalis.

Qu. 8. Quid est Differentia essentialis?

Resp. Quæ res distinguit attributis essentialibus.

Si Genus duas sub se species complectatur, necessariò ambarum ideæ aliquid includunt, non contentum in idea Generis; jam illud ipsum si fuerit attributum essentialē speciei, non reperiendum in genere, constituit *Differentiam essentialē*, & genus in species dispecit. Ex. gr. Substantia duas admittit species, Spiritum & Corpus, illius idea cogitationem, hujus

hujus autem idea extensionem necessariò includit, quarum neutra in idea generali substantiæ continetur, ut proiude Differentiam essentialem inter Spiritum & Corpus efficere dicantur. Cæterum Differentia essentialis nunc ab uno aliquo attributo, nunc à pluribus simul sumptis derivatur; sed qualicunque modo se habeat, semper cum specie sua reciprocatur, velut extensio cum Corpore, rationalitas cum Homine, cogitatio cum Spiritibus, & sic porrò.

Qu. 9. Quid accidentalis?

Resp. Quæ res distinguit attributis accidentalibus.

Si inter res duas vel plures concipiatur Differentia, in attributo uno vel pluribus accidentalibus sita, hæc *accidentalis* vocatur; quemadmodum ex. gr. unus Homo ab alio discrepat staturâ, vultu, robore, ætate, ingenio, formâ &c. Corpus unum ab alio magnitudine, figurâ, situ, motu, duritie, mollitie, colore, & sic porrò.

Qu. 10. Quid est Proprium, sive Proprietas?

Resp. Attributum rei, quod ab essentia ejus immediatè fluit.

Quod vulgò Logici termino connotativo *Proprii* designant, nonnihil melius exprimi videtur per substantivum *Proprietatis*; quo quidem

n nomine donantur illa Attributa, quæ etſi entiam rei non conſtituant, ab ea tamen immediate, & inſeparabiliter dependent. Ex. gr. corporis eſſentia in extenſione conſiſtit, ab hac mediatè fluunt diviſibilitas, ſoliditas, impenetrabilitas, mobilitas &c. tanquam totidem corporis proprietates. Porro eſſentia Humani conſiſtit in unione Animæ cum Corpore animali, ex quâ fluit ſenſibilitas, loquendi facultas, &c. velut totidem hominis proprietates.

*Qu. II. Quotnam vulgò ſpecies
Proprietatis apud Logicos
recenſentur?*

Reſp. Quatuor:

- (1) Proprietas, quæ ſpeciei cuidam omni ſoli & ſemper competit.

Ita *Senſibilitas*, *loquendi facultas* &c. omnis Hominum individuus & ſolis & ſemper neceſſa eſt; ſic Corporibus identidem ſoliditas, impenetrabilitas, mobilitas, diviſibilitas &c. luciditas, calor, Aëri ſonus, Gallo cantus, canis latratus, Equo hinnitus &c. Cæterum hæc ſpecies proprietatis ſola locum inter prædicabilia habet, cum cætera hic ſubjuncta ad Accidentia rejiciantur.

- (2) Quæ ſpeciei cuidam omni, ſed non ſoli competit.

Ita somnus, cunctis Hominibus sed non solis concessus est.

(3) Quæ speciei cuidam soli, sed non omni competit.

Ita soli speciei Hominum convenit esse Regem, Ducem, Militem, Philosophum, Medicum &c. sed non omnibus ejus individuis.

(4) Quæ speciei cuidam omni & soli sed non semper competit.

Sic loquela articulata omnibus Hominibus, & solis, sed non semper concessa est.

Qu. 12. Quid est Accidens?

Resp. Est attributum contingenter substantiæ cuidam inhærens. Ut *Formositas homini, Color parieti, Figura ligno.*

Attributum dicitur, quod sit modus essendi ipsius substantiæ, hanc sc. aliqua ratione determinans, licet nihilominus separatim existere aut concipi possit. Unde ab *Aristotelicis* definitum est *Accidens, quod abest & adest sine subjecti interitu, sive quod sine contradictione de subjecto suo affirmari & negari potest.*

Qu. 13. Quoruplex est Accidens?

Resp. Duplex: separabile & inseparabile.

Separabile dicitur, quod ex naturalibus causis à subjecto suo removeri potest, ut sanitas, formositas, &c. ab homine, calor ab aqua, color ex pariete &c. *Inseparabile* autem, quod naturaliter

aturaliter à substantia sua separari nequit; etsi cogitatione seorsim ab illa concipi valeat; ut est albedo in nive; nigror in corvo; motus in ole; & ejusmodi.

CAPUT SEPTIMUM

D E

OBJECTO PERCEPTIONIS MEDIATO SIVE REMOTO.

* Qu. 1. Quodnam est Perceptionis objectum etiam externum?

Resp. Sunt res ipsæ de quibus cogitamus.

* Qu. 2. Quomodo illa apud Logicos vocantur?

Resp. Themata simplicia.

Themata dicuntur ἀπὸ τῶ ἀπλοῦ, ποῦν, πῶν, quod sint res, vel objecta cogitationi proposita. Distinguuntur Themata apud Logicos in simplicia & complexa; illa rursus in universalia, articularia & singularia; hæc postrema ulterius in determinata & vaga. At quoniam hæc ex doctrina de Ideis jam satis elucescunt, ideo hic prætermittuntur.

* Qu. 3. Quotnam modis considerantur Themata illa?

Resp. Duobus modis: vel absolute & seorsim, vel relate ad se invicem.

** Qu. 4. Quomodo dividuntur Themata in se spectata?*

Resp. In varia genera vel classes, quæ vulgò categoriæ seu prædicamenta vocantur.

** Qu. 5. Quotnam Categoriae ab Aristotele numeratae sunt?*

Resp. Decem: substantia, quantitas, qualitas, relatio, actio, passio, ubi, quando, situs & habitus.

Veteres de eo, quod cognoscendum erat, sequentes ordine Quæstiones percurrerant: (1) Quid esset? (2) Quantum? (3) Quale? (4) Ad quid referretur? (5) Quid ageret? (6) Quid pateretur? (7) Ubi esset? (8) Quando? (9) Quomodo situm? ac (10) Quid haberet adjunctum? Quibus scil. quæstionibus respondent totidem prædicamenta. In eaque res perquirendi aut pertractandi methodo magnam & auctoritatem & mysterium posuerunt in universum Peripatetici; cum tamen facile appareat, ordinem illum ac numerum merè arbitrarium esse, & pro lubitu augeri vel minui posse. Ut taceam divisionem istam vitiis laborare, & pusillæ utilitatis existere.

** Qu. 6. Quomodo recentiores Logici res hujus mundi distinguunt?*

Resp. In substantias & attributa.

In divisione rerum hujus mundi incipiendum est à Generibus summis, gradatim descendendo

do ad inferiora, tandem cum infimis ab-
vendo.

*Qu. 7. *Quid est Substantia?*

Resp. Est ens per se subsistens. Ut
lun, terra, &c.

Illud Ens, quod concipitur seorsim existere
aliis, & esse subiectum aliorum, ea in se re-
iundo, *Substantia* à Logicis vocatur, Germ.
selbsbeständiges Ding. Aliis definitur
reale, quod alii tanquam subiecto inhaesionis
inexistat; vel quod nullius Creaturæ egeat
ut per illam & in illa existat. Circa nostram
initionem notandum, quod illa verba per se
sistere duplici sensu accipi possint, vel qua-
us aliqua res est absolutè independens à qua-
unque causa procreante vel conservante,
o sensu revera nonnisi solus Deus per se sub-
it; vel quatenus aliqua res, suis utcunque
ligens causis, tamen ab illis separatim exi-
re concipitur, aut saltem illis tanquam sub-
to non inhæret; quâ significatione pollent
rba in definitione collocata.

*Qu. 8. *Quomodo dividuntur Substan-
tia hujus mundi?*

Resp. In Spiritus & Corpora.

*Qu. 9. *Quid est Spiritus?*

Resp. Ens intellectu & voluntate præ-
um.

Spiritus aliàs *Mentes*, *Animæ*, *Substantia* cogi-
tes, *Substantiæ immateriales* vocantur, qua-
n essentielles proprietates duæ sunt *Intellectus*
&

& *Voluntas*, quibus ipsa Spiritus idea absolvitur.

* *Qu. 10. Quotuplices sunt Spiritus?*

Resp. Duplices: infiniti & finiti.

* *Qu. 11. Quid est Spiritus infinitus?*

Resp. Qui a seipso est, & ab æterno.
Ut solus triunus Deus.

Deus infinitus dicitur, ideo quod sit ab æterno, & omnes habeat perfectiones, potentia, sapientia, sanctitatis, iustitia, clementia &c. in quibus prædicandis Homo nullum assequitur finem.

* *Qu. 12. Quid sunt Spiritus finiti?*

Resp. Qui à Deo creati sunt. Ut *Angeli, Mentes humanae, &c.*

Finiti dicuntur ideo quod non sint ab æterno, & à Deo dependeant, tanquam ejus creatura.

* *Qu. 13. Quomodo subdividuntur Spiritus finiti?*

Resp. In Angelos & Animas.

Angeli sunt Spiritus ab omni corpore liberi & sejuncti, ut *Angeli celi*; *Animæ* autem vocantur Spiritus cum vivente aliquo Corpore naturaliter conjuncti, ut *Mentes humanae*.

* *Qu. 14. Quid est Corpus?*

Resp. Substantia in longum latum & profundum extensa. Ut *lapis, arbor, &c.*

Corporis essentia vel natura in extensione con-

con-

istit, ex qua fluunt ejus proprietates, fortas, impenetrabilitas, divisibilitas, mobilitas, &c. omni sc. corpori, soli, & semper convenientes.

* Qu. 15. Quotuplicia sunt Corpora?

Resp. Duplicia: animata & inanimata.

Animata seu *viventia* dicuntur Corpora organica, motu interno & nutritione prædita; dividuntur in *Plantas* & *Animalia*, hæc item in *rationalia* & *irrationalia*, sicque ulterius. *Inanimata* autem vocantur, quæ organico apparatus, & motu interno nutritioneque carent, *Metalla*, *Lapides*.



CAPUT OCTAVUM

DE

ATTRIBUTIS SUBSTANTIARUM IN GENERE.

* Qu. 1. Quid est *Attributum*?

Resp. Quicquid alicui rei inest, ac de dici potest.

Quicquid alicui substantiæ tanquam subiecto existere concipitur, ita ut illam certo afficiat modo, ut sit talis vel talis, tanta vel tanta, &c. ad omne *attributi* vel *modi* nomine comprehenditur. Ex. gr. *Solem* concipio per se existere, est ergo *substantia*, in sole concipio inesse

tanquam in subiecto magnitudinem, rotunditatem, calorem, lucem &c. hæc igitur ejus sunt attributa.

**Qu. 2. Quenam est proprietas Attributi?*

Resp. Subiecto cuidam inhærere, neque extra illud existere posse.

Ex. gr. magnitudo, figura, motus, calor, frigus, colores &c. existere nequeunt nisi in Corpore aliquo, tanquam sui receptore vel subiecto inhærationis; pietas, formositas, sanitas &c. nulla absque Homine, qui illas possideat virtutes, & sic porro. Animadvertendum tamen circa Spiritus, quod illorum attributa vix ac ne vix quidem ab essentia eorundem ipsa conceptu nostro distinguere valeamus, utpote qui de spiritualibus plurimum cæcutire solet. Ex. gr. Cogitatio, quæ Mentium est attributum, ab earundem natura vel essentia distingui nequit, ut potius sola cogitationis notio ideam Animæ absolvat. Unde etiam Theologi asserunt: *In Deo nihil esse, nisi quod sit ipse Deus.*

Qu. 3. Quotnam differentia Attributorum apud Logicos notantur?

Resp. Tres præcipuè:

- (1) Alia sunt essentialia, alia accidentalia.
- (2) Alia positiva, alia negativa.
- (3) Alia abstracta, alia concreta.

Aristotelici modos distinguunt quadrifariam,

*modos fiendi, essendi, existendi, & operandi; de
ibus videantur illorum Systemata.*

**Qu.4. Quid est Attributum essentialē?*

Resp. Quod alicui substantiæ essen-
tialiter inhæret. Ut *cogitatio animæ, ex-
sio corpori, &c.*

Essentialiter inhærere dicitur, quod alicui rei
cessariò inest, ac cum ejus existentia recipro-
ur; sic ex. gr. cogitatio Animæ essentialiter
mpetit, cum ab ea separari nequeat, ac po-
i ejus existentia necessariò illam comitetur,
mque de extensione respectu Corporis in-
igendum.

*Qu.5. Quotuplex est Attributum essen-
tiale?*

Resp. Duplex: essentia rei ipsa, &
jus proprietates.

Ex iis nimirum, quæ alicui substantiæ neces-
iò inhærent, aliqua. esse illius tanquam for-
constituunt, & vocantur *Essentialia attribu-
rei*, vel invicem sumpta, *Essentia* sive *Natura*
; alia verò hanc Essentiam sicut adjuncta vel
ecta immediatè consequuntur, & *Propria* seu
proprietates rei nominantur. Ex. gr. Extensio
longum latum & profundum constituit Cor-
s, tanquam forma essentialis, quâ positâ po-
ur Corpus, sublatâ tollitur, idcirco vocatur
orporis essentia, natura, vel forma essentia-

Ab extensione autem immediatè ac neces-
iò fluunt soliditas, impenetrabilitas, divisi-
itas, mobilitas &c. idcirco *Proprietates* cor-
ris salutantur.

* *Qu. 6. Quid est Attributum accidentale?*

Resp. Quod alicui substantiæ contingenter inhæret. Ut *Formositas homini, Color parieti &c.*

Aliàs hoc attributum *Accidens* simpliciter vocatur, tanquam modus à suo subiecto vel naturalibus ex causis, vel saltem cogitatione separabilis. Confer *Cap. VI. Qu. 12.* Dein ex divisione *attributorum* in *essentialia & accidentalia* nascitur etiàm illud discrimen, cum alia dicuntur *propria*, alia *communia*; veluti Attributa homini cum brutis communia sunt moveri, nutrirì, &c. propria autem loqui, sentire &c.

Qu. 7. Quid est Attributum positivum?

Resp. Est modus essendi realis. Ut *Motus in corpore, Visus in homine, &c.*

Qu. 8. Quid negativum?

Resp. Est Modus essendi privativus. Ut *Quies in corpore, Cæcitas in homine, &c.*

Attributa positiva non tam vocibus aut terminis; quam sensu discernenda sunt, quia interdum voces affirmativæ modum negativum, & vice versa termini negativi modum positivum significant: Ex. gr. *mortalitas, oblivio, cæcitas*, licet affirmativi termini nihilominus attributa negativa significant; è contrario *immortalitas, inclementia*, sunt termini negativi, cum tamen modos positivos designent.

Qu. 9. Quid est Attributum abstractum?

Resp. Quod seorsim à sua substantia

cipitur. Ut *pietas, formositas, opulenta, &c.*

Modi separatim à subjectis suis considerur, ex gr. numerus, figura, motus, absque illo Corpore, pietas, humilitas, sinceritas, que significato Homine, & sic porro, tunc *tributa abstracta*, ut & *Termini* seu *Voces* illa significantes identidem abstracti dicuntur. *Conf. III. Lib. I.*

Qu. 10. *Quid est igitur Mentis abstractio?*

Resp. Cum ex iis, quæ conjuncta sunt, unum sine altero consideratur.

ut longitudo Corporum consideratur seorsum à latitudine, hæc à profunditate, pars superius à latitudine, pars inferius à profunditate, anterior à posteriore, dextra à sinistra, & sic porro; licet nihilominus sub quacunque Mentis abstractione in attributi semper idea substantiæ aliquatenus involvatur.

Qu. 11. *Quid est Attributum concretum?*

Resp. Quod unum cum sua substantia accipitur. Ut *Homo pius, formosus, di-*
&c.

Termini quibus attributa rerum concreta significantur, identidem *concreti* audiunt, sunt nunc *simplices*, ut *Rex, Tyrannus, Agricola*, sic *complexi*, ut *Homo prudens, formosus, crudelis* &c.

*CAPUT NONUM*

DE

ATTRIBUTIS IN SPECIE, ET
PRIMO DE QUANTITATE.

Qu. 1. Quotnam attributa apud Aristotelicos speciatim notabantur?

Resp. Novem:

Quicquid sit de hoc Attributorum numero novenario, nos ex iis tantum tria considerabimus, sc. *Quantitatem, Qualitatem & Actionem*, cætera vel supervacanea æstimantes, vel aliorum pertinentia.

** Qu. 2. Quid est Quantitas?*

Resp. Est modus rei, à quo hæc tanta vel tanta dicitur.

Apud *Aristotelicos* Quantitas est *accidens*, quod per se partem habet extra partem; apud alios *Mensura magnitudinis, multitudinis & durationis*.

** Qu. 3. Quotuplex est Quantitas?*

Resp. Triplex: magnitudo, multitudo, & tempus.

Vulgò *Quantitas* distinguitur in *continuam* cujus partes conjunctæ, & *discretam*, cujus partes separatæ sunt, illa rursus in unam, quæ permanet, ut *Magnitudo*, & alteram quæ fluit,

ut

ut *Tempus*. *Discreta* tantum una est, ac aliàs singulari nomine *Numerus*, vel *Multitudo* vocatur. Nos ut subdivisioni parcamus, studio brevitas & perspicuitatis unâ trimembri dissectione omnem *Quantitatem* comprehendemus.

* *Qu. 4. Quid est Magnitudo?*

Resp. Est quantitas, cujus partes invicem conjunctæ sunt.

Inde aliàs *Quantitas continua*, nunc etiam *Extensio*, *Dimensio* vocatur.

* *Qu. 5. Quotuplex est Magnitudo?*

Resp. Triplex: *ilinea*, *superficies* & *corpus*.

Linea est magnitudo tantum longa, ut *ulna*, *milliare*, *stadium*. *Superficies* est magnitudo longa & lata, ut *planities campi*. *Corpus* denique est magnitudo longa lata & profunda, ut *domus*, *turris*, *arbor*, &c. *Termini Linearum* sunt puncta, *termini superficierum* lineæ, ac denique *termini Corporum* superficies.

* *Qu. 6. Quid est Multitudo?*

Resp. Est quantitas, cujus partes à se invicem separatæ sunt.

Aliàs *Quantitas discreta*, & vulgò *Numerus* vocatur, qui dein est vel *abstractus*, ut 2. 3. 4. vel *concretus*, five rebus certis applicatus, ut *decas*, *centuria*, *myrias Hominum*, &c.

* *Qu. 7. Quid est Tempus?*

Resp. Est quantitas successivæ durationis rerum.

*Aristoteli est Numerus motus secundum prius
& posterius; aliis Mensura durationis rerum, &c.*

**Qu. 8. Quotuplex est Tempus?*

Resp. Triplex: præteritum, præsens
& futurum.

Præterea temporis variæ occurrunt mensuræ, annus, mensis, hebdomada, dies, hora, minuta, &c. Quæ autem Temporis partes à nobis minimæ concipiuntur, *Momenta*, græcè τὰ νῦν vocantur.



CAPUT DECIMUM

DE

QUALITATE.

**Qu. 1. Quid est Qualitas?*

Resp. Est modus Substantiæ, à quo hæc talis vel talis dicitur.

**Qu. 2. Quotuplex est Qualitas?*

Resp. Duplex: alia Spirituum, alia Corporum.

Ab Aristotelicis quatuor species Qualitatum notabantur (1) Habitus & Dispositio. (2) Potentia & Impotentia naturalis (3) Patibilis qualitas & Passio (4) Forma & Figura.

**Qu. 3. Quomodo vocatur Qualitas in Spiritibus concepta?*

Resp. Facultas seu potentia agendi.

Qu. 4.

* Qu. 4. Quotuplex est ea?

Resp. Duplex: naturalis & acquisita.

Potentia naturalis dicitur, quam suâ naturâ irritus possident, velût Anima hominis facultatem intelligendi, volendi &c. quæ si artē & ut incipiat perfici, *Dispositio*, & si jam eò pernerit, ut cum plenâ facilitatē operari possit, nec *Potentia acquisita*, vel *Habitus mentis* vocatur.

* Qu. 5. Quomodo vocantur Qualitates Corporum?

Resp. Qualitates sensibiles. Ut sunt calor, frigus, lumen, color, sonus, &c.

Illa Corporum attributa, quæ per sensus corporeos menti nostræ manifestantur, apud Physicos *Qualitates sensibiles*, apud Logicos *patibiles* vocari consueverunt, discriminatæ quidem toto numero quinque sensuum nostrorum (1) *Visibiles*, ut sunt lumen, colores, magnitudo, figura, &c. (2) *Audibiles*, ut sunt soni omnis generis, (3) *Gustabiles*, ut saporēs, dulcedo, amaror, austeritas, &c. (4) *Olfactiles*, ut sunt odores, fragrantia, fœtor, &c. (5) *Tactiles*, ut sunt calor, frigus, humiditas, siccitas, durities, molities, dolor &c. ex quibus *Aristotelici* quadrigam *Humiditatis, Siccitatis, Caliditatis & Frigiditatis* appellaverunt *quatuor primas Corporum qualitates*.



CAPUT XI.

DE

A C T I O N E.

** Qu. 1. Quid sit actio per se clarum est, igitur mihi dicas, quotuplex ea sit?*

Resp. Duplex: Spirituum & Corporum.

Actiones Spirituum & Corporum essentialiter ab invicem differunt; illæ ab essentia causæ vel substantiæ unde producuntur, per Mentis nostræ imbecillitatem distingui nequeunt; hæ utique clariùs innotescunt. Alioquin apud Veteres *actus* nunc *primus* dicebatur, qui nihil esset nisi potentia agendi; nunc *secundus*, qui esset operatio ipsa actualis modò contingens.

** Qu. 2. Quanam est actio Spirituum?*

Resp. Una & simplicissima cogitatio.

** Qu. 3. Quanam est proprietas Actionum spiritualium?*

Resp. Quòd fiant ex libera voluntate.

Mentes ut liberè agant, sive ut nullum in se alienum agendi impulsus percipiant, à Sapientissimo suo Creatore acceperunt, quem actionis præclarum characterem in se animus hominis satis superque experitur.

Qu. 4.

Qu. 4. Quotuplex est Actio Spirituum?

Resp. Duplex : immanens atque intransiens.

Actio immanens dicitur, quæ à Mente proficiscitur, in eaque subsistit ac terminatur; transiens verò quæ extra Mentem in res alias porrigitur, ex. gr. in oculum lustrando, in linguam percutiendo, in manum scribendo, in pedes ambulando, &c.

*Qu. 5. Quanam est Actio corporum?

Resp. Motus.

*Qu. 6. Quanam est proprietas Actionum corporearum?

Resp. Quod fiant necessitate naturæ.

Qu. 7. Quanam in Actione corporum qualibet discernenda sunt juxta Veteres?

Resp. Quatuor: agens, patiens, terminus à quo, & terminus ad quem.

Exemplo sit Trucidatio Ciceronis : in hac agens fuit Herennius ab Antonio missus, patiens Cicerone, terminus à quo vita Ciceronis, terminus ad quem mors ejusdem. In explosione Bombæ agens est accensus pulvis pyrius, patiens Globulus explosus, terminus à quo Bombæ, terminus ad quem meta, quam globulus feriendo attingit.



CAPUT XII.

DE

RERUM CONSIDERATIONE
RELATIVA, SEU RELATIONE.

* *Qu. 1. Quomodo apud Logicos vocatur respectiva rerum consideratio?*

Resp. Relatio, & res ipsæ ad se invicem spectatæ Relata.

Relatio aliàs definitur, quòd sit rei unius ad aliam habitudo, s. *Εξίς*, s. *respectus*: vel *actus* mentis rem unam cum alia conferens sive comparans. Ea ipsa autem quæ ad se invicem referuntur Relata, græcè τὰ πρὸς τὴν vocantur, utpotè quæ juxta Aristotelem id ipsum quod sunt aliorum esse dicuntur, vel alio aliquo modo ad aliud referuntur.

* *Qu. 2. Quanam est proprietas Relatorum?*

Resp. Esse simul naturâ, seu existentia suâ reciprocari.

Ex duobus Relatis neutrum sine altero existere potest, sed uno posito, alterum eo ipso simul ponitur, quòd sit Relatum; ex. gr. Pater non est, nisi qui habeat Filium, nemo Dominus, nisi habeat servum, non Rex, nisi sint subditi, & sic porro, quorum proin ideæ se invicem ponunt, aut mutuò tollunt, id est, reciprocantur.

Qu. 3.

EROTEMATICA. § I

*Qu. 3. Quotuplicia sunt Relata?

Resp. Duplicia : realia & rationis.
Distinguuntur etiam in *Relata secundum dici*, & nomine tantum aut verbis ad se invicem referuntur, ut *sensus & sensibile*, *scientia & scibile*, ejusmodi ; & *Relata secundum esse* ; quorum a essentia consistit in respectu ad aliud , ut *vir & uxor*, *victor & victus*, &c.

*Qu. 4. Quid sunt Relata realia?

Resp. Quæ suâ naturâ ad se invicem feruntur: Ut *pater & filius* ; *rex & bdi.*

*Qu. 5. Quid Relata rationis?

Resp. Quæ nonnisi in conceptu nostro ad se invicem referuntur. Ut *dextrum & sinistrum*.

*Qu. 6. Quanam sunt in qualibet Relatione consideranda?

Resp. Tria: relatum, correlatum & fundamentum relationis.

Res quæ ad aliam refertur, *Relatum* ; hæc alia quam prior illa refertur, *Correlatum* ; ac ostremo ratio, ob quam res illæ ad se invicem feruntur, *Fundamentum relationis* vocatur. c. gr. in relatione regis ad subditos, rex dicitur *relatum*, subditi *correlatum*, & potestas realis sive imperium, *fundamentum ejus relationis*. Relatum alioqui etiam *subjectum*, & correlatum *minus relationis* nominatur.

*CAPUT NONUM*

DE

ATTRIBUTIS IN SPECIE, ET
PRIMO DE QUANTITATE.

Qu. 1. Quotnam attributa apud Aristotelicos speciatim notabantur?

Resp. Novem:

Quicquid sit de hoc Attributorum numero novenario, nos ex iis tantum tria considerabimus, sc. *Quantitatem, Qualitatem & Actionem*, cætera vel supervacanea æstimantes, vel aliorum pertinentia.

** Qu. 2. Quid est Quantitas?*

Resp. Est modus rei, à quo hæc tanta vel tanta dicitur.

Apud Aristotelicos Quantitas est accidens, quod per se partem habet extra partem; apud alios Mensura magnitudinis, multitudinis & durationis.

** Qu. 3. Quotuplex est Quantitas?*

Resp. Triplex: magnitudo, multitudo, & tempus.

Vulgò *Quantitas* distinguitur in *continuam* cujus partes conjunctæ, & *discretam*, cujus partes separatæ sunt, illa rursus in unam, quæ permanet, ut *Magnitudo*, & alteram quæ fluit,

ut

Tempus. Discreta tantum una est, ac aliàs regulari nomine *Numerus*, vel *Multitudo* vocatur. Nos ut subdivisioni parcamus, studio evitatis & perspicuitatis unâ trimembri distinctione omnem *Quantitatem* comprehendemus.

* *Qu. 4. Quid est Magnitudo?*

Resp. Est quantitas, cujus partes in-
cem conjunctæ sunt.

Inde aliàs *Quantitas continua*, nunc etiam *Ex-
sio*, *Dimensio* vocatur.

* *Qu. 5. Quotuplex est Magnitudo?*

Resp. Triplex: ilnea, superficies &
orpus.

Linea est magnitudo tantum longa, ut ulna,
illiare, stadium. *Superficies* est magnitudo
nga & lata, ut planities campi. *Corpus* deni-
ie est magnitudo longa lata & profunda, ut
omus, turris, arbor, &c. *Termini Linearum*
nt puncta, *termini superficierum lineæ*, ac
enique *termini Corporum superficies*.

* *Qu. 6. Quid est Multitudo?*

Resp. Est quantitas, cujus partes à se
vicem separatæ sunt.

Aliàs *Quantitas discreta*, & vulgò *Numerus* vo-
tur, qui dein est vel *abstractus*, ut 2. 3. 4. vel
ncretus, five rebus certis applicatus, ut decas,
nturia, myrias Hominum, &c.

* *Qu. 7. Quid est Tempus?*

Resp. Est quantitas successivæ dura-
onis rerum.

Aristoteli est Numerus motus secundum prius & posterius; aliis Mensura durationis rerum, &c.

**Qu. 8. Quotuplex est Tempus?*

Resp. Triplex: præteritum, præsens & futurum.

Præterea temporis variæ occurrunt mensuræ, annus, mensis, hebdomada, dies, hora, minuta, &c. Quæ autem Temporis partes à nobis minimæ concipiuntur, *Momenta*, græcè *τὰ ὀν* vocantur.

CAPUT DECIMUM

DE

QUALITATE.

**Qu. 1. Quid est Qualitas?*

Resp. Est modus Substantiæ, à quo hæc talis vel talis dicitur.

**Qu. 2. Quotuplex est Qualitas?*

Resp. Duplex: alia Spirituum, alia Corporum.

Ab Aristotelicis quatuor species Qualitatum notabantur (1) Habitus & Dispositio. (2) Potentia & Impotentia naturalis (3) Patibilis qualitas & Passio (4) Forma & Figura.

**Qu. 3. Quomodo vocatur Qualitas in Spiritibus concepta?*

Resp. Facultas seu potentia agendi.

Qu. 4.

* Qu. 4. Quoruplex est ea?

Resp. Duplex: naturalis & acquisita.

Potentia naturalis dicitur, quam suâ naturâ spiritus possident, velut Anima hominis facultatem intelligendi, volendi &c. quæ si arte & usu incipiat perfici, *Dispositio*, & si jam eò pervenerit, ut cum plenâ facilitatē operari possit, tunc *Potentia acquisita*, vel *Habitus mentis* vocatur.

* Qu. 5. Quomodo vocantur Qualitates Corporum?

Resp. Qualitates sensibiles. Ut sunt calor, frigus, lumen, color, sonus, &c.

Illâ Corporum attributa, quæ per sensus corporeos menti nostræ manifestantur, apud Physicos *Qualitates sensibiles*, apud Logicos *paribiles* vocari consueverunt, discriminatæ quidem pro numero quinque sensutum nostrorum (1) in *Visibiles*, ut sunt lumen, colores, magnitudo, figura, &c. (2) *Audibiles*, ut sunt soni omnis generis, (3) *Gustabiles*, ut sapores, dulcedo, amaror, austeritas, &c. (4) *Olfactiles*, ut sunt odores, fragrantia, foetor, &c. (5) *Tactiles*, ut sunt calor, frigus, humiditas, siccitas, durities, molities, dolor &c. ex quibus *Aristotelici* quadrigam illam *Humiditatis*, *Siccitatis*, *Caliditatis* & *Frigiditatis* appellaverunt *quatuor primas Corporum qualitates*.



CAPUT XI.

DE

A C T I O N E.

* *Qu. 1. Quid sit actio per se clarum est, igitur mihi dicas, quotuplex ea sit?*

Resp. Duplex: Spirituum & Corporum.

Actiones Spirituum & Corporum essentialiter ab invicem differunt; illæ ab essentia causæ vel substantiæ unde producuntur, per Mentis nostræ imbecillitatem distingui nequeunt; hæ utique clariùs innotescunt. Alioquin apud Veteres *actus* nunc *primus* dicebatur, qui nihil esset nisi potentia agendi; nunc *secundus*, qui esset operatio ipsa actualis modò contingens.

* *Qu. 2. Quenam est actio Spirituum?*

Resp. Una & simplicissima cogitatio.

* *Qu. 3. Quenam est proprietas Actionum spiritualium?*

Resp. Quòd fiant ex libera voluntate.

Mentes ut liberè agant, sive ut nullum in se alienum agendi impulsus percipiant, à Sapientissimo suo Creatore acceperunt, quem actionis præclarum characterem in se animus hominis satis superque experitur.

Qu. 4.

*Qu. 4. *Quotuplex est Actio Spirituum?*

Resp. Duplex : immanens atque transiens.

Actio immanens dicitur, quæ à Mente proficiscitur, in eaque subsistit ac terminatur; transiens verò quæ extra Mentem in res alias porrigitur, ex. gr. in oculum lustrando, in linguam loquendo, in manum scribendo, in pedes ambulando, &c.

*Qu. 5. *Quanam est Actio corporum?*

Resp. Motus.

*Qu. 6. *Quanam est proprietas Actionum corporearum?*

Resp. Quod fiant necessitate naturæ.

Qu. 7. *Quanam in Actione corporum qualibet discernenda sunt juxta Veteres?*

Resp. Quatuor: agens, patiens, terminus à quo, & terminus ad quem.

Exemplo sit Trucidatio Ciceronis : in hac agens fuit Herennius ab Antonio missus, patiens Cicero, terminus à quo vita Ciceronis, terminus ad quem mors ejusdem. In explosione Bombardæ agens est accensus pulvis pyrius, patiens est Globulus explosus, terminus à quo Bombarda, terminus ad quem meta, quam globulus feriendo attingit.



CAPUT XII.

DE

RERUM CONSIDERATIONE
RELATIVA, SEU RELATIONE.

* *Qu. 1. Quomodo apud Logicos vocatur respectiva rerum consideratio?*

Resp. Relatio, & res ipsæ ad se invicem spectatæ Relata.

Relatio aliàs definitur, quòd sit rei unius ad aliam habitudo, s. Σχέσις, s. respectus: vel actus mentis rem unam cum alia conferens sive comparans. Ea ipsa autem quæ ad se invicem referuntur Relata, græcè τὰ πρὸς τὶ vocantur, utpotè quæ juxta Aristotelem id ipsum quod sunt aliorum esse dicuntur, vel alio aliquò modo ad aliud referuntur.

* *Qu. 2. Quenam est proprietas Relatorum?*

Resp. Esse simul naturâ, seu existentia suâ reciprocari.

Ex duobus Relatis neutrum sine altero existere potest, sed uno posito, alterum eo ipso simul ponitur, quòd sit Relatum: ex. gr. Pater non est, nisi qui habeat Filium, nemo Dominus, nisi habeat servum, non Rex, nisi sint subditi, & sic porro, quorum proin idea se invicem ponunt, aut mutuò tollunt, id est, reciprocantur.

Qu. 3.

**Qu. 3. Quotuplicia sunt Relata?*

Resp. Duplicia : realia & rationis.

Distinguuntur etiam in *Relata secundum dici*, quæ nomine tantum aut verbis ad se invicem referuntur, ut *sensus & sensibile, scientia & scibile*, ac ejusmodi ; & *Relata secundum esse*, quorum ipsa essentia consistit in respectu ad aliud, ut *maritus & uxor, victor & victus, &c.*

**Qu. 4. Quid sunt Relata realia?*

Resp. Quæ suâ naturâ ad se invicem referuntur: Ut *pater & filius, rex & subditi.*

**Qu. 5. Quid Relata rationis?*

Resp. Quæ nonnisi in conceptu nostro ad se invicem referuntur: Ut *dextrum & sinistrum.*

**Qu. 6. Quenam sunt in qualibet Relatione consideranda?*

Resp. Tria: relatum, correlatum & fundamentum relationis.

Res quæ ad aliam refertur, *Relatum*; hæc alia ad quam prior illa refertur, *Correlatum*; ac postremo ratio, ob quam res illæ ad se invicem referuntur, *Fundamentum relationis* vocatur. Ex. gr. in relatione regis ad subditos, rex dicitur *relatum*, subditi *correlatum*, & potestas regis sive imperium, *fundamentum ejus relationis*. Relatum alioqui etiam *subjectum*, & correlatum *terminus relationis* nominatur.

Qu. 7. Quotnam sunt Modi relativa considerationis rerum?

Resp. Quinquē præsertim:

- (1) Cum res una ceu alterius totum vel pars concipitur.
- (2) Cum res una ceu alterius causa vel effectum concipitur.
- (3) Res una ceu alterius subiectum vel prædicatum.
- (4) Res una alii conveniens, vel opposita.
- (5) Cum res una ceu alterâ prior vel posterior concipitur.



CAPUT XIII.

DE

TOTO ET PARTE.

**Qu. 1. Quid est Totum?*

Resp. Est ens constans ex plurium unione. Ut arbor, domus, &c.

**Qu. 2. Quotuplex est illud?*

Resp. Quadruplex: universale, formale, essenziale & integrale.

Totum (1) *universale* Logici vocant genus aliquod respectu specierum, aut speciem respectu individuorum: ex. gr. Animal respectu hominum & brutorum, Hominem respectu indi-

divi-

iduum *Petri, Pauli, &c.* hoc aliàs *Totum icum* appellatur. (2) *Totum formale* nominat omnem rem definitam respectu partium finientium, sive speciem respectu generis & ferentia, per quam definitur: ex. gr. *Homini* respectu animalis & rationalitatis, quibus minis invicem junctis ille definitur. Hoc aliàs *Totum metaphysicum* dicitur. (3) *Totum entiale*, rem aliquam respectu materiae & formae, ex quibus constituitur. Hoc aliàs *Totum physicum* salutatur. (4) *Totum integrale* nique vocant, aliquod corpus respectu suarum partium: ex. gr. *Arborem* respectu radicis, foliorum, florum, fructuum &c. vel numerum aliquem respectu suarum partium, ut 100. respectu decem, viginti &c. Hoc aliàs *Totum arithmeticum* appellatur.

*Qu. 3. *Quotuplex est Totum integrale?*

Resp. Duplex: simile seu homogeneum, & dissimile seu heterogeneum.

*Qu. 4. *Quid est Totum homogeneum?*

Resp. Corpus ex ejusdem naturae artibus constans. Ut *aqua, vinum, species, vitrum, &c.*

Homogeneum dicitur ab ὁμοιός, similis, & γένος, genus, tanquam res ex ejusdem generis partibus constans, ut sunt modo nominatae. Partes ejus Totius etiam *similares*, vel *homogeneae* vocantur.

*Qu. 5. *Quid Heterogeneum?*

Resp. Corpus ex partibus diversae naturae

turæ constans. Ut *animal, planta, horo-*
logium, &c.

Heterogeneum dicitur ab *in* & *gens*, alienus, diversus, & *gens*, genus, tanquam corpus ex partibus diverſi generis conſtans, ut Animal ex diverſis organis, oculis, auribus, &c. Planta ex radicibus, foliis, flore, fructu, &c. Horologium ex veſtibus, rotulis, &c. *Partes* hujus etiam *diſſimilares* vel *heterogeneæ* vocantur.

* *Qu. 6. Insinuasti Partes etiam dividi in
homogeneas & heterogeneas, num ad-
huc aliter dividuntur?*

Resp. In principales & minus prin-
cipales.

*Qu. 7. Quid est Pars principalis?

Resp. Quæ ad conservationem totius absolute est necessaria. Ut cor, cerebrum, pulmones &c. respectu animalis.

* Qu. 8. Quid minus principalis?

Resp. Quæ ad conservationem totius non absolute est necessaria. Ut pes, brachium, capilli, &c. respectu Hominis.

CAPUT XIV.

D E

CAUSA ET EFFECTO.

* *Qu. I. Quid est Causa?*

Resp. Est principium à quo res est.

Res autem ex illo producta causatum vel effectum dicitur.

QM. 2.

*Qu. 2. Quotuplices sunt Causæ?

Resp. Duplices: internæ & externæ.

Internæ dicuntur, quæ causato insunt tanquam pars aut forma; *externæ* autem, quæ extra illud quomodocunque existunt, suoque tantum effectu influunt.

*Qu. 3. Quot sunt Causæ internæ?

Resp. Duæ: materia & forma.

*Qu. 4. Quid est Materia?

Resp. Principium internum, ex quo res ipsa constat. Sic lapides, ligna, arena &c. sunt materia domus.

Philosophi materiam distinguunt in materiam generationis, ex qua res generantur, & materiam compositionis, ex qua illæ revera constituntur, ex. gr. Ovum dicunt esse materiam generationis pulli futuri, sed materiam compositionis ejusdem, caput, truncum, alas, pedes &c. Porro in materiam primam, quæ omnibus est communis, & secundam, quæ his illis est peculiaris; sic v. gr. Congeries elementorum est materia prima omnium corporum; sed aër, ignis, aqua, terra &c. sunt materiae secundæ, ex quibus illæ atque aliæ species producuntur.

*Qu. 5. Quid est Forma?

Resp. Principium internum per quod res in suâ essentia constituitur. Sic mechanica compages lapidum, lignorum, &c. forma domus.

Philosophi Formam dividunt in naturalem,

quæ rebus inest ex causis necessariis à Deo ordinatis, ut forma plantæ, animalis, stellæ &c. & artificialem, quæ hominum operâ & arte ipsis introducitur, ut auro argento forma nummi, ferro chalybi forma cultri, lapidibus lignis forma domus.

*Qu. 6. Quot sunt Cause externa?

Resp. Duæ: efficiens & finis.

DE CAUSA EFFICIENTE.

*Qu. 7. Quid est Causa efficiens?

Resp. Principium externum, à cujus actione res producitur. Sic Causa ædificii est Architectus, horologii Faber, &c.

Axiomata de causa efficiente in genere sunt multa: ex. gr. Posita causa ponitur effectus: Nihil fit sine causa: Natura nihil facit frustra: Quod potest fieri per pauca, non debet fieri per plura, &c.

Qu. 8. Quot sunt Differentia causarum efficientium notabiles?

Resp. Novem præcipue:

(1) Alia est imanens, alia transiens.

(2) Alia prima, alia secunda.

(3) Alia proxima, alia remota.

(4) Alia procreans, alia conservans, alia corrumpens.

(5) Alia principalis, alia minus principalis.

(6) Alia

- (6) Alia solitaria, alia sociata.
- (7) Alia universalis, alia particularis.
- (8) Alia libera, alia necessaria.
- (9) Alia per se, alia per accidens.

*Qu. 9. Quid est causa immanens?

Resp. Quæ producit effectum in se ipsâ. Ut *Anima cogitando.*

*Qu. 10. Quid transiens?

Resp. Quæ producit effectum extra se. Ut *Anima corpus movendo.*

*Qu. 11. Quid est Causa prima?

Resp. Quæ non dependet à causâ priore. Sic *Deus est causa omnium rerum.*

Hæc iterum distinguitur in *absolute primam*, qualis est solus Deus, & *primam in suo genere*, quemadmodum Adamus est prima causa omnium Hominum.

*Qu. 12. Quid secunda?

Resp. Quæ dependet à causâ priore. Ut *Sol terram calefaciens, &c.*

*Qu. 13. Quid est Causa proxima?

Resp. Quæ effectum producit immediate. Ut *ignis furnum calefaciens, Pluvia terram humectans, &c.*

*Qu. 14. Quid remota?

Resp. Quæ effectum producit media-

58 ARS COGITANDI

tē, *Ut Manus hominis literas pingens mediante calamo.*

Ex Remotis alia est proxima vicina, alia remotior, alia remotissima. Ex. gr. in jactu teli *causa proxima* est arcus telum vibrans, *remota* brachium athletæ, *remotior* cerebrum & nervi brachium moventes, *remotissima* verò *Mens athletæ jaculantis.*

* *Qu. 15. Quid est Causa procreans?*

Resp. Quæ primam rei existentiam largitur. *Ut Deus mundum creans.*

* *Qu. 16. Quid conservans?*

Resp. Quæ rem in suo statu perseverare facit. *Ut Deus mundum conservans.*

* *Qu. 17. Quid corrumpens?*

Resp. Quæ rei essentiam destruit. *Ut Morbus hominem occidens.*

* *Qu. 18. Quid est Causa principalis?*

Resp. Quæ primario effectum producit. *Ut Architectus domum construens, Dux bellum gerens, &c.*

* *Qu. 19. Quid minus principalis?*

Resp. Quæ primariæ subordinatur. *Ut Instrumenta architecto, Milites imperatori, &c.*

Causa minus principalis iterum est vel impellens, vel instrumentalis; illa rursus nunc intrinseca,

seca seu *proegumena*, ut eruditionis cupido in Discipulo; nunc *extrinseca* seu *procatartica*, ut Præceptor discipulum instigans; hæc autem (*instrumentalis*) vel *nobilior* est, ut bajuli, jumenta, architecto subordinata, vel *ignobilior*, ut ferra, malleus, securis, eidem inservientia.

* Qu. 20. *Cum ad Causas minus principales etiam pertineat Causa sine qua non, velim mihi hanc definias?*

Resp. Est conditio secundaria ad effectum producendum requisita,

Sic *bona valetudo* est *causa sine qua non* multarum Hominis actionum, ambulationis, laboris, peregrinationis, &c. Sic *Tabula* est *causa sine qua non* picturæ cujusdam; sic *pecunia* *causa similis* respectu mercaturæ, quæ utpote sine illâ exerceri vix potest, ut plura exempla prætereamus.

* Qu. 21. *Quid est Causa solitaria?*

Resp. Quæ sola effectum producit. Ut *Homo loquens, canens, scribens, &c.*

Hæc aliàs *Causa adæquata* vocatur, cum ad producendum effectum sufficiat sola.

* Qu. 22. *Quid Causa socia?*

Resp. Quæ cum aliis ad effectum producendum concurrit. Ut *Imperator cum militibus suis hostem invadens, plures equi currum trahentes, &c.*

* Qu. 23. *Quid est Causa universalis?*

Resp. Quæ plures effectuum species pro-

producit. Ut *Sol terram calefaciens, plantas animaliaq; concitans, Homo loquens, scribens, cogitans.*

**Qu. 24. Quid particularis?*

Resp. Quæ unam effectûs speciem producit. Ut *Alimentum corpus nutriens, ignis calefaciens, &c.*

**Qu. 25. Quid est Causa libera?*

Resp. Quæ volens effectum producit. Ut *Homo loquens, comedens, &c.*

Hæc aliàs *Causa intelligens* vocatur, cum sui effectûs sit conscia. Qui suadet rogat vel jubet, ut aliquid fiat, vel qui non impedit effectum cum posset ac deberet, ille peculiariter *Causa moralis* dicitur; ex. gr. aliquis latronem pro cædê cujusdam corrumpens ac stimulans, aut aliquem in vitæ periculo constitutum præteriens, quem salvare potuisset, aut ignem domui instruens, & ejusmodi. Quibus exemplis declaratur *Causam moralem* influere in alias causas, nunc intelligentes, rogando, suadendo, jubendo; nunc merè naturales sive corporeas, applicando, admovendo; vel in utraque, non impediendo cum posset.

**Qu. 26. Quid necessaria?*

Resp. Quæ ex necessitate naturæ effectum producit. Ut *ignis lignum comburens, pluvia terram humectans, &c.*

Hæc aliàs *Causa physica, naturalis* vel corporea

porea appellatur, quæ scilicet à Deo secundum perpetuas & æquabiles leges ordinata, ex absoluta necessitate effectum hunc illum edere concipitur.

*Qu. 27. *Quid est Causa per se?*

Resp. Quæ effectum sibi congruum & solitum producit. Ut *Homo generans hominem*, *Piscator pisces capiens*, &c.

*Qu. 28. *Quid Causa per accidens?*

Resp. Quæ effectum sibi incongruum & insolitum producit. Ut *Homo generans monstrum*, *Piscator tripodem aureum extrahens*, &c.

DE FINE.

*Qu. 29. *Quid est Finis?*

Resp. Est causa externa ad quam effectus dirigitur. Sic *Finis studiorum est eruditio*, *orationis persuasio*, &c.

Aliàs dicitur *Causa*, cujus gratiâ vel propter quam res est, sive quæ sui amore incitat efficientem ad agendum, veluti Amor beatitudinis impellit animum ad virtutem, amor veritatis ad philosophiam, amor lucri ad mercaturam, & sic porro. Hæc impulsiva causalitas aliàs à Logicis *motio metaphorica* sive *impropria* vocatur.

Qu. 30. *Quotnam sunt Differentia Finis?*

Resp. Septem præcipuè:

(1) Alius

62 ARS COGITANDI

- (1) Alius est intentus, alius obtentus.
- (2) Alius Finis cuius, alius cui.
- (3) Alius ultimus, alius subordinatus.
- (4) Alius primarius, alius secundarius.
- (5) Alius adæquatus, alius inadæquatus.
- (6) Alius universalis, alius particularis.
- (7) Alius agentis, alius operis producti.

*Qu. 31. *Quid est Finis intentus, sive intentionis?*

Resp. Qui tanquam futurum aliquod ab agente expetitur. Sic *vita aeterna est finis Fidelium in hac terra.*

*Qu. 32. *Quid Finis obtentus, sive executionis?*

Resp. Qui jam ab agente possidetur. Sic *Vita aeterna est finis beatorum in caelo.*

*Qu. 33. *Quid est Finis cuius?*

Resp. Est res ipsa quæ expetitur. Ita *Sanitas est finis cuius medicina.*

*Qu. 34. *Quid Finis cui?*

Resp. Est persona propter quam aliquid expetitur. Ita *Ægrotus est finis cui medicina.*

*Qu.

*Qu. 35. Quid est Finis ultimus?

Resp. Qui non refertur ad finem ulteriorem.

Qui non refertur ad alium ulteriorem, hoc est in eodem rerum genere. Estque rursus vel *absolutè ultimus*, cui cæteri omnes subordinantur, vel *ultimus tantum in suo genere*; ex. gr. scopus Philosophiæ absolutè ultimus est Gloria Dei, propter quam omnia studia suscipiuntur; ultimus autem in suo genere, cognitio veritatis.

*Qu. 36. Quid subordinatus?

Resp. Qui refertur ad finem ulteriorem.

Qui ad ulteriorem ordinatur, scilicet in eodem rerum genere; quemadmodum administratio medicamentorum apud ægros est finis aliquis Medicorum, sed directus ad ulteriorem, sc. sanitatem. Ita Logicorum finis ultimus est rectus rationis usus, at finis subordinatus lectio librorum logicorum, exercitium judicandi, disputandi, &c. Cæterum *Finis subordinatus* aliàs uno nomine *Medii* significatur, quod vulgò trifariam distinguunt, sc. in *personas*, *res* & *actiones*; ex. gr. *Ædificium* est finis ultimus architecti, ad quem impetrandum usurpat varia media, (1) *personas*, putà bajulos, fabros, &c. (2) *res materiales*, ut sunt lapides, ligna, ferrum, &c. (3) *actiones* vel *encheireses* ipsas; quæ tria dicuntur totidem *media* seu *fines subordinati* ipsius ædificis.

*Qu. 37.

* *Qu. 37. Quid est Finis primarius?*

Resp. Quem agens principaliter intendit. Sic *Vestium finis primarius est corpus tegere.*

* *Qu. 38. Quid secundarius?*

Resp. Quem agens minus principaliter intendit. Sic *Vestium finis secundarius est ornatus corporis.*

* *Qu. 39. Quid est Finis adequatus?*

Resp. Est totum illud bonum quod expetitur.

* *Qu. 40. Quid inadequatus?*

Resp. Est pars illius boni, quod expetitur.

Exemplo sit mercator aliquis, sibi proponens lucrandi centum thaleros, si hos acquirat omnes, *sine adequato* seu *toto*: si non omnes impetret, *sine inadequato* seu *partiali* tantum positus esse dicitur.

* *Qu. 41. Quid est Finis universalis?*

Resp. Ad quem plures causæ efficientes contendunt.

* *Qu. 42. Quid particularis?*

Resp. Qui ab aliquo agente tanquam proprius expetitur.

Ex. gr. Eruditio est finis Studiosorum universalis, sed eruditio in Logicâ, Physica, Ethica &c. sunt fines particulares totidem disciplinarum cultoribus proprii.

*Qu. 43. *Quid est Finis agentis?*

Resp. Est opus ipsum ab agente intentum. Ut *Domus ab architecto.*

*Qu. 44. *Quid Finis operis?*

Resp. Est usus operis ab agente producti. Sic *finis adificii est inhabitatio.*

~~~~~

CAPUT XV.

DE

SUBJECTO ET ADJUNCTO.

Qu. 1. *Quid apud Logicos vocatur Subjectum?*

Resp. Substantia, cui aliquid præter essentiam adjungitur. Ut *Homini pietas, doctrina, corpori forma.*

Cum alicui substantiæ quiddam inesse, vel adesse concipitur, quod ejus naturam vel essentiam nullo modo constituat, aut ingrediatur, tunc illa hujus respectu *subjectum* apud Logicos nominatur.

Qu. 2. *Quot sunt species subjecti notabiliores?*

Resp. Tres: Subjectum inhæſionis, adhæſionis & continens.

Alias divisiones, ut parum utiles consulto omittimus.

E

Qu. 3.

Qu. 3. *Quid est Subiectum inha-*  
*sionis?*

Resp. Cui adjuncta inhærent. Ut  
*Homini doctrina, corpori formositas, &c.*

*Subiectum inhaesionis* aliud est *spirituale*, quod  
aliàs *agens, activum, occupatum*, vel *subiectum in-*  
*formationis* dicitur, quemadmodum est mens  
humana respectu philosophiæ, cui se applicat,  
vel quam in se capit; aliud *corporeum*, sive *pas-*  
*sivum*, ut est corpus respectu coloris, ignis re-  
spectu fervoris, & ejusmodi. *Adjuncta* respectu  
hujus subiecti relativo termino *inhærentia* vo-  
cantur.

Qu. 4. *Quid Subiectum adhaesionis?*

Resp. Cui adjuncta superficietenus  
cohærent. Ut *corpori vestes, capiti pi-*  
*leus, manibus chirotheca, &c.*

Si adjuncta circumdident subiecti superficiem  
totam, tunc id *Subiectum circumjacentia*, & si  
quomodocunque tantum adiaceant, tunc *sub-*  
*jectum adjacentia* vocatur; prioris exemplum  
sunt vestimenta respectu hominis vestiti, po-  
sterioris autem divitiarum respectu divitis. Ad-  
juncta respectu hujus subiecti relativis termi-  
nis *adhærentia, adjacentia, vel circumjacentia*  
vocantur.

Qu. 5. *Quid est Subiectum continens?*

Resp. In quo adjuncta tanquam in  
spatio continentur. Ut *vinum in do-*  
*lo, nummi in crumena, incolæ in urbe, &c.*

*Adjuncta*

*Adjuncta* hujus subjecti relativo termino contenta vocantur.

Qu. 6. *Quid apud Logicos vocatur Adjunctum?*

Resp. Quicquid substantiæ cuidam præter essentiam adjungitur. Ut *formositas, humilitas homini, color, durities corpori, &c.*

Quæstio 7. *Insinuâsti Adjuncta relative respondere subjectis, sed quanam sunt alie species eorum notabiles?*

Resp. Tres: objectum, signum & circumstantia.

Qu. 8. *Quid est Objectum?*

Resp. Est res circa quam aliquod agens versatur. Ut *Logicus circa rationis usum, Physicus circa res naturales, &c.*

Aliàs *adjunctum occupans* nominatur, cum circa illud causa quædam intelligens occupetur, velut Theologus circa res divinas, Medicus circa sanitatem & morbos, Jurisconsultus circa justitiam, & sic porro. Causa agens & intelligens respectu objecti, ad quod sese applicat, à Logicis *Subjectum informationis* vocatur.

Qu. 9. *Quotnam sunt differentie ob-  
jectorum notabiles?*

Resp. Tres præcipuè:

(1) Aliud est *primarium*, aliud *secundarium*.

(2) Aliud *totale* seu *adæquatum*, aliud *partiale* seu *inadæquatum*.

(3) Aliud *materiale*, aliud *formale*.

*Objectum primarium* dicitur, circa quod agens principaliter versatur, ut Logicus circa usum rationis; *secundarium* contra, cui obiter tantum, aut contingenter agens inhæret, ut Logicus rerum terminis. *Objectum adæquatum* dicitur res tota, circa quam agens occupatur, ut Philosopho sunt omnes simul disciplinae, Medico omnes morbi; sed *inadæquatum*, quod est pars tantum illius rei, circa quam agens versatur, ut Philosopho est mathematica, physica, logica, seorsim absque cæteris disciplinis intellecta, Medico unus vel aliqui tantum morbi, & sic porro. *Objectum materiale* vocatur materia simpliciter intellecta, circa quam agens occupatur, ut Philosopho sunt res divinæ & humanæ, Physico corpora naturalia, &c. sed *formale* nominatur modus, quo agens circa materiam suam versatur, ut Philosopho est modus tractandi res divinas & humanas, Physico methodus tractandi corpora naturalia. Ubi notandum plures disciplinas passim convenire in *objecto materiali*, cum tamen differant in *formali*,



formali, eaquepropter non immeritò ab invicem discriminentur. Ex. gr. Philosophia convenit cum Theologia in objecto materiali, quòd versetur circa res divinas & humanas, sed non convenit in formali, quoniam aliter circa illas versantur Philosophi, aliter Theologi, illi ex lumine naturæ, hi verò ex lumine gratiæ seu revelationis vestigando.

Qu. 10. Quid est Signum?

Resp. Res una aliam significans. Ut Corona regem, Iris pluviam, &c.

Qu. 11. Quotnam sunt differentia signorum notabiles?

Resp. Duæ præsertim :

(1) Aliud est naturale, aliud arbitrium.

(2) Aliud instrumentale, aliud formale.

*Signum naturale* dicitur, quod suâ naturâ & per causas necessarias sive physicas aliquid significat, ut iris pluviam, languor corporis morbum, hirundines ver, &c. *Arbitrium*, quod nonnisi ex institutione hominum aliquid significat, ut sceptrum vel corona regem, hederæ suspensa vinum, & ejusmodi; quibus addi debet *signum* ex institutione Dei peculiari aliquid significans, quemadmodum Pascha transitum Angeli per Ægyptum, Sacra cœna passionem Salvatoris, baptisma regenerationem in Christo, iris promissionem Dei ratione diluvii,

lucii, &c. *Signum instrumentale* vocatur, quòd solum existentiam alicujus rei denotat, sicuti hederà vinum venale, iris pluviam, hirundo tempus vernum, &c. sed *formale*, quòd præter existentiam rei simul formam indicat vel repræsentat, ut *pictura* vel *imago* hominem, aut simile quid.

*Qu. 12. Quid est Circumstantia?*

*Resp.* Est adjunctum externum quomodocunque rem aliquam concomitans.

Circumstantiæ rerum notabiliores sunt *personæ, locus, tempus, occasio*, & ejusmodi plures, nunc rem aliquam antecedentes, nunc comitantes, nunc consequentes.



## CAPUT XVI.

DE

### CONVENIENTIA & DIVERSITATE.

*Qu. 1. Quid est Convenientia?*

*Resp.* Est ea rerum conditio (relatio) cum in aliquo tertio invicem convenire percipiuntur. Ut *Plato & Aristoteles in eo, quod sint philosophi, sol & luna, quòd sint planeta.*

Sì res una cum alia in eodem tertio convenit, ut *linea recta & curva*, quòd sint *longitudines*,

dines, numeri 4. & 6. quod sint pares, &c. hæc convenientia *simplex* vocatur; si verò res plures cum pluribus in eadem habitudine conveniunt, tunc *convenientia analogica* vel *analogia*, latè *proportio* appellatur, qualis ex. gr. est inter aurigam & nauclerum, quia sicut auriga se habet ad currum, ita nauclerus ad navem; vel inter numeros 2. & 3. quia sicut se habet 2. ad 8. sic etiam 3. ad 12. vel inter os & radicem, quoniam ut os se habet ad animal, sic radix ad plantam.

Qu. 2. *Quotuplex est Convenientia?*

Resp. Duplex: essentialis & accidentalis.

Qu. 3. *Quid est Convenientia essentialis?*

Resp. Si res invicem conveniunt essentiâ suâ. Ut Petrus & Paulus in eo quod sint homines.

Hæc uno nomine apud Logicos *identitas* rerum vocatur; quæ dein est vel *subordinata*, cum res sive extrema convenientia sibi invicem in ordine categoriarum subordinata sunt, sive cum genus & species, vel hæc & individua in aliquo tertio conveniunt, ex. gr. Animal & Homo in eo quod sint corpora viventia, aut Homo in genere & Philosophus, in eo quod sint animalia ratione prædita: vel *coordinata*, cum res sibi convenientes sunt coordinatæ, id est, in eodem gradu vel genere prædicamentorum collocatæ; ex. gr. Corpus & Spiritus con-

venientes in substantiâ, planta & animal in corpore vivente, mas & fœmina in animali, & sic porro. *Identitas coordinata* rursus est triplex: (1) *Generica*, cum plures species sive infimæ sive subalternæ, earumque individua conveniunt in eodem genere, vel proximo, vel remoto, ex. gr. lupus & ovis in animali bruto, planta & lapis in corpore, homo & simia in animali, &c. Res autem, quæ ita se habent, dicuntur *eodem genere*. (2) *Specifica*, cum plura individua conveniunt in eadem specie, ut arbor & frutex in planta, aurum & argentum in metallo, Petrus & Paulus in homine, &c. Res autem, quæ ita se habent, dicuntur *eodem specie*. (3) *Numerica*, cum aliqua res convenit cum seipsa, ita Socrates senex idem est essentiâ, qui fuerat juvenis, Paulus Apostolus idem, qui modo persecutor, corpus idem resurget, quod nunc est, &c. Res autem, quæ ita se habent *eodem numero* vocantur.

Qu. 4. Quid est Convenientia accidentalis?

Resp. Si res invicem conveniunt accidentibus. Ut sol & stella pulchritudine, aqua & vitrum pelluciditate, &c.

Hæc convenientia nunc est interna, cum res conveniunt attributis internis; nunc externa, cum res conveniunt attributis externis. Illa iterum duplex (a) *Similitudo*, cum res qualitate conveniunt, ut nix & farina colore; (b)

*Æqua-*

*Æqualitas*, cum in quantitate congruunt, sicut libra auri cum libra argenti, numeri ter 4. & bis 6. quæ posterior aliàs peculiariter *paritas* nominatur. Deinde *convenientia externa* præfertim sex admittit modos: (1) cum *res conveniunt causâ efficiente*, quemadmodum *Georgica*, *Bucolica* & *Æneidos* liber in authore suo *Virgilio* (2) Cum *res conveniunt fine*, ut *Medicus* & *Chirurgus* in sanitate (3) *effectu*, ut *factor* unus cum alio. (4) *subjecto*, ut *virtus* & *vitium*, *sanitas* & *morbis*. (5) *objecto*, ut duo libri *logici*, (6) *adjunctis* aliis externis, veluti *ægritudo* & *amor* conveniunt signo, *pallore* sc. *faciei*, &c.

Qu. 5. *Quid est Diversitas?*

Resp. Est ea rerum conditio (relatio) cum in aliquo tertio disconvenire percipiuntur. Ut *acetum* & *saccharum* in *sapore*.

Qu. 6. *Quotuplex est Diversitas?*

Resp. Etiam duplex: *essentialis* & *accidentalis*.

Quæ diximus de *convenientiâ* superius, ea ex contrario de *diversitate* intelligi debent, cujus sc. eadem est divisio, atque subdivisio. *Essentialis* dicitur, cum res differunt *essentiâ* suâ, ut *ignis* & *aqua*, *metallum* & *lapis*, *homo* & *brutum*; *accidentalis* contrâ, cum res differunt *accidentibus*, quemadmodum *divēs* & *pauper* *facultatibus*, *rex* & *subditi* *potestate*, *Europæus* & *Afrus* *colore*, &c. *Essentialis* iterum est vel

*subordinata*, vel *coordinata*; hæc vel *generica*, vel *specifica*, vel *numerica*. *Accidentalis* iterum est nunc *interna* nunc *externa*; illa modo in qualitate, & vocatur *dissimilitudo*, modo in quantitate, & vocatur *inaequalitas*, si fuerit in numero, *imparitas*. *Diversitas accidentalis* rursus est sextuplex: (1) Ubi res differunt causa efficiente, quemadmodum ex Bibliis libri canonici & libri apocryphi, Logica Aristotelis & Rami, &c. (2) Fine, ut arithmetica & geometria, logica & rhetorica &c. (3) Effectu, ut ignis & aqua, alimentum & venenum &c. (4) Subiecto, ut visus & auditus, &c. (5) Objecto, ut physica & ethica, grammatica & logica, &c. (6) Adjunctis aliis externis, ut *Gassendus* & *Epicurus* patria, vigilans & dormiens actione, &c.

*Qu. 7. Quid sunt Opposita?*

Resp. Quæ in eodem tertio secundum eandem partem non conveniunt. Ut *album* & *nigrum*, *calidum* & *frigidum*.

*Qu. 8. Quot sunt species Oppositorum?*

Resp. Quinque: disparata, contraria, relative opposita, privative opposita, & contradicentia.

*Qu. 9. Quid sunt Disparata?*

Resp. Sunt res plures eodem modo inter se differentes. Ut *herba*, *frutex*, *arbor*, *album*, *rubrum*, *viride*, &c.

Qu. 10. Quid sunt Contraria?

Resp. Sunt res absolutæ, sub eodem genere plurimum distantes. Ut *virtus & vitium, album & nigrum, magnum & parvum, &c.*

Res quæ sibi contrariantur, siue essentiâ suâ plurimum distant, si admittunt medium, ut bellum & pax, album & nigrum, magnum & parvum, &c. vocantur *Contraria mediata*; si nullum admittant medium, ut virtus & vitium, bonum & malum, sanitas & morbus, &c. dicuntur *Contraria immediata*. Præterea medium illud intercedens, quod de utroque contrariorum aut extremorum participat, siue ex iis mixtum est, *medium participationis*, & quod ita se habet, ut neutri contrariorum competat, *medium negationis* appellari consuevit. Ex. gr. Inter calorem & frigus intercedit medium tepor, qui de illorum utroque participat, est ergo *medium participationis*; sed inter avaritiam & prodigalitatem intercedit liberalitas, quæ de neutro istorum dici potest, unde *medium negationis* appellatur.

Qu. 11. Quid sunt relativè opposita?

Resp. Sunt relata opposita. Ut *Dominus & servus, Pater & filius, Rex & subditi, &c.*

Qu. 12. Quid sunt privativè opposita?

Resp. Quorum hoc tollit, quod alte-

alterum ponit. Ut *visus & cæcitas*,  
*mors & vita, &c.*

Ex *privativè oppositis* alterum ponit habitum  
 aliquem, ut *visus*, *vita*, *motus*; alterum tollit  
 eundem, vel negat, ut *cæcitas*, *mors*, *quies*, &c.  
 Absentia autem ejusmodi habitûs à Logicis  
*privatio* vocatur.

Qu. 13. *Quid sunt Contradictionia?*

Resp. Quorum unum negat simplici-  
 ter, quod alterum affirmat. Ut *ens &*  
*non ens*, *pius & impius*, *verum & fal-*  
*sum &c.*

Contradictio vel est *explicita* seu *directa*, vel  
*implicita* seu *obliqua*; prior vocatur, cùm ter-  
 mini contradictionis sunt apertè negativi, ut  
*homo non homo*, *utile non utile*, *certum non*  
*certum*, &c. posterior contrà, ubi contradictio  
 sub verbis absconditur, non adjectâ voculâ  
*non*, ex. gr. *verum & falsum*, *bonum & ma-*  
*lum*, *lapis ligneus*, *homo irrationalis*, & ejus-  
 modi; hæc ultima aliàs *contradictio in adjecto*,  
 vel *oppositio in appposito* nuncupatur.



## CAPUT XVII.

DE

## ORDINE.

Qu. I. *Quid est Ordo?*

Resp. Est ea relatio, cùm aliquid al-  
 tero



tero prius, vel posterius esse dicitur.

Qu. 2. Quotuplex est Ordo?

Resp. Quintuplex: ordo naturæ, temporis, loci, dignitatis & cognitionis.

Ex. gr. (1) juxta ordinem naturæ infantia prior est pueritiâ, hæc prior adolescentiâ, hæc juventute, & sic deinceps. (2) Ordine temporis prior est Adamus Caino, Abele, hi priores suis filiis, & sic ulterius. (3) Ordine loci prior est onomatologia quam pragmatologia. (4) Ordine dignitatis prior est Rex subditis, Theologus philosopho, Senex juvene, &c. (5) Ordine cognitionis prior est res simplex compositâ, unitas numero, numeri parvi numeris magnis, grammatica prior logicâ, & sic de aliis.



## CAPUT XVIII.

continens

### AXIOMATA QUÆDAM CIRCA IDEARUM SELECTUM OBSERVANDA.

I. Objecta perceptionis aut cogitationis omnia attentissimè considerare.

II. In omni contemplatione objectum satis diu, iteratâ vice, ex omni parte, omnique modo, pro posse & nosse expendere.

III. Non

III. Non acquiescere, dum claras, distinctas, & quantum licet perfectas de objecto ideas formaverimus.

IV. Nunquam adeo fidere conceptibus suis, quin etsi quàm clarissimæ videantur ideæ, ulterius tamen examinando insistatur.

V. Circa Ideas, quæ ex sensibus oriuntur, valde circumspectum esse, cum arctissimis illos cancellis coerceri certum sit.

VI. Cumque sensus modo ad vitæ commodum & necessitatem hominibus à Deo concessi videantur, idcirco studiose observare, quousque sine metu erroris eorum usus se extendere possit.

VII. Quia ab infantia sensibus abuti incœpimus, investigare erroneas, confusas, obscuras ideas, quibus exinde imbuti sumus, easque diligenter expungere ac emendare.

VIII. Cum vocum ac nominum obscuritas, confusio, ambiguitas, ideas etiam similiter vitiosas inferant, ideoque istos in sermone defectus evitare, ubique terminis perspicuis, planis, & quàm licet simplicissimis utendo.

Finis Libri Primi.

ARS COGITANDI  
EROTEMATICA.

## LIBER II.

DE

## JUDICIO.

## CAP. I.

DE

## JUDICIO IN GENERE.

\*Qu. I. *Quid est Judicium?*

Resp. Est actus mentis ideam unam de aliâ affirmantis vel negantis.

Vel est *unius ideæ cum aliâ conjunctio, aut disjunctio*; ex. gr. concipio duas ideas *solis & lucis*, easque cum naturaliter invicem conveniant, conjungo per affirmationem: *Sol est lucidus*; item conceptas ideas *ignis & frigoris*, tanquam naturaliter disconvenientes, separo per negationem: *Ignis non est frigidus*.

\*Qu. 2. *Quotnam modis considerari potest Judicium?*

Resp. Duobus modis: quoad verba, & quoad rem ipsam.

Prior

Prior consideratio externa s. verbalis, posterior interna s. realis dici meretur; hujus dein respectu judicium aliàs sententia l. axioma, illius autem intuitu enunciatio l. propositio vocatur.

\*Qu. 3. *Quanam sunt partes Judicii?*

Resp. Duæ pluresve ideæ de se invicem affirmatæ vel negatæ.

\*Qu. 4. *Quomodo illæ in propositione vocantur?*

Resp. Subjectum & prædicatum.

\*Qu. 5. *Quid est Subjectum propositionis?*

Resp. Est idea vel terminus, de quo aliquid dicitur.

Ex. gr. in hac propositione: *Deus est omnipotens*, subjectum est *Deus*, quem dico existere omnipotentem. Cætera Logici distinguunt inter *subjectum prædicationis* l. *primarium*, & *subjectum accessionis* l. *secundarium*; ex. gr. in hac prop. *Deus, qui est omnipotens, creavit cælum & terram*, subjectum prædicationis est *Deus*, tanquam primaria idea l. terminus, cui attribuo creavisse cælum & terram, subjectum accessionis verò est *omnipotens*, quasi terminus secundarius per pronomen relativum adjectus.

\*Qu. 6. *Quid est Prædicatum propositionis?*

Resp. Est idea vel terminus, qui de alio dicitur.

Ex. gr.

Ex. gr. in superiori propositione: *Deus est omnipotens*; prædicatum est *esse omnipotentem*, quod sc. de Deo tanquam subiecto affirmatur.

Qu. 7. *Quomodo procedendum est in investigatione subiecti & prædicati datæ propositionis?*

Resp. Ad sensum potius, quàm terminorum dispositionem attendendo.

Terminus subiecti licet vulgò priorem occupet locum, & terminus prædicati posteriorem, nihilominus posthabito isto situ potius ad sensum propositionis datæ respiciendum, si accuratè ab invicem distingui debeant. En exempla quædam: *Oderunt peccare boni virtutis amore. Nobilitas sola est atque unica virtus. Ornat artes, omnemq; disciplinam veritas. Odii plenam exercet artem, veritati qui studet; Fortior est, qui se, quàm qui fortissima vincit mania.*

\* Qu. 8. *Quomodo coheret subiectum & prædicatum in Propositionibus?*

Resp. Mediante copula verbali.

Quò idæ subiecti & prædicati conjungantur vel disjungantur, intercedit verbum *est*, vel simile, non distinctam propositionis partem, sed nexum utriusque tantum efficiens. Verùm in multis propositionibus *copula verbalis* cum prædicato simul unâ eademque dictione exprimitur; ex. gr. *Deus mundum gubernat*; Imò nonnunquam integræ propositiones unâ simplicique voce constant, velut istæ: *Ningit, pluit,*  
F tonat,



Qu. 2. Quomodo dividuntur Propositiones simplices?

Resp. In pure simplices, & complexas.

*Pure simplices* dicuntur, in quibus subjectum & predicatum uno simpliciue termino exprimitur, ex. gr. *Virtus est honesta*; *complexæ* autem, in quibus subjectum vel predicatum (licet unum) termino nihilominus complexo exprimitur, ut in hoc exemplo: *Ecclesia, quæ Christi est, sancta est.*

Qu. 3. Quomodo vocatur terminus subiecto vel predicato per accidens conjunctus?

Resp. Terminus secundarius vel accedens, interdum propositio incidens.

*Propositio incidens* in examine dati exempli quoad veritatem, seorsim à *primariâ* propositione est consideranda, cum utraque se junctim per se vera aut falsa esse possit; veluti in hoc exemplo: *Aristoteles, qui nunquam erravit, græcus fuit*, propositio primaria quidem vera, incidens autem falsa est; atque vice versa in hoc: *Aristoteles, qui fuit græcus, nunquam erravit.*

Qu. 4. Quotnam modis Propositio potest esse complexa?

Resp. Quatuor modis:

(1) A parte subiecti, ex. gr. *Alexander, qui fuit regum fortissimus, Darium superavit.*

F 2

(2) A

## 84. ARS COGITANDI

- (2) A parte prædicati, ex. gr. *Alexander superavit Darium, qui erat rex Persia.*
- (3) A parte subjecti & prædicati simul, ex. gr. *Herennius, qui fuit ab Antonio missus, Ciceronem jugulavit, oratorum longè facundissimum.*
- (4) A parte copulæ verbalis, ex. gr. *Virtus jubet odisse mundum.*



### CAP. III.

DE

### PROPOSITIONIBUS COMPOSITIS.

\**Qu. 1. Quid est Propositio composita?*

*Resp.* Quæ subjectis vel prædicatis pluribus constat. Ut *Deus creavit cælum & terram.*

Tribus autem modis propositio composita esse potest (1) à parte subjecti, ut *mors & vita sunt in manibus linguæ.* (2) à parte prædicati, ex. gr. *Et prodesse volunt & delectare Poëta.* (3) à parte subjecti & prædicati simul, ut *avarus & superbus sibi & proximo nocent.*

*Qu. 2.*



Qu. 2. Quotuplices sunt Propositiones compositae?

Resp. Duplices: explicitae seu expressae, & implicitae seu exponibiles.

Quae propositiones habent subjectum vel praedicatum aperte compositum explicitae vel expressae dicuntur, ut *Deus creavit caelum & terram*; quarum vero compositio sub verbis delitescit, ac in sensu tantum deprehenditur, illae vulgò implicitae vel exponibiles nominantur, ut *Solus Deus est sapiens*.

DE PROPOSITIONIBUS EXPRESSE COMPOSITIS.

Qu. 3. Quotnam sunt Propositiones expresse compositae?

Resp. Sex: copulativa, conditionalis, disjunctiva, discretiva, relativa & causalis.

Qu. 4. Quid est Propositio copulativa?

Resp. Cujus partes conjungunt voculae copulativae. Ut *mors & vita sunt in manibus linguae*.

Ad veritatem propositionis copulativae requiritur, vel (1) ut singula subjecta conveniant eidem praedicato, vel (2) singula praedicata eidem subjecto, vel (3) singula subjecta singulis praedicatis. Contra quos canones istis exemplis pec-

caretur (a) Corpus & anima hominum est immortalis. (b) Omnis homo vivit, sentit ac sapit. (c) Caelum & terra sunt infinita, & à Deo creata.

Qu. 5. Quid Propositio condicionalis?

Resp. Cujus partes conjungit vocula condicionalis. Ut si Deus est, tunc mundus regitur providentiâ.

Ea pars propositionis condicionalis, quæ conditionem continet, antecedens, altera quæ conditionatum, consequens, & utriusque nexus consequentia dicitur. Veritatem propositiones hypotheticæ modo conditionalem habent, unde valor ipsarum nonnisi à partium nexu congruo dependet, sive dein antecedens & consequens per se sit verum, sive falsum; ex. gr. Si anima est corporea, tunc mortalis, hæc propositio vera est, etsi nec antecedens, nec consequens absolute sit verum; vice versa cum sequenti se res habet: Si Aristoteles fuit græcus, tunc doctus, hæc falsa est, etsi antecedens & consequens per se sint verissima.

Qu. 6. Quid disjunctiva?

Resp. Cujus partes conjungunt voculae disjunctivæ, ex. gr. Aut Deo servendum, aut mundo.

Ad veritatem propositionis disjunctivæ requiritur (1) ut prædicati membrum aliquod subiecto, vel vice versa membrum aliquod subiecti prædicato conveniat (2) ut membra disjunctionis sint opposita (3) ut membra sint perfecte enumerata;

rata; contra quos canones istis exemplis peccaretur (a) *Forma vel est corpus, vel spiritus.* (a) *Aut esurit aut sitit homo.* (c) *Omnis homo vel pauper est, vel dives.*

Qu. 7. *Quid discretiva?*

Resp. Cujus partes conjungunt vocalæ discretivæ. Ut *cælum non animum mutant qui trans mare currunt.*

Ad veritatem istius propositionis requiritur (1) *ut ejus thesis per se sit vera* (2) *ut antithesis perinde sit vera* (3) *ut ipsa discretio adhibita sit congrua*; contra quos. canones istis exemplis peccaretur (a) *Homo licet infallibilis, tamen est mortalis* (b) *Reges etsi mortales attamen sunt colendi* (c) *Vinum etsi salubre nihilominus est bibendum.*

Qu. 8. *Quid relativa?*

Resp. Cujus partes conjungunt vocalæ relativæ. Ut *ubi thesaurus ibi hominum corda.*

Species propositionum relativarum sunt variae, (1) *ubi fit comparatio loci, ex. gr. ubi bella, ibi calamitates,* (2) *qualitatis, ut qualis rex, talis grex,* (3) *quantitatis, ut quantæ hominum opes, tanta superbia,* (4) *temporis, ut cum fueris felix, multos numerabis amicos, cum fueris pauper, solus eris,* (5) *numeri, ex. gr. quot capita, tot sensus.* Ad veritatem propositionis relativæ cumprimis requiritur, ut comparatio inter partes recte sit instituta, contra quem canonem

sequenti exemplo peccaretur: *quanta hominum dignitas, tanta eorum merita.*

*Qu. 9. Quid causalis?*

*Resp.* Cujus partes conjungunt vocalæ causales. *Ut beati pauperes spiritu, quia ipsorum est regnum cælorum. Matth. V. 3.*

Ad veritatem propositionis causalis requiritur (1) *ut thesis prior per se sit vera.* (2) *ut thesis posterior conveniat subjecto prioris per se,* (3) *ut thesios ratio sit genuina;* contra quos canones ita peccaretur. (a) *Beati divites, quoniam ex animi sententia vivunt.* (b) *Optandæ divitiæ, quia sunt salutare.* (c) *Fortunati philosophi, quia in mundo celebres.*

## DE PROPOSITIONIBUS SENSU COMPOSITIS.

*Qu. 10. Quotnam sunt Propositiones sensu compositæ?*

*Resp.* Etiam sex: exclusiva, exceptiva, comparativa, inceptiva, continuativa & desitiva.

*Qu. 11. Quid est Propositio exclusiva?*

*Resp.* Cujus subjectum vel prædicatum admittit particulam exclusivam. *Ut solus Deus est adorandus.*

Ad veritatem propositionis exclusivæ requiritur, ut cum ex duabus implicite conjunctis

con-

constet, utraque earum absolute sit vera, hoc est, (1) ut *prædicatum* *subjecto* simpliciter conveniat (2) ut *ipsi soli*, aut vice versa *subjecto prædicatum* *solum*; contra quos canones ita peccaretur (a) *Solus homo est infallibilis* (q) *Solus homo est mortalis*.

Qu. 12. *Quid exceptiva?*

Resp. Cujus *subjectum* vel *prædicatum* admittit particulam exceptivam. Ut *omnia sunt vana, præter amare Deum*.

Ad veritatem propositionis exceptivæ requiritur, ut cum ex duabus implicite conjunctis constet, utraque earum absolute sit vera, hoc est, (1) ut *prædicatum* *subjecto* in tantum conveniat (2) ut non ei parti, quæ excepta est; contra quos canones ita peccaretur (a) *Omnes homines sapiunt, exceptis infantibus* (b) *Omnes homines valent, præter senes*.

Qu. 13. *Quid comparativa?*

Resp. Cujus *subjectum* aut *prædicatum* admittit terminum comparativum. Ut *Pietas est maximus vite thesaurus*.

Ad hujus veritatem requiritur (1) ut *prædicatum* *subjecto* conveniat simpliciter (2) ut *comparativus terminus* sit recte adhibitus; contra quos canones ita peccaretur (a) *Principibus placuisse viris non ultima laus est*. (b) *Regibus placuisse summa laus est*.

*Qu. 14. Quid inceptiva?*

Resp. Cujus subjectum vel prædicatum admittit terminum inceptivum. *Ut monarchia romana sub Augusto cæpit.*

Ad veritatem hujus requiritur (1) ut prædicatum subjecto conveniat simpliciter (2) ut inceptivus terminus sit bene adhibitus; contra quos canones ista peccaretur (a) *Peccata incipiunt esse licita*, (b) *Peccata incipiunt esse prohibita.*

*Qu. 15. Quid continuativa?*

Resp. Cujus subjectum aut prædicatum admittit terminum continuativum. *Ut pergunt bellare reges.*

Ad veritatem hujus requiritur (1) ut prædicatum subjecto simpliciter conveniat (2) ut terminus continuativus sit recte adhibitus; contra quos canones ita peccaretur (a) *Pergunt divites esse beati* (b) *Pergit mori aliquis.*

*Qu. 16. Quid desitiva?*

Resp. Cujus subjectum aut prædicatum admittit terminum desitivum. *Ut qui concipit sapientiam, desinit esse miser.*

Ad veritatem propositionis desitivæ requiritur (1) ut prædicatum subjecto suo conveniat simpliciter (2) ut antea fuerit, quod nunc finiri dicimus (3) ut jam revera cesset, quod ante fuerat; contra quos canones ita peccaretur (a) *Morbi desinunt esse salutare* (b) *Desinit mors esse jucunda* (c) *Bella non amplius sunt calamitosa.*

CAPUT IV.

DE

PROPOSITIONUM AFFIRMATIONE ET NEGATIONE.

\* *Quid est Propositio affirmans?*

Resp. Quæ cum subiecto prædicatum conjungit. Ut *corpus humanum est mortale.*

Conditio propositionum respectu affirmationis & negationis earum *qualitas appellatur.*

\* *Qu. 2. Quid negans?*

Resp. Quæ prædicatum à suo subiecto disjungit. Ut *anima non est mortalis.*

Negatio nunc est aperta, ut in exemplo præcedente, nunc occulta aut virtualis tantum, ut *vitium est fagiendum.*

*Qu. 3. Quomodo dividuntur aliæ propositiones sive affirmantes sive negantes?*

Resp. In finitas & infinitas.

*Propositio finita* dicitur, cujus subiectum est definite expressum, ut *doctrina baculus dicier vitæ potest*; *infinita* autem, cujus subiectum indefinite est expressum, ut *non entis nullæ sunt proprietates.*

*Qu. 4.*

\* *Qu. 4. Quodnam est fundamentum affirmationis & negationis?*

Resp. Perceptio quam habemus de convenientiâ aut disconvenientia rerum inter se.

Quas res invicem naturaliter convenire percipimus, earum ideas perpetuo jungimus, & quas naturaliter discrepare intelligimus, has constanter iudicio separamus.



## CAPUT V.

D E

### PROPOSITIONUM UNIVERSALITATE PARTICULARITATE ET SINGULARITATE.

\* *Qu. 1. Quomodo dividuntur Propositiones respectu extensionis sui subjecti?*

Resp. In universales particulares & singulares.

Conditio propositionum quoad extensionem subjecti earum *quantitas* vocatur.

\* *Qu. 2. Quid est Propositio universalis?*

Resp. Cujus subjectum est universaliter sumptum. **¶** Ut *omne bonum est amabile.*

*Universalitas nunc est metaphysica, ubi subjectum*



Etum accipitur in omni suâ extensione, citra ullam exceptionem, ut *omne corpus est mobile*; nunc *physica*, ubi non datur exceptio, nisi quoad statum præternaturalem, ut *omnis homo est bipes*; nunc *moralis*, cum subiecto quoad maiorem tantum partem intellecto, non paucæ occurrunt exceptiones, ut *omnes ægri sunt impatientes*. Deinde Propositionum universalium alia est *definita*, cujus subiectum admittit notam universalitatis affirmativam seu negativam ex. gr. *Omnis virtus est salutifera. Nulla vanitas est salutifera*. Alia *indefinita*, cujus subiectum nullâ universalitatis notâ afficitur, ut *Parentes sunt honorandi, mendacium non est dicendum*.

\*Qu. 3. *Quid particularis?*

Resp. Cujus subiectum est particulariter sumptum. Ut *aliquis homo est probus*.

\*Qu. 4. *Quid singularis?*

Resp. Cujus subiectum est singulare. Ut *Salomon fuit regum sapientissimus*.

~~~~~

CAPUT VI.

DE

PROPOSITIONUM VERITATE ET FALSITATE.

*Qu. 1. *Quotnam modis considerari potest veritas?*

Resp. Duobus modis: absolute & relate ad mentem nostram.

Qu. 2.

**Qu. 2. Quid est veritas in se & absolute spectata?*

Resp. Ipsa rerum omnium essentia & existentia.

Hæc veritas æterna est ac perfectissima, utpote Deum ipsum authorem habens.

**Qu. 3. Quid est veritas respectu nostri?*

Resp. Convenientia iudicii nostri cum rebus ipsis.

Lapsus primorum parentum exitialem menti nostræ caliginem adpersit. Dein educatio institutioque mala, aspectus mundi, popularis conversatio, affectuum impetus, sensuum crassities, & sexcentæ insidiantes causæ tantas animo circumfundunt tenebras, ut omnibus etiam admotis viribus agrè tamen veritatis lucem consequamur.

**Qu. 4. Quinam sunt veritatis fontes?*

Resp. Duo lumina, alterum revelationis, alterum rationis.

**Qu. 5. Quid est lumen revelationis?*

Resp. Est rerum salutarium notitia à Deo mortalibus gratiose dictata.

Deus est ens perfectissimum, ergo & veracissimum, igitur quicquid ab eo mediatè vel immediatè innotescit, supremam habet certitudinem, tantumque abest, ut de eo dubitare fas sit, ut potius cum integerrimâ devotione & perfectâ cordis simplicitate illius veritas sit amplectenda.

**Qu. 6.*

*Qu. 6. Quotuplex est revelatio?

Resp. Duplex: immediata & mediata.

Immediatum dictamen à Deo T. O. M. contigit Moyse in monte Sinai, dein passim Prophetis, Evangelistis & Apostolis à Spiritu Sancto, & à Christo. Nobis utut maxime indignis gratia revelationis mediatè indulgetur per Sacram Scripturam, ceu perfectissimum salutaris notitiæ thesaurum, cujus divinitas præterquam quòd apud Theologos inconcussis astruitur argumentis, vel ex eo efficaciter innotescit, tum quòd Dei rerumque divinarum idea longè perfectissima ibi vivis coloribus sit depicta, tum quòd præceptorum mirificus ad Dei gloriam, nostramque salutem consensus, omniumque adeo dictorum ineffabilis omnino vis ultrò distante conscientia percipiatur.

*Qu. 7. Quid est Lumen rationis?

Resp. Est connata hominibus intelligendi facultas.

Intellectus noster Deum pro authore habet, hic autem nec falli nec fallere potest, ergo quicquid ex genuino rationis dictamine intelligimus, omnino certum est; ut brutæ sententiæ sint accusandi, quicunque Scepticorum nihil plane ab hominis mente sciri aut comprehendendi posse existimarunt.

*Qu. 8.

**Qu. 8. Quodnam est criterium certitudinis eorum, quæ per rationem intelliguntur?*

Resp. Evidentia conceptus nostri.

Quicquid mens evidentissimè concipit, omnino certum est, quia Deus seu mentis author nec falli nec fallere potest. Jam suprema est evidentia, quâ mens se ipsam existere judicat. Igitur ad hanc normam cætera nostra judicia sunt exigenda, ut quæ perinde evidentia solidaque sunt, pro indubitatè veris agnoscantur. Atque ex gr. cum Dei existentiam ex multis argumentis æquè evidenter & solidè concipiam, ac mei ipsius sum compos, ideoque *Deus est* pro indubitato axioma devotus agnosco. Cæterarum rerum cognitiones quò longius ab isto persuasionis columine recedunt, tanto minus momentum certitudinis habent.

**Qu. 9. Quid igitur est Propositio vera?*

Resp. Quæ ideas rerum conjungit vel disjungit, secundum naturalem earum convenientiam vel disconvenientiam.

Propositio falsa ex opposito intelligitur.

**Qu. 10. Quomodo dividuntur Propositiones respectu evidentiae diversae?*

Resp. In certas, probabiles, paradoxas atque dubias.

(a) *Propositio certa* dicitur, cujus veritas perfecta

fectè demonstrari potest, ita ut nullum superfluum dubium, ex. gr. *Omne corpus est divisibile* (b) *Probabilis*, cujus veritas ut non sit extra omnes difficultates collocata, pluribus tamen argumentis probari potest, ex. gr. *Dantur incolæ planetarum cæli.* (c) *Paradoxa*, quæ licet speciem gerat falsitatis, nihilominus vera est, ut *sol est major terrâ* (d) *Dubia*, quæ ex utraque parte æquè validis argumentis suspenditur, ut *an febricitans sit moriturus, nec ne?*

*Qu. II. *Quid est Axioma?*

Resp. Est propositio certissima per se cuilibet innotescens. Ut *totum est majus sua parte.*

Axiomata à Philosophis distinguuntur in *ethica*, ut *omne bonum est amandum*, *mathematica*, ut *quæ conveniunt in uno tertio*, ea etiam inter se conveniunt, *physica*, ut *omne corpus est mobile*, & sic porro.

*Qu. 12. *Quemnam usum habent Axiomata?*

Resp. Sunt judicia fundamentalia, quibus alia atque alia per discursum inædificantur.

~~*****~~

CAP. VII.

D B

PRÆJUDICIIS SEU OPINIONIBUS.

* *Qu. 1. Quotuplex est judicium falsum?*

Resp. Duplex: mendacium & opinio.

Mendacium est propositio apertè falsa, ut *homo est immortalis*; *opinio* autem est propositio speciem veri habens, cum nihilominus sit falsa, ut *honores, divitiæ, dignitates &c. sunt ambiendæ*.

Opiniones aliqui *Præjudicia* vocantur.

* *Qu. 2. Quanam sunt Præjudiciorum causæ?*

Resp. Innumerabiles.

Corruptio mentis per lapsum Adami, propagatio affectuum à Parentibus in liberos, sociatio mentis cum corpore, judicandi celeritas ab incunabulis confecta, educatio negligens, institutio mala, popularis conversatio, sensuum abusus, & affectuum impetus sunt præcipui fontes, ex quibus præjudicia infinito eheu! numero scaturiunt. *Quid mirum, si inter tot corruptores atq. insidias ratio interdum vacillet? si paucissimi hominum veritatis lucem consequantur? Errare scilicet humanum est, neminique licet esse tam felici, quin aliquando decipiatur.*

* *Qu. 3. Quid effecit Lapsus Adami?*

Resp. Menti caliginem adpersit, ut in lustrandâ veritate passim cæcutiret.

Qu. 4.

* Qu. 4. *Quid Affectus à parentibus jure hereditatis accepti?*

Resp. Eandem animo dispositionem & præjudicia imprimunt, quibus illi laborârunt.

* Qu. 5. *Quid sociatio Mentis cum corpore rationi obest?*

Resp. Motus organorum varii ac turbulenti sæpe officiunt Mentis tranquillitati & attentioni.

* Qu. 6. *Quid judicandi celeritas seu precipitantia efficit?*

Resp. Judicia immatura ac multoties falsa animo extrudit.

* Qu. 7. *Quid negligentia educationis?*

Resp. Animus accurato duce carens undique vitiatur, & cum populo turpiter aberrat.

* Qu. 8. *Quid institutio vitiosa?*

Resp. Ingenium turbat, rationemque confundit.

* Qu. 9. *Quid conversatio popularis?*

Resp. Animo præjudicia & errores crassissimos inculcat.

* Qu. 10. *Quid Sensus?*

Resp. Sensus mentem avocant à se ipsâ, ac in placidis suis operationibus perturbant.

**Qu. II. Quid tandem Affectus rationi nocent?*

Resp. Affectus pravi rationem perturbant, ac in mille errores abducunt.



CAP. VIII.

DE

PRÆJUDICIIS, QUÆ ORIUNTUR EX AFFECTIBUS ANIMI.

**Qu. I. Quinam ex Affectibus animi sunt maximè exitiales?*

Resp. Philautia, heterophilia, odium, ira, superbia, metus, gaudium, moeror, ambitio & avaritia.

**Qu. 2. Quid efficit Philautia?*

Resp. Nimiam sui existimationem, aliorum contemptum, sui negligentiam, circa vitia propria cæcitatem, in judicando præcipitantiam, & innumera-
rabiles exinde errores.

**Qu. 3. Quid Amor mundi?*

Resp. Honoris, gloriæ, opum, dignitatum cupidinem, virtutis & religionis neglectum, vana studia, ostentationes inanes, verbo exitialem animi stultitiam.

Qu.

* *Qu. 4. Quid Amor erga alios nimius?*

Resp. Virtutis eorum exaltationem, errorum patrociniū, turpem in omnibus complacentiam, imitationem cæcam, & quæ sunt ejusmodi plura.

* *Qu. 5. Quid Odium?*

Resp. Malas de inimico suspiciones, nocendi studium, vota pessima, calumnias machinationesque malignas.

* *Qu. 6. Quid Ira?*

Resp. Grassandi libidinem, maledictiones persecutionesque acerbæ, audaciæ & injustitiæ quodvis genus, verbo brutam animi ferociam,

* *Qu. 7. Quid Superbia?*

Resp. Sui jactantiam, aliorum contemptum, errandi licentiam, imperandi libidinem, honorum, gloriæ omniumque vanitatum amorem.

* *Qu. 8. Quid Metus?*

Resp. Abjectionem animi, suspiciones inanes, latebrarum captationem, & ejusmodi plura.

*Qu. 9. *Quid Gaudium nimium?*

Resp. Loquendi agendique licentiam, non sine virtutis ac veritatis neglectu.

*Qu. 10. *Quid Mæror excessus?*

Resp. Diffidentiam in Deum, in alios, & in seipsum, non sine virtutis oblivione.

*Qu. 11. *Quid ambitio?*

Resp. Hypocrysiam, adulationes machinationesque malignas, sui jactantiam, aliorum extenuationem, & verbo pestiferam animi corruptionem.

*Qu. 12. *Quid avaritia?*

Resp. Insatiabilem opum & possessionum cupidinem, lucriferam errandi licentiam, divitum existimationem, pauperum contemptum, & exitialem virtutis jacturam.

*Qu. 13. *Quanam est gravissima mentis corruptio?*

Resp. Quæ ex affectibus pluribus combinatis oritur.

Ista mundanorum hominum est lues, qui ut animum pravis affectibus corruptissimum habeant, nihilominus damnando hypocrisis adminiculo speciem probitatis ferentes, omnia in temporales suos convertunt usus, tanquam in horum emolumento summum quærentes bonum,

num, non sine Dei ac æternitatis exitiali oblivione, salutisque olim suæ certissimâ jacturâ.

*Qu. 14. *Quenam conveniunt remedia ad genuinum rationis usum sibi vendicandum?*

Resp. Imploratio Numinis frequens, ethices christianæ studium, sapientum proborumque imitatio, animi à rebus mundi subtractio, meditatio diligens, in affectibus temperantia, in victu sobrietas, & quæ alia ex sacris fontibus salutaria innotescunt medicamina.



CAPUT IX.

DE

PROPOSITIONE PURA ET MODALI.

Qu. 1. *Quid est Propositio pura?*

Resp. Quæ aliquid simpliciter affirmat vel negat. Ut *Milites pro patria certant.*

Qu. 2. *Quid modalis?*

Resp. Quæ non sine modo aliquid affirmat, vel negat. Ut *Milites debent pro patria certare.*

Species propositionum modalium innumerae sunt, cum affirmatio vel negatio infinitis modis complexa esse possit. Quatuor autem praecipue in Logicorum scholis recensentur modi *necesse*, *contingens*, *possibile* & *impossibile*, quos exempla declarant ista (a) *Necesse est esse bella in mundo* (b) *Contingens est in pacem rediisse Helvetiam nostram*: (c) *Possibile est, ut nunc moriar* (d) *Impossibile est, ut sim in hac terra beatus.*



CAPUT X.

DE

PROPOSITIONUM CLARITATE,
OBSCURITATE, &c.

**Qu. 1. Quenam sunt alia Propositionum accidentia?*

Resp. Claritas, obscuritas, distinctio, confusio, & ambiguitas.

**Qu. 2. Quid est Propositio clara?*

Resp. Quae perspicuam significationem habet. Ut *Sol splendet.*

**Qu. 3. Quid obscura?*

Resp. Quae minus dilucidam significationem habet. Ut *Natura nihil facit frustra.*

Qu. 4.

*Qu. 4. Quid distincta?

Resp. Quæ distinctè unum de alio affirmat, vel negat. Ut *Veritas odium parit.*

*Qu. 5. Quid confusa?

Resp. Quæ non distinctè unum de alio affirmat, vel negat. Ut *Princeps philosophorum censuit mundum esse æternum.*

*Qu. 6. Quid ambigua?

Resp. Quæ dubiam significationem habet. Ut *ajo te aacida romanos vincere posse.*



CAP. XI.

DE

DIFFERENTIIS PROPOSITIONUM

RELATIS.

Qu. 1. Quot sunt differentia Propositionum, si relative ad se invicem considerentur?

Resp. Quatuor præsertim: aliæ sunt æquipollentes, aliæ coordinatæ, aliæ subordinatæ, aliæ oppositæ.

G

Qu. 2.

Species propositionum modalium innumera sunt, cum affirmatio vel negatio infinitis modis complexa esse possit. Quatuor autem præcipuè in Logicorum scholis recensentur modi *neceſſe*, *contingens*, *poſſibile* & *impoſſibile*, quos exempla declarant iſta (a) *Neceſſe eſt eſſe bella in mundo* (b) *Contingens eſt in pacem rediſſe Helvetiam noſtram*. (c) *Poſſibile eſt, ut nunc moriar* (d) *Impoſſibile eſt, ut ſim in hac terra beatus*.



CAPUT X.

DE

PROPOSITIONUM CLARITATE,
OBSCURITATE, &c.

**Qu. 1. Quenam ſunt alia Propoſitionum accidentia?*

Reſp. Claritas, obſcuritas, diſtinctio, confuſio, & ambiguitas.

**Qu. 2. Quid eſt Propoſitio clara?*

Reſp. Quæ perſpicuam ſignificationem habet. Ut *Sol ſplendet*.

**Qu. 3. Quid obſcura?*

Reſp. Quæ minus dilucidam ſignificationem habet. Ut *Natura nihil facit fruſtra*.

Qu. 4.

*Qu. 4. Quid distincta?

Resp. Quæ distinctè unum de alio affirmat, vel negat. Ut *Veritas odium parit.*

*Qu. 5. Quid confusa?

Resp. Quæ non distinctè unum de alio affirmat, vel negat. Ut *Princeps philosophorum censuit mundum esse æternum.*

*Qu. 6. Quid ambigua?

Resp. Quæ dubiam significationem habet. Ut *ajo te aacida romanos vincere posse.*



CAP. XI.

DE

DIFFERENTIIS PROPOSITIONUM

RELATIS.

Qu. 1. Quot sunt differentia Propositionum, si relative ad se invicem considerentur?

Resp. Quatuor præsertim: aliæ sunt æquipollentes, aliæ coordinatæ, aliæ subordinatæ, aliæ oppositæ.

G 5 QU. 2.

Qu. 2. *Quid sunt Propositiones
equipollentes?*

Resp. Quæ verbis discrepantes sensu
conveniunt. Ut *cedant arma toga, vir-
tus militaris cedat politica.*

Qu. 3. *Quid coordinata?*

Resp. Quæ sensu discrepantes non
tamen se tollunt. Ut *Deus est colendus,
Proximus est amandus.*

Qu. 4. *Quid subordinata, vel sub-
alterna?*

Resp. Quæ solum discrepant subje-
cti sui extensione. Ut *omnis virtus est
amabilis, aliqua virtus est amabilis.*

Qu. 5. *Quid sunt Propositiones
oppositæ?*

Resp. Quarum una affirmat, quod
altera negat. Ut *nullum mendacium est
licitum, aliquod mendacium est licitum.*

Qu. 6. *Quotuplices sunt Propositio-
nes oppositæ?*

Resp. Duplices: contrariæ & con-
tradictoriæ.

Qu. 7. *Quid sunt Propositiones
contrariæ?*

Resp. Duæ propositiones universa-
les, quarum una affirmat, quod altera
negat. Ut *omne corpus est visibile, nullum
corpus est visibile.* Pro-

Propositiones contrariæ nunc simul falsæ sunt, ut modo positæ, nunc altera falsa, altera vera est, ut *omne corpus est extensum, nullum corpus est extensum.*

Qu. 8. *Quomodo vocantur Propositiones dua particulares, si quantitate convenient, ac differant qualitate?*

Resp. Subcontrariæ vel indefinitè oppositæ. Ut *aliquis homo est pius, aliquis homo est impius.*

Hujusmodi propositiones reipsa contrariæ non sunt, cum non utrobique idem intelligatur subiectum; ideoque nunc earum utraque est vera, ut *aliquis homo est pauper, aliquis homo non est pauper*; nunc altera vera, altera falsa, ut *quidam homo est mortalis, quidam non est mortalis.* Nunquam utraque falsa esse potest.

Qu. 9. *Quid sunt Propositiones contradictoriæ?*

Resp. Quarum una necessario vera, altera falsa est. Ut *anima hominum est materialis, anima hominum est immaterialis.*

Contradictio nunc est (1) inter propositionem universalem & particularem, ut *omne corpus est mobile, non omne corpus est mobile*; nunc (2) inter duas singulares, ut *Aristoteles fuit fallibilis, Aristoteles non fuit fallibilis.* Contradictientium verò altera semper vera est, altera semper

per falsa, juxta illud : Quodlibet est, aut non est.



CAP. XII.

DE

PROPOSITIONUM CON-
VERSIONE.

Qu. 1. Quid est Propositionum con-
versio ?

Resp. Est transpositio prædicati in locum subjecti, salvâ manente propositionis veritate. Ut *nullum vitium est licitum, nullum licitum est vitium.*

Propositio, quæ debet commutari, conver-
tenda, altera verò conversa dicitur.

Qu. 2. Quotuplex est Conversio
propositionum ?

Resp. Triplex : conversio simplex, conversio per accidens, & conversio per contrapositionem.

Tres istas conversionum species aliqui seqq.
versiculis expressere : *Feci simpliciter converti-
tur, Eva per acci, Asto per contra, sic fit conver-
sio tota.*

Qu. 3. Quid est conversio simplex ?

Resp. Quæ relinquit quantitatem &
quali-

qualitatem propositionis. Ut *nullum corpus est infinitum, nullum infinitum est corpus.*

Conversio simplex aliàs *reciprocatio* dicitur; & locum habet (1) in propositione universali negante, ut *nulla veritas est violabilis, nullum violabile est veritas.* (2) In propositione particulari affirmante, ut *aliquis senex est sapiens, aliquis sapiens est senex.*

Qu. 4. *Quid est Conversio per accidens?*

Resp. Quæ relictâ propositionis qualitate ejus quantitatem diminuit. Ut *omnis avaritia est peccaminosa, aliquod peccaminosum est avaritia.*

Hujusmodi conversio unicè locum habet in propositione universali affirmante.

Qu. 5. *Quid Conversio per contrapositionem?*

Resp. Quæ subjecto & prædicato propositionis convertendæ substituit utriusque contradictorium. Ut *omnis pius est felix, omnis non felix est non pius.*

Locum habet in propositione universali affirmante.

Qu. 6. *Quanam sunt Conversionis regule?*

Resp. Duæ potissimum.

(1) Ut vocabulorum significatio accuratè conservetur; contra hanc ita peccaretur: In-

cola

colæ sunt in urbe, urbs est in incolis. Corr. *Quoddam, quod est in urbe, sunt incolæ.* (2) Ut totum prædicatum cum toto subiecto conver-
tatur; contra hanc ita peccaretur: *Omnis mor-
tuus fuit vivus, aliquis vivus fuit mortuus.* Corr. *Aliquis, qui fuit vivus, est mortuus.*



CAPUT XIII.

DE

DEFINITIONE.

* *Qu. 1. Quid est Definitio?*

Resp. Est alicujus objecti brevissima explicatio.

Duæ propositionum species in Logica præ-
sertim sunt notabiles, *definitio* atque *divisio*,
utraq; ad veritatis vestigationem utilissimæ,
docentibus ac discipulis æquè necessariæ.

* *Qu. 2. Quotuplex est Definitio?*

Resp. Duplex: alia nominis, alia rei.

DE DEFINITIONE NOMINIS.

* *Qu. 3. Quid est definitio nominis?*

Resp. Quæ nomen explicat. Ut *phi-
losophia est amor sapientiæ.*

Definitiones verbales necessariæ sunt, ad vo-
cum obscuritatem & ambiguitatem tollendam,
adeoque ad logomachias præcavendas.

* *Qu. 4.*

* Qu. 4. Quotnam modis definiuntur nomina rerum?

Resp. Tribus modis.

(1) Ab etymologia, ut *Ethica* est disciplina morum, *Triangulum* est quod habet tres angulos.

(2) A voce conjugata, ut *Qualitas* est à qua res quales denominantur, (3) A voce synonyma, ut *bovinator* est *tergiversator*.

* Qu. 5. Quanam est regula Definitionis nominum?

Resp. Ut voces aliam explicaturæ sint eâ notiores.

Contra hanc regulam *Aristoteles* seq. exemplo peccavit: *Motus est actus corporis in potentia, quatenus in potentia.*

DE DEFINITIONE REI.

* Qu. 6. Quid est definitio rei?

Resp. Quæ rem ipsam explicat. Ut *virtus est amor Dei perfectus.*

* Qu. 7. Quotuplex est definitio rei?

Resp. Duplex: perfecta & imperfecta.

* Qu. 8. Quid est definitio perfecta?

Resp. Quæ rem per attributa essentialia describit. Ut *corpus est substantia extensa.*

Partes perfectæ definitionis sunt *genus proximum*

ximum & differentia specifica; illud est terminus quidam communis, non solum definito, sed & aliis rebus sub eodem genere constitutis competens, hæc autem est pars reliqua definitionis tota, quæ definiti essentiam, vel attributa essentialia exprimit, illudque ab aliis rebus rectè distinguit.

**Qu. 9. Quotnam sunt regula perfecta Definitionis?*

Resp. Tres præsertim:

(1) Definitio debet esse perspicua.

Contra hanc *Aristoteles* seqq. exemplo peccavit: *Frigidum est, quod congregat heterogenea, & disgregat homogenea.*

(2) Debet esse brevis.

Contra hanc peccatur verborum in definitionibus luxuriâ, ex. gr. *Logica est ars conficiens instrumenta; aiſq; dirigens intellectum in cognitione verum.*

(3) Debet esse adæquata.

Contra hanc peccatur duobus modis (1) Si definitio sit angustior suo definito, id est, minus dicat, quam in eo continetur: ex. gr. *Grammatica est ars bene loquendi.* (2) Si latior suo definito, id est, plus dicat, quam in illo continetur, ex. gr. *Logica est ars ratiocinandi, ac ditectendi.*

**Qu. 10. Num omnes res possunt definiri perfectè?*

Resp. Imo quàm paucissimæ.

Respuunt perfectam definitionem res quam-
plu-

plurimæ, a infinitæ, ut *Deus*. b Entia aggregata, ut *philosophia*, *mundus*. c Genera & species, ut *animal*, *planta*. d Individua, ut *hoc corpus*, *hæc planta*, *hic lapis*.

*Qu. II. Quid est Definitio rei imperfecta?

Resp. Quæ rem per attributa accidentalialia describit. Ut *homo est animal natum ex muliere, brevi vivens tempore, repletum omni miseriâ.*

Species definitionis realis imperfectæ præsertim occurrunt septem : (1) Cum substantia definitur per sua accidentia, ex.gr. *Homo est animal bipes, glabrum, loquax & formosum.* (2) Cum accidens definitur per genus & subjectum, ommissâ causâ efficiente, ex. gr. *Eclipsis lunaris est defectus luminis in lun.* (3) Cum accidens definitur per solam causam efficientem, ex.gr. *Eclipsis lunæ est interpositio terræ inter solem & lunam.* (4) Cum res definitur per genus & proprietatem unam vel plures, ommissâ differentiâ essentiali, ceu incognitâ, ex. gr. *Canis est bestia latrans.* (5) Cum totum definitur per enumerationem partium, ex.gr. *Philosophia est compages ordinata trium scientiarum, prudentiarum & artium.* (6) Cum res definitur per remotionem oppositi, ex. gr. *Virtus est vitium fugere.* (7) Cum relatum definitur per correlatum, ex. gr. *Dominus est, qui habet servum.*



CAP. XIV.

DE

DIVISIONE.

*Qu. 1. Quotuplex est divisio?

Resp. Duplex: alia nominis, alia rei.

DE DISTINCTIONE.

*Qu. 2. Quid est divisio nominis,
sive distinctio?

Resp. Est vocis ambiguae explanatio:
Vel est diversarum alicujus vocis signifi-
cationum enumeratio, eum usum habens, ut
terminorum obscuritas, confusio, oriundaque
hinc logomachia, communissimum literato-
rum vitium, evitetur.

*Qu. 3. Quot sunt Distinctionis
species?

Resp. Tres praesertim.

(1) Cum declaratur ambiguitas, quae voci
adhæret; ut *Cancer nunc stellam cæli, nunc ani-
mal fluviatile, nunc morbum significat.* (2) Cum
distinguitur terminus generalis in speciales, ex-
gr. *Homo in mares & feminas, Corpus in anima-
tum & inanimatum.* (3) Cum aliquis termi-
nus limitatur per hujusmodi formulas: *distin-
guo in rem, quæ talem, & quæ non talem: di-
stinguo*

distinguo rem secundum hanc vel illam partem: distinguo rem, prout hoc vel illo respectu consideratur. ex. gr. dico (a) Vinum esse homini noxium, putà quatenus egroto, non quatenus sano. (b) dico Hominem esse mortalem, putà quoad corpus, non quoad animam (c) Terram esse magnam, putà respectu suarum partium, non respectu celi.

DE DIVISIONE REI.

**Qu. 4. Quotuplex est Divisio rei?*

Resp. Duplex: primaria & secundaria.

**Qu. 5. Quid est Divisio rei primaria?*

Resp. Est totius in suas partes distributio.

Species primariæ divisionis sunt tres: (1) Cum genus in suas species dividitur, ex. gr. *Spiritus in finitos & infinitos.* (2) Totum essentiale in suas partes, ut *Homo in mentem & corpus.* (3) Totum integrale in suas partes, ut *Animal in caput, pectus, ventrem, brachia, pedes, Liber in sua capita, paginas, lineas, &c.*

**Qu. 6. Quotnam sunt regulae Divisionis perfectæ?*

Resp. Tres præsertim:

(1) Divisio debet esse suo diviso adæquata.

Contra hanc peccatur duobus modis: (a)

cum *divisio* est angustior suo *diviso*, id est, quando minus recenset, quam in eo continetur, (quod vitium alias *imperfecta enumeratio* vocatur) ex. gr. *Omnis color est vel albus, vel niger, Omnis homo vel senex, vel puer.* (b) cum *divisio* est latior suo *diviso*, id est, quando plus recenset, quam in eo continetur, ex. gr. *Substantia vel est spiritualis, vel corporea, vel neutra. Homo vel est mas, vel femina, vel hermaphrodita.*

(2) *Divisionis membra debent esse opposita.*

Contra hanc seq. exemplo peccaretur: *Vinum est vel album, vel vetus, vel salubre.*

(3) In *Divisione* sumi debent partes proximæ, non remotæ.

Contra hanc seq. exemplo peccaretur: *Animal est vel homo, vel simia, vel canis, &c.* Corollarium hujus legis est, ut prima *divisio* contineat membra quantum licet paucissima, sive ut *Διχομία* vel *Τετράχρημα* ut plurimum instituat.

* *Qu. 7. Quid est Divisio secundaria, seu imperfecta?*

Resp. Est rei secundum accidentia sua discretio.

Species secundariæ *divisionis* præsertim sunt quinque: (1) Cum *substantia* vel *subjectum* per sua accidentia vel adjuncta dividitur, sic ex. gr. *Corpus aliud est lucidum, aliud pellucidum, aliud opacum.* (2) Cum *accidentia* vel adjuncta

Et per suas substantias vel subiecta dividuntur, sic ex. gr. *Morbus alius est capitis, alius pectoris, alius ventris, &c.* (3) Cum causæ per suos effectus dividuntur, ex. gr. *Cibi in salubres, & noxios, Libri in utiles & inutiles.* (4) Cum effectus per suas causas dividuntur, ex. gr. *Libri in Philosophorum, Theologorum, Poëtarum, &c.* (5) Cum res per sua objecta dividuntur, sic ex. gr. *Amor alius est erga Deum, alius erga proximum, alius erga seipsum.*



CAPUT XV.

continens

REGULAS IN JUDICANDO OBSERVANDAS.

I. Quò iudicium fiat solidum, facere apparatus Idearum, quæ simplices, perfectæ, claræ atque distinctæ sint.

II. Versando circa objectum aliquod non deproperare iudicium, sed diù ac multoties, omnique modo illud considerare, priusquam aliquid iudicio decernatur.

III. Objecta composita per partes sigillatim tractare & evolvere.

IV. Quia mens nostra est fragilis, cavere sibi à nimia in iudicando licentiâ.

V. Quemadmodum res plurimæ captum excedunt humanum, igitur circa illas ingenuè in-

scitiam confiteri potius, quàm temerè judicare.

VI. Ubi defunt Ideæ claræ & distinctæ, judicium suspendere.

VII. Studiose cavere, ne ab animi affectibus, ira, odio, superbia, tristitia, metu, amore, &c. in errores abducamur.

VIII. Quia mens nostra ab incunabulis innumeros errores trahit, idcirco novam ineundo rerum omnium considerationem eos studiose deponere.

IX. Omnia ad trutinam rectæ rationis exigere.

X. Quia Deus est infallibilis, idcirco quæ per revelationem innotescunt, pro certissimis habere.


XI. Siquidem judicia nostra nequeant esse absque affectibus, hos ad numinis & veritatis amorem unicè dirigere.

XII. Quia ex sensuum occasione multoties erravimus præpropere judicando, idcirco illis quàm cautissime uti.

XIII. Cum ex paucis judiciis alia atque alia ad insignem multitudinem nascantur, igitur sedulo curare, ut illa quibus principii loco utimur sint quàm solidissima.

XIV. Judicia quæ tantum authoritate nituntur quoad licet evitare.

Finis Libri Secundi.



ARS COGITANDI EROTEMATICA.

LIBER III.

DE

DISCURSU SEU RATIOCINATIONE.



CAPUT I.

DE

DISCURSU IN GENERE.

**Qu. I. Quid est Discursus?*

Resp. Est actus mentis iudicium unum ex alio elicientis.

Vel est unius propositionis (veritatis) ex aliâ deductio, sive progressus Mentis à rebus notis ad ignotas; quemadmodum ex. gr. ex hac veritate: *Deus est summum bonum*, colligo aliam, sc. *omnes actiones ad ipsum referendas*, hunc in modum: *Omnes actiones nostræ ad summum bonum sunt referendæ*, atqui *Deus est summum bo-*

num, ergo omnes actiones ad Deum sunt referenda.

* *Qu. 2. Quisnam est Scopus rationationis?*

Resp. Progressus in veritatis cognitione.

* *Qu. 3. Quanam in Discursu quolibet sunt distinguenda?*

Resp. Materia & forma.

* *Qu. 4. Quanam est materia Discursus?*

Resp. Ideæ & judicia (termini & propositiones). quæ integrum discursum componunt.

Ideæ vel termini *materia* discursus *remota*, judicia vel propositiones *materia* ejusdem *proxima* nuncupantur.

* *Qu. 5. Quotnam judicia in quolibet Discursu habentur?*

Resp. Plerumque tria, interdum plura, nunquam pauciora.

Si in aliquo ratiocinio tantum duo judicia verbis exprimantur, sicut in *enthymemate* fieri solet, tunc semper in mente tertium reservatur; ex. gr. in hoc syllogismo: *Bella a Deo veniunt, ergo sunt nobis utilia*, subintelligitur tertia propositio, sc. *Omnia quæ a Deo veniunt esse nobis utilia*.

* *Qu.*

*Qu. 6. Quid est forma discursus?

Resp. Est apta connexio judiciorum (propositionum) ad inferendam conclusionem.

*Qu. 7. Quomodo vocantur partes discursus?

Resp. Pars altera, quæ prius nota supponitur, *antecedens* vel *inferens*, altera quæ ex illa notiori deinceps eruitur, *pars consequens*, *illata*, vel *conclusio*; demum utriusque nexus à mente conceptus *consequentia*, *sequela*, *deductio* nominatur.



CAPUT II.

DE

PRINCIPIIS DISCURSUS.

*Qu. 1. Quid sunt principia Discursus?

Resp. Sunt judicia fundamentalia, ex quibus primò cognitæ alia atque alia deducuntur per consequentiam.

Horum alia videas *absolutè primæ*, adeo per se nota, ut prorsus nullâ indigeant demonstratione, *axiomatæ* sic dictæ: alia ex iis orta, & per demonstrationes proximas ostensa, deinceps ulterioribus judiciis eliciendis fundamenti loco futura.

**Qu. 2. Quid hic observandum?*

Resp. Quod ex paucissimis principiis innumerabiles fluant consequentiae.

Si principia sint vera, innumerabiles novae veritates, sin secus falsa, infiniti errores nascuntur. Observant practici, frequentius & copiosius errare mentem nostram, ex eo quod ad ratiocinandum falsa principia usurpet, quam quod ex assumptis quolibuscunque vitiosas consequentias ducat.

**Qu. 3. Quotuplicia aliàs sunt ejusmodi principia?*

Resp. Universalia & particularia.

Universalia, quæ in omnibus disciplinis promiscuè usu venire possunt; *particularia* verò, quæ his illisve tantum propria obtingunt.

En Axiomata quædam universalia:

(1) Est aliquod ens perfectissimum, h. e. infinitum, æternum, omnipotens, omniscium, sapientissimum, justissimum, clementissimum, veracissimum, immutabile, quod mundum creavit, dirigit atque gubernat.

(2) Ab hoc ente Mens hominis obtinuit existentiam suam, cum facultate cogitandi, judicandi, volendi, accepitque leges, verum à falso, bonum à malo rectè dignoscendi.

(3) Quia lumen rationis à Deo accensum est, igitur quæ per illud clarè & distinctè cognoscuntur, certissima sunt.

(4) Quæ

(4) Quæ per revelationem divinam nobis innotescunt, infallibilem habent certitudinem, & longe perfectissimam.

(5) Est de naturâ Mentis finitæ, quòd non possit comprehendere infinitum.

(6) Sunt res omnino multæ tam difficiles atque abstrusæ, ut ab humanâ mente hæctenus percipi nequeant.

(7) Quicquid in alicujus rei clarâ & distinctâ ideâ continetur, potest verè de illo affirmari.

(8) Nulla res mutabilis à seipsâ esse potest vel æterna.

(9) Quæcunque conveniunt vel disconveniunt in aliquo tertio, etiam inter se conveniunt, vel disconveniunt.

(10) Quæ de aliquo universali affirmantur vel negantur, ea etiam affirmantur vel negantur de omnibus speciebus & individuis sub eodem genere contentis.

(11) Nihil non potest esse alicujus rei causa.

(12) Idem non potest simul esse, & non esse.

~~*****~~

CAP. III.

D E

REGULIS DISCURRENDI GENERALIBUS.

**Qu. 1. Da mihi regulas generales in inquirenda veritate per discursum perpetuo observandas?*

Resp. En præcipuas:

(1)

(1) Deum sedulò implorare pro felici operum rationis successu.

(2) De omnibus nonnisi ex amore virtutis & veritatis judicare.

(3) Objecta singula quàm attentissimè considerare.

(4) Partes objecti successivè omnes, accuratè ac diù speculari, priusquam iudicio quicquam decernamus.

(5) Nihil asserere nisi quod satis evidenter solideque intellectum sit.

(6) Objecta jam considerata majoris certitudinis causâ iterum atque iterum expendere, interdum quoque aliorum ingenio scrutanda offerre, quò omnis commissi forsan lapsus suspicio removeatur.

(7) Si tam evidenter solideque aliquid concipiamus, quàm nos existere intelligimus, ibi acquiescere tanquam in summo certitudinis humanæ gradu.

(8) Quod ex divinâ revelatione innotescit citra hæsitacionem devotâ fide amplecti, ibique otiosas speculationes vitare.

(9) Cum sensus nostri, conversatio popularis, pravaque consortia gravissimas rationi insidias struant, idcirco eas causas quàm studiosissimè vitare.

(10) Sedulò cavere, ne affectus pravi, philautia, odium, ira, superbia, metus, ambitio, avaritia, &c. ceu pestilentes rationis hostes in errorem nos abducant.

(11) In autoritate hominum vix ac ne vix quidem iudicando acquiescere.

(12) Postremò in omnibus memorem esse fragilitatis suæ, nusquam ultra captum rationis humanæ se attollere, citiusque passim inscitiam confiteri, quàm otiosè ratiocinari.



CAP. IV.

DE

INVENTIONE LOGICA.

Qu. 1. Quid sunt Loci dialectici?

Resp. Sunt fontes communes argumentorum ad probandam aliquam veritatem.

Doctrina de huiusmodi locis promiscuè *Topica*, *Inventio logica*, vel *Methodus inveniendi argumenta* nominatur.

Qu. 2. Quotuplicia sunt argumenta?

Resp. Artificialia & inartificialia.

Priora dicuntur, quæ artis logicæ beneficio inveniuntur, *posteriores* verò, quæ suâ sponte innotescunt.

DE LOCIS ARTIFICIALIBUS.

Qu. 3. Quomodo dividuntur Loci artificiales?

Resp. In grammaticos, logicos & metaphysicos.

Qu. 4. Quotnam sunt Loci grammatici?

Resp. Duo:

(1) Ab

(1) Ab etymologia.

Canon five regula ratiocinandi ex hoc loco est: *Cui convenit vel non convenit etymologia nominis, ei etiam convenit vel non convenit nomen.* Ex. gr. Deus potest omnia, ergo est omnipotens. Reges non possunt omnia, ergo non sunt omnipotentes.

(2) A voce conjugatâ.

Canon hujus loci est: *Cui convenit, vel non convenit vox una conjugatorum, ei etiam convenit, vel non convenit altera.* Ex. gr. Pauperes patiuntur miseriam, ergo sunt miseri. Aliqui iudices non exercent justitiam, ergo non sunt iusti.

Qu. 5. Quotnam sunt Loci logici?

Resp. Undecim præcipue:

(1) A definitione.

Canon hujus loci est: *Cui convenit, vel non convenit definitio, ei etiam convenit, vel non convenit definitum.* Ex. gr. Mundus est substantia extensa, ergo mundus est corpus. Anima non est substantia extensa, ergo non est corpus.

(2) A Genere.

Canon hujus loci est: *Quod affirmatur, vel negatur de genere, etiam affirmatur vel negatur de speciebus sub eo genere contentis.* Ex. gr. Omne corpus est corruptibile, ergo cælum est corruptibile. Nullum corpus est infinitum, ergo mundus non est infinitus.

(3) A specie.

Canon hujus loci est: *Quod affirmatur vel negatur de specie, etiam affirmatur vel negatur de omni-*

omnibus individuis sub eadem comprehensis. Ex. gr. De homine in genere affirmatur, quod sit creatus ad imaginem Dei; ergo etiam de hoc illo &c.

(4) A differentia.

Canon hujus loci est: *Cui convenit vel non convenit differentia essentialis; ei etiam convenit vel non convenit species.* Ex. gr. Diogeni convenit esse animal rationale, ergo & esse hominem.

(5) A proprio.

Canon hujus idem cum præcedenti.

(6) Ab accidenti.

Canon hujus loci est: *Cui convenit eadem complexio accidentium; ei etiam convenit eadem natura.* Ex. gr. Duobus hominibus convenit habere sitim, lassitudinem, calorem, &c. ergo utriusque idem est status, nempe febris.

(7) A subjecto.

Canon hujus loci est: *Quale est subjectum, tale adjunctum.* Ex. gr. Homo aliquis est laudabilis; ergo & actiones ejus sunt laudabiles.

(8) Ab adjuncto.

Canon: *Quale adjunctum, tale subjectum.* Invidia est mala, ergo invidus est malus.

(9) Ab antecedentibus.

Canon: *Sublatis antecedentibus tolluntur consequentia.* Ex. gr. Nondum est meridies, ergo nondum vespera.

(10) A concomitantibus.

Canon: *Posito aut sublato altero concomitante, ponitur vel tollitur alterum.* Ex. gr. Est bellum, ergo

ergo miseria. Non miseria, ergo non bellum.

(II) A consequentibus.

Canon : *Positis consequentibus ponuntur antecedentia.* Ex. gr. Est incendium, ergo subicit ignis.

Qu. 6. Quotnam sunt loci metaphysici?

Resp. Sex præsertim :

(i) A toto.

Canones de toto integrali & essentiali sunt :
(a) *Posito toto ponuntur ejus partes.* (b) *Sublato toto aut aliqua pars tollitur, aut saltem partes non permanent unitæ.* (c) *Quale est Totum (homogeneous) tales sunt partes.* Ex. gr. *Aqua est humida, ergo quævis gutta.* De Toto universali & formali iidem sunt canones, qui de genere, specie & definitione.

(2) A parte.

Canones de partibus (Totius integralis & essentialis) hi sunt : (a) *Positis omnibus partibus convenienter unitis ponitur totum.* (b) *Ablatâ aliquâ parte tollitur totum.* (c) *Quales sunt partes, tale est totum.*

(3) A causa.

Canones circa causam sunt : (a) *Positâ causâ in actu ponitur effectus, & vice versa, sublata causâ tollitur effectus ultèrior.* (b) *Causa efficiens principalis est æquè nobilis, aut nobilior effecto suo.* (c) *Positâ vel sublata materiâ ponitur vel tollitur compositum ex eâ* (d) *Positâ vel sublata formâ ponitur vel tollitur compositum.* (e) *Finis est præstantior.*

stantior mediis. (f) Posito aut sublato fine, ponuntur vel tolluntur media, quatenus sunt talia.

(4) Ab effectu.

Canones : (a) *Posito effectu ponitur causa.* Ex. gr. *Dies illuxit, ergo ortus est sol.* (b) *Qualis effectus, talis causa.* Ex. gr. *Hic liber est doctus, ergo & author.*

(5) Ab oppositis.

Canones : (a) *De quo affirmatur unum oppositorum, de eo negatur alterum, servatâ conditione circumstantiarum* (b) *Oppositorum opposita sunt prædicata.* Ex. gr. *Pius est felix, ergo impius est infelix.* (c) *Posito vel sublato uno relatorum, ponitur vel tollitur alterum.* (d) *Quod unum contrariorum suscipit, etiam alterum suscipere potest.* (e) *Necesse est alterum privative oppositorum inesse subjecto capaci, alterum non inesse.* (f) *inter contradictoria non datur medium.*

(6) A comparatis.

Loci comparatorum sunt quinque diversi, sc. à simili, à dissimili, à majori, à minori, & à pari. Circa quos hi sunt canones : (a) *Quod valet in uno simili, etiam valet in altero.* (b) *Dissimilibus eadem non conveniunt.* (c) *Si quod magis probabile est, verum non sit, tunc quod minus probabile est, tanto minus verum erit.* (d) *Si quod minus probabile est, verum sit, tunc certe, quod magis probabile est, etiam verum erit.* (e) *Ex duobus æque probabilibus, posito vel sublato uno, ponitur vel tollitur alterum.* Ex. gr. *Fratres sunt diligendi quâ fratres, ergo etiam sorores, quâ sorores.*

DE ARGUMENTIS ET LOCIS
INARTIFICIALIBUS.

Qu. 7. Undenam petuntur Argumenta inartificialia?

Resp. A testimoniis.

Qu. 8. Quotuplicia sunt Testimonia?

Resp. Duplicia: divina & humana.

Qu. 9. Quotuplicia sunt Testimonia divina?

Resp. Mediata & immediata.

Immediata, quæ Hominibus à Deo proxime obtingunt, velut Moyſi in monte Sinai; *mediata*, quæ nobis per Prophetas, Evangelistas, Apostolos innotescunt. Canon circa testimonia divina hic est: *Quod abs Deo mediatè vel immediate innotescit, est longè certissimum.*

Qu. 10. Quotuplicia sunt Testimonia humana?

Resp. Diversissima.

Nunc proficiſcuntur à Hominibus plebejis, nunc à dignioribus, rudibus vel literatis, honestis vel improbis, Theologis, Philosophis, Jurisconsultis, Medicis, &c. Canones circa testimonia humana sunt: (a) *Primus fidei gradus debetur ei, quod omnes populi & homines testantur.* (b) *Secundus ei, quod plerique hominum testantur.* (c) *Tertius ei, quod sapientiores tantum.* (d) *Quartus ei, quod vir unus alterve sapiens,*
cele-

celebris, probus. (e) Artifici in sua arte. (f) Pluris est testis oculatus, quam auritus, adultus vel senex, quam juvenis.

~~~~~

CAPUT V.

DE

DISCURSU PERFECTO  
SEU DEMONSTRATIVO.

\*Qu. 1. Quotuplex est Discursus ratione  
formae internae?

Resp. Duplex: perfectus & imperfectus.

\*Qu. 2. Quid est Discursus perfectus?

Resp. Qui ex principiis axiomaticis consequentias ducit quam certissimas.

Hujusmodi discursus alias demonstrativus, gratè apodicticus, aut uno verbo demonstratio; ejusque productum scientia nominatur.

\*Qu. 3. Quid igitur est Scientia?

Resp. Est accurata & quam certissima rei cognitio.

\*Qu. 4. Num datur ejusmodi  
Scientia?

Resp. Omnino.

Deus nec falli, nec fallere potest; hujus ad imaginem mens nostra creata est; quidni igitur aliqua certissime sciret? v. gr. se esse, Deum esse,

esse, corpus nostrum, mundum, &c. Licet non defuerint inter Philosophos veteres, qui nihil omnino perfectè sciri opinarentur, utpote non tantum mundi, cœli, terræ, sed & sui ipsius existentiam in dubio habentes; quorum alii quidem, statuentes omnia incomprehensibilia esse, *Acataleptici*, alii verò, de omnibus iudicium suspendentes, h. e. nihil prorsus affirmativè vel negativè decernentes, *Sceptici*, *Aporetici*, *Dubitatores*, *Cunctatores* &c. nominati fuerunt.

\**Qu. 5. Quodnam est criterium certitudinis notitiæ nostræ?*

Resp. Evidentiæ conceptus nostri.

\**Qu. 6. Quomodo dividitur Demonstratio?*

Resp. In directam & obliquam.

*Directa* vel *ostensiva demonstratio* dicitur, quæ veritatem aliquam directè commonstrat, *obliqua* verò, quæ indirectè conclusionem producit.

\**Qu. 7. Quotuplex est Demonstratio directa?*

Resp. Duplex: alia à priori, alia à posteriori procedens.

*Aristoteles* etiam distinxit inter Demonstrationem τὴν ὄν, sive quòd res sit, & τὴν διόν, sive cur res sit; quæ Divisio sub illâ nostrâ omnino continetur.

\**Qu.*

\*Qu. 8. Quid est Demonstratio  
à priori?

Resp. Quæ aliquid demonstrat ex iis,  
quæ suâ naturâ, vel conceptu no-  
stro priora sunt.

Hujus species sunt: (1) Cum effectus de-  
monstrantur ex suis causis. Ex. gr. *Frigus hye-  
male ex remotione solis.* (2) Cum totum de-  
monstratur per suas partes. Ex. gr. *Triangulum  
per suos angulos & lineas.* (3) Cum consequen-  
tia demonstrantur ex antecedentibus. Ex. gr. *partus ex graviditate, miseria ex bello, morbus  
ex intemperantiâ, &c.* (4) Cum particularia de-  
monstrantur ex universalibus. Ex. gr. *Proprie-  
tates trianguli ex notione angulorum in genere.*

\*Qu. 9. Quid est Demonstratio à  
posteriori?

Resp. Quæ aliquid demonstrat ex  
iis, quæ suâ naturâ, vel conceptu no-  
stro sunt posteriora.

Hujus species sunt: (1) Cum causæ demon-  
strantur ex effectibus suis. Ex. gr. *Deus ex  
mundo, ignis ex incendio.* (2) Cum partes de-  
monstrantur per totum. Ex. gr. *per Hominem  
caput, pectus, &c.* (3) Cum antecedentia demon-  
strantur ex consequentibus. Ex. gr. *Ex illumi-  
natione cubiculi solis ortus.* (4) Cum universalia  
demonstrantur ex particularibus. Ex. gr. *ex  
Homine animal.*

\* *Qu. 10. Quanam sunt species Demonstrationis indirectæ?*

Resp. Duæ: deductio ad absurdum, & argumentatio ad hominem,

\* *Qu. 11. Quid est argumentatio ad absurdum?*

Resp. Cùm aliquid ex eo demonstratur, quòd, nisi verum esset, necessario sequeretur aliquod absurdum, vel impossibile,

Hæc aliàs *Demonstratio per impossibile*, vel *per incommodum* dicitur; ex. gr. Si mens hominis nihil certò sciret, tunc neque sui ipsius existentiam indubitato sciret, atqui hoc est absurdum, ergo aliquid certò cognoscit.

\* *Qu. 12. Quid est argumentatio ad Hominem?*

Resp. Quæ ex opinione adversarii tanquam hypothese consequentias ducit,

\* *Qu. 13. Quotnam sunt regulae Demonstrationis?*

Resp. Tres præsertim;

(1) Demonstrationem ordiri à notissimis, indeque ad ulteriora accurate promovere.

Cùm nescitur quarum rerum Demonstratio quærenda vel omittenda sit, aut certè, cùm omnis generis rationes promiscuè adducuntur,  
id

id vitium ab Aristotele *ignorantia analyticorum* vocatur.

(2) Principia assumere evidentia atque certissima.

Cum incerta aut falsa principia pro certis vel veris assumuntur in aliquâ demonstratione, id vitium ab Aristotele *Pseudographema*; si autem ex principiis peregrinis vel alienis, utut veris conclusio formatur, hoc ab eodem *μετάβασις ἐς ἄλλο γένος*, vitiosus transitus ad aliud genus nuncupatur.

(3) Ex principiis nec plus nec minus concludere, nisi quantum rationalis nexus clarè docet.

Cum ex principiis veris aliquid concluditur, quod inde non sequitur, id vitium vulgò *mala* vel *vitiosa ratiocinatio* nuncupatur.



## CAPUT VI.

DE

### DISCURSU IMPERFECTO SEU DIALECTICO.

\* Qu. I. *Quid est Discursus imperfectus?*

Resp. Qui ex principiis tantum probabilibus procedit.

## 136 ARS COGITANDI

Aliàs *discursus dialecticus* vel *probabilis*, ejusque productum *opinio* vocatur.

\* *Qu. 2. Quid igitur hic est Opinio?*

Resp. Est notitia probabilis, non tamen demonstrativa.

\* *Qu. 3. Quotnam sunt species ejusmodi Discursus notabiles?*

Resp. Tres præsertim:

(1) *Inductio*: cum ab aliquo particulâri ad universale concluditur. Ex. gr. *Mihi & aliis vinum prodest, ergo prodest hominibus in genere.*

(2) *Exemplum*: si à quodam singulari ad universale concluditur. Ex. gr. *Mihi somnus est gratus, ergo hominibus est gratus, Odor rosæ mihi est jucundus, quidni cæteris?*

(3) *Ratiocinium ex auctoritate aliorum*; cum sc. ex testimoniis Historicorum, legibus Jutorum, sententiis

vel placitis Philosophorum, &c. aliquid commonstratur.



## CAP. VII.

DE DISCURSU

### DISCURSU PLEBEJO.

\* *Qu. 1. Quomodo dividitur Discursus ratione formæ externæ?*

Resp. In plebejum & philosophicum.

Discur-

*Discursus vulgaris sive plebejus dicitur, qui formam populo usualement habet, philosophicus autem, cujus termini secundum artis leges disponuntur.*

\*Qu. 2. *Quotnam sunt species Discursus plebei?*

Resp. Quinque præsertim.

(1) Discursus ætiologicus, cum ex argumento causæ aliquid asseritur. Ex. gr. *Deus est reverendus, quia est ens perfectissimum.* (2) Porismaticus, ut *Vita est brevis, ergo studiose vivendum.* (3) Hypotheticus, ut *Si valetudo est prospera, tunc conservanda.* (4) Adversativus, ut *Homines sunt ambitiosi, cum tamen id ipsis noceat.* (5) Dialogisticus vel socraticus, qui fit per interrogationes & responsiones.

\*Qu. 3. *Numquid ejusmodi formulae ratiocinandi sunt validæ?*

Resp. Omnino.



## CAP. VIII.

DE

### DISCURSU PHILOSOPHICO.

\*Qu. 1. *Quomodo vocantur Ratiocinia, quæ à Philosophis secundum certas leges & formas instituuntur?*

Resp. Syllogismi.

\*Qu. 2. Quid igitur est Syllogismus?

Resp. Est complexio plurium propositionum, quarum una ex aliis necessario sequitur.

Vel est artificiosus mentis Discursus, propositionem unam ex aliis rectè concludens. Ex. gr. *Omne vitium est Deo exosum, atqui Hypocrisia est vitium, ergo est Deo exosa.*

\*Qu. 3. Quanam in quolibet Syllogismo seorsim sunt considerata?

Resp. Materia & forma.

\*Qu. 4. Quotuplex est Materia syllogismi?

Resp. Duplex: remota & proxima.

*Remota syllogismi materia* dicuntur tres pluresve termini, ex quibus ille componitur: *proxima* verò dicuntur propositiones ex connexionne terminorum factæ, & syllogismum immediate constituentes; quarum illa quidem, quæ ex aliis notioribus deducitur *conclusio* vel *consequens*, (extra argumentationem *questio*) reliquæ autem, ex quibus ista infertur, *præmissæ* vel *antecedentes* nuncupantur.

\*Qu. 5. Quid est Forma syllogismi?

Resp. Est recta deductio conclusionis ex præmissis.

\*Qu. 6. Quid circa materiam & formam Syllogismi observandum?

Resp. Possè hanc sine illâ vitiosam existere.



Nunc sc. propositiones in se sunt falsæ, quantumvis consequentia sit rectè formata; nunc vice versà deductio vel sequela est vitiosa, quantumvis propositiones in se sint verissimæ.

\* Qu. 7. *Quemnam usum habent Syllogismi?*

Resp. Decus & gravitatem afferunt disputationibus academicis.



## CAPUT IX.

DE

### PRINCIPIIS GENERALISSIMIS EFFICACIÆ SYLLOGISMORUM.

\* Qu. 1. *Quid sunt Principia efficaciæ syllogismorum?*

Resp. Sunt fundamenta necessitatis sequelæ in quolibet syllogismo.

\* Qu. 2. *Quot sunt eorum numero?*

Resp. Duo:

(1) Quæ conveniunt in aliquo tertio, ea etiam inter se conveniunt.

Hoc fundamento nititur vis omnium syllogismorum affirmantium cujuscunque figuræ. Ex. gr. duo numeri, *bis sex*, & *ter quatuor* conveniunt in eodem tertio numero sc. *duodecim*, hinc colligo, eos etiam inter se convenire, hujusmodi

jusmodi syllogismo : *Bis sex sunt æquales duodecim, sed etiam ter quatuor sunt æquales duodecim ; ergo bis sex & ter quatuor sunt numeri æquales.*

(2) Quæ disconveniunt in aliquo tertio, ea etiam inter se disconveniunt.

Hoc fundamento nititur vis omnium syllogismorum negantium, cujuscunque figuræ. Ex. gr. Numeri *bis tria* & *bis quatuor* disconveniunt in eodem tertio numero *sex*, cui sc. ille prior est æqualis, non posterior, hinc colligo, eos etiam inter se disconvenire, & ab invicem esse negandos, hujusmodi syllogismo : *Bis tria faciunt sex, atqui bis quatuor non faciunt sex, ergo bis tria & bis quatuor non sunt æquales numeri.*

\*Qu. 3. *Quid circa ista principia observandum?*

Resp. Regulam de omni, & de nullo Aristotelicorum sub iis comprehendí.

(1) Regula de omni hæc est : *Quicquid de aliquo universali affirmatur universaliter, illud etiam affirmatur de omnibus speciebus & individuis sub eodem genere contentis.* Ex. gr. Corpora sunt extensa, ergo etiam lapides, ligna, &c. (2) Regula de nullo : *Quicquid de aliquo universali negatur universaliter, illud etiam negatur de omnibus speciebus ac individuis sub eodem genere contentis.* Ex. gr. Nullum corpus est infinitum, ergo neque mundus.



## CAP. X.

D B

## SYLLOGISMORUM DIFFERENTIIS.

\* *Qu. I. Quotnam sunt differentie  
Syllogismorum notabiles?*

Resp. Quatuor præsertim:

(1) Alii sunt veri, alii falsi.

*Veri* dicuntur, quorum propositiones omnes in se sunt veræ, *falsi* è contrario.

(2) Alii legitimi, alii vitiosi.

*Legitimi* vocantur, quorum forma est accurata, *vitiosi* contrà.

(3) Alii simplices, alii compositi.

*Simplices* sunt, quorum propositiones sunt simplices, ubique medius terminus semel cum utroque extremo jungitur; *compositi* verò, quorum major propositio est conjuncta, ac integram conclusionem in se continens.

(4) Alii categorici, alii non tales.

*Categorici* nominantur, quorum forma se habet secundum aliquam ex 4. figuris, & harum modos; *non categorici* ex contrario dicuntur, qui nullam ejusmodi figuram, vel modum agnoscunt.



## CAPUT XI.

DE

SYLLOGISMIS CATEGORICIS  
IN GENERE.

\* *Qu. 1. Quanam sunt partes Syllogismi categorici?*

Resp. Tres termini, ac totidem propositiones; ex geminata illorum conjunctione resultantes.

Prima syllogismi propositio *major*, secunda *minor* (interdum *assumptio*, vel *assumptum*) tertia denique & ultima *conclusio* (extra argumentationem *quaestio* vel *thesis*) vocatur. Jam quolibet istarum propositionum duobus constat terminis, (subiecto & praedicato) quorum illi, qui conclusionem syllogismi constituunt, ab Aristotele *duo extrema* vocantur, ac speciatim conclusionis praedicatum, *majus extremum*, vel *terminus major*, ejusque subiectum *minus extremum*, vel *terminus minor*; tandem ille terminus, qui non est in conclusione, sed in praemissis ceu tertius intercedit, *terminus medius*, vel *argumentum syllogismi* nominatur.

\* *Qu. 2. Quanam circa formam Syllogismi categorici sunt notanda?*

Resp. Figura & modus.

\* *Qu. 3.*

\*Qu. 3. *Quid est Figura syllogismi?*

Resp. Est conditio syllogismi quoad termini medii dispositionem cum extremis.

\*Qu. 4. *Quotnam sunt Figurae?*


Resp. Quatuor:

- (1) Cum medius terminus in maiore prop. est subiectum, & in minore praedicatum.
- (2) Cum medius terminus in maiore & minore est praedicatum.
- (3) Cum medius terminus in maiore & minore est subiectum.
- (4) Cum medius terminus in maiore est praedicatum, & in minore subiectum.

\*Qu. 5. *Quid est modus syllogismi?*

Resp. Est conditio syllogismi quoad propositionum quantitatem & qualitatem.

*Modorum* (1) alii sunt *universales*, quorum sc. una vel utraque praemissarum est universalis, alii *singulares*, quorum utraque est singularis. (2) Alii *affirmativi*, quorum conclusio est affirmativa: alii *negativi*, quorum conclusio est talis.



## CAP. XII.

DE

SYLLOGISMORUM  
CATEGORICORUM REGULIS  
GENERALIBUS.

\*Qu. I. *Quotnam sunt Leges generales,  
secundum quas syllogismi cate-  
gorici exiguntur?*

Resp. Sex:

- (1) In syllogismo non debent esse  
plures termini, nec paucio-  
res tribus.

*Demonstratio.* Si enim (a) termini sint duo tantum, tunc conclusio non erit propositio nova, sed eadem plane cum præmissis, igitur non erit syllogismus, per definitionem l. c. Si (b) termini sint plures tribus, tunc duo extrema non erunt collata cum eodem tertio, ut in eo convenire vel disconvenire percipiantur, igitur syllogismus carebit fundamento, neque conclusio ex præmissis necessario sequetur. En exemplum id vitii habens: *Omnis homo est aliud à bruto, atqui Omnis simia est aliud ab homine, ergo Omnis simia est aliud à bruto.*

- (2) Medius terminus semel vel bis sumi debet universaliter, nunquam bis particulariter.

*Demonst.*

*Demonst.* Si medius terminus in utraque præmissarum accipiatur particulariter, tunc diversas partes ejusdem generis significare potest, id est, aliam in majore, aliam in minore prop. quod si fiat, erunt quatuor termini in syllogismo contra legem primam. Aut si eandem, prorsus significationem obtineat terminus medius in utraque præmissarum, nonnisi per accidens conclusio valebit. En exempla quò res fiat clarius (a) *Aliquis homo est vivus, Aliquis homo est mortuus, ergo Aliquis mortuus est vivus.* (b) *Quidam vir est doctus, Quidam vir est probus, ergo Quidam probus est doctus.*

- (3) Extrema non sumi debent universalius in conclusione, quàm in præmissis.

*Dem.* Si major vel minor terminus in conclusione sumatur universalius, quàm in præmissis, tunc à particulari ad universale procedit consequentia, quod est vitiosum. En exemplum ita peccantis syllogismi: *Omne corpus est mobile, Aliqua substantia est corpus, ergo Omnis substantia est mobilis.*

- (4) Ex duabus propositionibus negativis nulla efficitur conclusio.

*Dem.* Si duo extrema (major & minor terminus) disjungantur ab eodem tertio, non sequitur eadem inter se conjungenda vel disjungenda esse, igitur conclusio nulla inferri potest. Ex. gr. *Turca non sunt Christiani, Hispani non sunt*

*sunt Turcæ; ergo Hispani non sunt Christiani.*

- (5) Ex duabus propositionibus affirmativis nequit conclusio negativa inferri.

*Dem.* Si major & minor propositio sit affirmativa, tunc duo extrema conveniunt in eodem tertio, igitur *per regulam proportionis* etiam inter se convenient, & erunt de se invicem affirmanda, ergo conclusio non poterit esse negativa. Ex.gr. *Omnis Philosophus est doctus*, atqui *Aristoteles est Philosophus*, ergo *Aristoteles non est doctus*.

- (6) Conclusio sequi debet partem debiliorem, id est, si præmissarum altera sit negativa, oportet illam esse negantem; si particularis, particularem.

*Dem.* Si enim (a) altera præmissarum propositionum est negativa, in hac medius terminus ab uno extremorum separatur, igitur duo extrema in eodem tertio disconveniunt, ergo *per reg. proport.* erunt disjungenda, igitur conclusio erit negativa. Si (b) altera præmissarum est particularis, conclusio nequit esse universalis, quia sequeretur aliquod absurdum. Sit enim affirmativa universalis, dico ejus subjectum (minorem terminum) fore universaliter sumptum, ergo idem terminus *per Leg. 3.* etiam in minore propositione erit universalis, atqui hæc est affirmativa; igitur ejus erit subjectum, ergo medius terminus in minore (u-

niver-



niversalis affirmante) erit prædicatum, eritque particulariter sumptus, ergo universalis esse debet in majori, hujusque subjectum, quia est affirmativa, ergo major & minor propositio erit universalis, quotiescunque conclusio est universalis affirmans. Deinde sit conclusio universalis negativa, dico extrema ejus sumpta esse universaliter, ergo per *Leg. 3.* talia quoque in præmissis esse debebunt, ergo major & minor quoque erunt universales; ergo plane nulla conclusio universalis obtinetur, nisi cum etiam præmissæ fuerint tales. Ergo conclusio sequitur partem debiliorem, quod erat demonstrandum. En exempla adversus istam regulam: (a) *Nullum corpus cogitat, Omne animal est corpus, ergo Omne animal cogitat.* (b) *Omne probum est honestum, Aliquis homo est probus, ergo Omnis homo est honestus.*

\**Qu. 2. Quemnam usum habent istæ leges syllog.?*

*Resp.* Secundum ipsas valor syllogismi categorici exigitur.

Alius autem modus explorandi valorem dati syllogismi est, si is transmutetur in formam discursus plebejam, unde vitium aut valor clare apparet. Ex. gr. *Omnis morbus est molestus, Medicus curat morbos, ergo Medicus est molestus.* Mutetur hic syllogismus in ratiocinii formam vulgarem: *Medicus est molestus, quia morbos curat, qui sunt molesti.* Sic facie mutata vitium ultrò revelat. Sit aliud exemplum: *Lepus ha-*

*habet aures, Asinus habet aures, ergo Asinus est lepus, mutata formâ hoc modo: Asinus est lepus, quia habet aures, vitium sponte elucet.*



## CAPUT XIII.

DE

## SYLLOGISMIS CATEGORICIS

IN PRIMA FIGURA.

*\* Qu. I. Quotnam sunt Leges speciales prima figura?*

*Resp. Duæ:*

(1) Minor propositio debet esse affirmativa.

*Dem.* Si enim negativa foret, tunc per *Leg. 6. gen.* etiam conclusio foret negans, igitur huius prædicatum (*Maj. term.*) universaliter sumptum; sed quia minor supponitur negativa, igitur per *Leg. 5. gen.* major foret affirmativa, ergo huius prædicatum (*Maj. term.*) particulariter sumptum, aliter quam in conclusione, contra *Leg. 3. gen.* ergo minor in primâ figurâ (atque etiam in tertiâ) nequit esse negativa, quod erat demonstrandum. En exemplum peccantis in adversum syllogismi: *Omne animal sentit, Nullus lapis est animal, ergo Nullus lapis sentit.*

(2) Major debet esse universalis.

*Dem.* Quia minor est affirmativa, igitur ejus prædicatum, seu *medius terminus* est particularis.

ticulariter sumptus, ergo debebit esse universalis in majore propositione, ergo hæc erit universalis, ceu habens subiectum universaliter acceptum. In adversum peccaret sequens syllogismus: *Aliquod corporeum est lapis, Omne animal est corporeum, ergo Omne animal est lapis.*

\*Qu. 2. *Quotnam sunt modi syllogismorum prima figura?*

Resp. Quatuor : barbara, celarent, darii, ferio.

Vocales earum vocum designant quantitatem & qualitatem propositionum syllogismi, juxta istos versiculos:

Afferit a. negat e. verum generaliter ambo.

Afferit i. negat o. sed particulariter ambo.

\*Qu. 3. *Da mihi exempla omnium modorum in 1. figura?*

Resp. En aliqua:

BAR Omne honestum est laudabile,

BA Atqui omnis virtus est honesta,

RA Ergo omnis virtus est laudabilis.

CE Nullum vitium est licitum,

LA Atqui omne mendacium est vitium,

RENT Ergo nullum mendacium est licitum.

DA Omne peccatum est fugiendum,  
 RI Sed aliqua actio est peccatum,  
 I Ergo aliqua actio est fugienda.

FE Nullum inutile est amandum,  
 RI Sed aliquod studium est inutile,  
 O Ergo aliquod studium non est amandum.



## CAPUT XIV.

DE

### SYLLOGISMIS CATEGORICIS IN SECUNDA FIGURA.

\**Qu. I. Quotnam sunt Leges speciales  
 secunda figura?*

Resp. Duæ:

(1) Alterutra præmissarum debet  
 esse negativa.

*Dem.* Si major & minor propositio foret affirmativa, tunc earum prædicata, quæ faciunt medium terminum, utrobique essent particulariter sumpta, contra *Leg. 2. gen.* ergo alterutra præmissarum necessario debet esse negans. Contra hanc legem peccaret sequens exemplum: *Qui salvantur lapsi sunt, sed Omnis homo lapsus est, ergo Omnis homo salvatur.*

(2) Ma-

(2) Major debet esse universalis.

*Dem.* Quia in omni syllogismo secundæ figuræ conclusio est negativa per *Leg. 1. specialem hujus figuræ*, & per *Leg. 6. gen.* igitur ejus prædicatum, seu major terminus erit universaliter sumptus, ergo per *Leg. 3. gen.* talis quoque esse debet in majore propositione, cujus facit subjectum; per *Definit. secundæ figuræ*, ergo major propositio erit universalis. Contra hanc legem peccaret sequens: *Aliqua disciplina non est salutifera, sed Theologia est salutifera, ergo Theologia non est disciplina.*

\**Qu. 2. Quotnam sunt Modi syllogismorum in secundâ figurâ?*

*Resp.* Quatuor: cesare, camestres, festino, baroco.

\**Qu. 3. Da mihi exempla eorum?*

*Resp.* En aliqua:

CE Nullus dives est egenus,

SA Sed omnis avarus est egenus,

RE Ergo nullus avarus est dives.

CA Omnis Christianus crucifigit carnem suam,

MES Sed nullus voluptuosus crucifigit carnem suam,

TRES Ergo nullus voluptuosus est Christianus.

FES Nulla virtus conscientiam lædit,  
 TI Sed aliqua delectatio conscientiam  
     lædit,  
 NO Ergo aliqua delectatio non est  
     virtuosa.

BA Omne honestum est Deo gratum,  
 RO Sed multæ actiones non sunt Deo  
     gratæ,  
 CO Ergo multæ actiones non sunt ho-  
     nestæ.



## CAPUT XV.

DE

### SYLLOGISMIS CATEGORICIS

IN TERTIA FIGURA.

\* *Qu. I. Quotnam sunt Leges speciales tertia figura?*

Resp. Duæ:

(1) Minor propositio debet esse affirmativa.

*Demonstrationem* hujus vide *Cap. XIII. de primâ figurâ*. En exemplum peccantis syllogismi contra istam legem: *Omnis homo est mortalis, sed aliquis homo non est senex, ergo aliquis senex non est mortalis.*

(2) Con-

(2) Conclusio debet esse particularis.

*Dem.* Quia minor propositio est affirmativa in omni syllogismo tertiæ figuræ, per *Leg. præced. spec.* igitur ejus prædicatum seu *Minor terminus* est sumptus particulariter, ergo etiam in conclusione erit particularis, cujus facit subiectum, ergo hæc erit particularis. Contra hanc legem peccaret seq. syllogismus: *Omnis color est visibilis, sed Omnis color est accidens, ergo Omne accidens est visibile.*

\* *Qu. 2. Quotnam sunt Modi syllog. tertiæ figuræ?*

*Resp.* Sex: darapti, felapton, disamis, datisi, bocardo, ferison.

*Qu. 3. Da mihi exempla eorum?*

*Resp.* En aliqua:

DA Omnis pius est felix,

RAP Sed omnis pius est mundo exosus,

TI Ergo aliquis mundo exosus est felix.

FE Nemo injustus est Deo acceptus,

LAP Sed omnis injustus est homo,

TON Ergo aliquis homo non est Deo acceptus.

DI Aliquis homo est dives,

SA Sed omnis homo est miser,

MIS Ergo aliquis miser est dives.

DA Nullus avarus est liberalis,  
 TI Sed aliquis avarus est dives,  
 SI Ergo aliquis dives non est liberalis.

Bo Quidam morbus non est lethalis,  
 CAR Sed omnes morbi sunt molesti,  
 DO Ergo aliquod molestum non est  
 lethale.

FE Nemo probus est infelix,  
 RI Sed aliquis probus est pauper,  
 SON Ergo aliquis pauper non est infelix.



## CAPUT XVI.

DE

### SYLLOGISMIS CATEGORICIS

IN QUARTA FIGURA.

\* *Qu. 1. Quotnam sunt Leges speciales  
 Syllog. quarta figura?*

Resp. Tres:

(1) Si major propositio est affirmativa, tunc minor debet esse universalis.

*Dem.* Si major est affirmativa, tunc ejus prædicatum, seu medius terminus est sumptus particulariter, igitur per *Leg. 2. gen.* debet sumi uni-



universaliter in minore, cujus est subjectum, ergo minor erit universalis. Contra hanc legem peccaret sequens exemplum: *Omnis amicus est amandus, sed aliquod amandum est perfectum, ergo aliquod perfectum est amicus.*

- (2) Si minor propositio est affirmativa, tum conclusio debet esse particularis.

*Dem.* Si minor sit affirmativa, tunc ejus prædicatum, seu minor terminus est sumptus particulariter, igitur per *Leg. 3. gen.* etiam particularis erit in conclusione, cujus est subjectum, ergo hæc erit particularis. Contra hanc legem peccaret seq. *Quidam morbus est periculosus, sed omne periculosum est formidabile, ergo omne formidabile est morbus.*

- (3) In modis negativis major propositio debet esse universalis.

*Dem.* Si modus Syllogismi in quartâ figurâ est negativus, tunc per *Leg. 6. gen.* conclusio est negativa, igitur ejus prædicatum, seu major terminus est universaliter sumptus, ergo per *Leg. 3. gen.* etiam talis esse debebit in majore propositione, cujus est subjectum, ergo hæc erit universalis, quod erat demonstrandum. Contra hanc legem peccaret seq. *Aliquod coloratum est pulchrum, sed nullum pulchrum est injucundum, ergo nullum injucundum est coloratum.*

\**Qu. 2. Quotnam sunt modi syllogismorum quartæ figuræ?*

*Resp.* Quinque : barbari, calentes, dibatis,

dibatis, fespamo & fresifom.

*\*Qu. 3. Da mihi exempla singulorum?*

Resp. En aliqua:

BAR Omnis humilitas est virtuosa,  
BA Sed omne virtuosum est laudabile,  
RI Ergo aliquod laudabile est humilitas.

CA Omnis pietas est salutifera,  
LEN Sed nullum salutiferum est negligendum,  
TES Ergo nullum negligendum est pietas.

DI Quædam actio est honesta,  
BA Atqui omne honestum est laudabile,  
TIS Ergo aliquod laudabile est actio.

FES Nullus avarus est felix,  
PA Sed omnis felix est homo,  
MO Ergo aliquis homo non est avarus.

FRE Nulla virtus est mutabilis,  
SI Sed aliquod mutabile est pulchrum,  
SOM Ergo aliquod pulchrum non est virtus.



CAP. XVII.

DE

SYLLOGISMO ENTHYMEMATE.

\**Qu. 1. Quotnam sunt species syllogismorum non categoricorum notabiliores?*

Resp. Septem: enthymema, syllogismus conditionalis, disjunctivus, copulativus, dilemma, forites & prosyllogismus.

\**Qu. 2. Quid est Enthymema?*

Resp. Syllogismus duarum propositionum, ubi tertia velut notior in mente reservatur.

Nomen *enthymema* derivatur à verbo *enthymeo*, cogito, in animo reservo, quia scil. propositio major vel minor ceu notior in mente reservatur; ita quidem ut syllogismus in mente sit perfectus, licet non completus in oratione.

\**Qu. 3. Quomodo vocantur partes Enthymematis?*

Resp. Propositio prima *antecedens*, altera *consequens*, ac utriusque nexus *consequentia* vocatur.

\**Qu. 4.*

\*Qu. 4. *Quoriam sunt Leges hujus argumentationis?*

Resp. Duæ:

(1) *Propositio subintellecta (major vel minor) debet esse satis perspicua, & per se cognita.*

*In adversum peccaret seq. Anima hominis est spiritualis, ergo immortalis.*

(2) *Propositio consequens ex antecedenti rectè fluat.*

*In adversum peccaret iste: Reges sunt potentes, ergo adorandi.*

\*Qu. 5. *Quomodo Enthymemata reducuntur ad syllogismos categoricos?*

Resp. *Additâ propositione subintellectâ.*

*Ex. gr. Omnis virtus est prosequenda, ergo humilitas est prosequenda, in hoc subintelligitur tertia propositio, sc. humilitatem esse virtutem, quâ additâ nascitur iste categoricus in prima figura: Omnis virtus est prosequenda, atqui Humilitas est virtus, ergo, Humilitas est prosequenda.*

\*Qu. 6. *Da mihi exempla quorundam Enthymematum, ut eorum naturam tanto melius agnoscam?*

Resp. *En aliqua.*

*Deus est ens perfectissimum, ergo unice & ar-*  
*den-*

dentissime colendus. Deus est summum bonum; ergo omnes actiones ad ipsum dirigenda. Mors ad Deum ducit; ergo non timenda. Mundus est malignus; ergo prudenter vivendum.

CAPUT XVIII.

DE

SYLLOGISMO CONDITIONALI,  
SEU HYPOTHETICO.

\* Qu. 1. Quid est Syllogismus conditionalis?

Resp. Cujus aliqua propositio (plerumque major) est conditionalis.

Major propositio Syllogismi conditionalis habet duas partes, quarum prior quæ continet particulam *si*, *antecedens*; altera autem *consequens*; & utriusque nexus *consequentia* vocatur.

\* Qu. 2. Quotnam sunt species syllogismi conditionalis?

Resp. Quatuor:

(1) Cum major propositio tantum est conditionalis.

Ex. gr. Si Deus est, tunc mundus regitur providentiâ, atqui Deus est, ergo Mundus regitur providentiâ.

(2) Cum minor & conclusio sunt conditionales.

Ex. gr.

Ex. gr. *Quodcunque ad imaginem Dei est creatum, est immortale*, atqui si vera est *S. S. anima hominis ad imaginem Dei est creata*, ergo si vera est *S. S. anima est immortalis*.

(3) Cum omnes tres propositiones sunt conditionales.

Ex. gr. Si *adamas est corpus*, tunc est *divisibilis*, atqui si *adamas est extensus*, est *corpus*, ergo si *adamas est extensus*, est *divisibilis*.

(4) Cum conclusio sola est hypothetica.

Hæc species est enthymematica, duabus tantum propositionibus constans, ex. gr. *Quodcunque moribus christianis repugnat, illud è republicâ arcendum*, ergo, si *luxus est moribus christianis adversus*, erit è republica exterminandus.

\* Q<sup>u</sup>. 3. *Quoniam sunt Leges syllogismi conditionalis, qui tantum majorem habet hypotheticam?*

Resp. Tres:

(1) Nexus antecedentis & consequentis in majore prop. debet esse perspicuus & solidus.

In adversum peccaret seq. Si *Divitiæ pariunt voluptates*, tunc sunt *ambiendæ*, atqui *Divitiæ pariunt voluptates*, ergo sunt *ambiendæ*.

(2) Si minor propositio affirmat antecedens majoris, tunc conclusio ejusdem consequens affirmare debet.

Hujus

Hujus exemplum esto : Si virtus parit felicitatem, tunc prosequenda, atqui parit felicitatem, ergo prosequenda.

(3) Si minor negat consequens majoris, tum conclusio ejusdem antecedens negare debet.

Ex. gr. Si anima est corpora, tunc est mortalis, atqui anima non est mortalis, (atqui falsum posterius) ergo non est corporea (ergo & prius).

~~~~~

CAPUT XIX.

D.E

SYLLOGISMO DISJUNCTIVO.

* Qu. 1. Quid est Syllogismus disjunctivus?

Resp. Cujus major propositio est disjunctiva.

* Qu. 2. Quotuplex est ille?

Resp. Duplex : affirmativus & negativus.

* Qu. 3. Quid est Syllogismus disjunctivus affirmativus?

Resp. Qui ex unius membri affirmatione ad alterius negationem concludit.

Ex. gr. Aut Deo serviendum, aut mundo, atqui Deo serviendum, ergo non mundo.

* Qu. 4. Quid negativus?

Resp. Qui ex unius membri negatio-

ne ad alterius affirmationem concludit.
 Ex. gr. *Aut dies est, aut nox, sed non est
 nox, ergo dies.*

*Qu. 5. Quotnam sunt Leges syllo-
 gismi disjunctivi?

Resp. Tres præsertim:

(1) Major propositio tria habet re-
 quisita (a) ut absolutè sit vera.
 (b) ut membra ejus sint per-
 fectè enumerata. (c) ut eadem
 sint immediate opposita.

Contra requisitum (a) peccaret sequens ex-
 emplum: *Omnes homines sunt vel gigantes, vel
 pygmæi, atqui Diogenes neuter fuit, ergo non fuit
 homo.* Contra (b) *Omnis color vel albus, vel ni-
 ger est, atqui rubedo nec alba nec nigra est, ergo
 non est color.* (c) *Omnis homo vel pauper est, vel
 superbus, atqui Reges non sunt pauperes, ergo sunt
 superbi.*

(2) Si minor propositio alterum
 (aliquod) majoris membrum
 affirmat, tum conclusio al-
 terum (reliqua) negare debet.

In adversum peccaret seq. *Thesis data aut vera
 est, aut falsa, atqui vera est, ergo falsa.*

(3) Si minor propositio alterum
 (plura, si adfuerint) majoris membrum
 negat, conclusio alterum (reliquum)
 affirmare debet.

In adversum peccaret seq. *Thesis data aut vera est, aut falsa, sed non est falsa, ergo non est vera.*



CAPUT XX.

DE

SYLLOGISMO COPULATIVO.

* *Qu. 1. Quid est Syllogismus copulativus?*

Resp. Cujus major propositio est copulativa.

* *Qu. 2. Quotuplex est hujusmodi syllogismus?*

Resp. Duplex: affirmativus & negativus.

Affirmativus est, cujus major est affirmativa. Ex.gr. Omnis Philosophus est doctus & sapiens, atqui multi Literati non sunt sapientes, ergo multi Literati non sunt Philosophi. Negativus est, cujus major est negativa. Ex.gr. Nemo potest Deo servire & Mammoni, Avarus Mammoni servit, ergo non Deo servit.

* *Qu. 3. Quotnam sunt Leges syllogismi copulativi?*

Resp. Tres:

L 2

(1) Ma-

- (1) Major propositio debet esse universalis.
- (2) Si major sit affirmativa, minor debet esse negans.
- (3) Si major sit negativa, minor debet esse affirmans.



CAP. XXI.

DE

DILEMMATE.

* *Qu. 1. Quid est Dilemma?*

Resp. Qui post totius divisionem in sua membra, id concludit ex omnibus, quod illatum erat ex singulis.

Hic syllogismus ex conditionali & disjunctivo compositus est. En exemplum: Si vivendum, aut Deo, aut mundo vivendum, At si Deo vivas, mundum habebis inimicum, Si mundo, Deum habebis adversum, ergo sine adversitatibus omnino vivi nequit.

* *Qu. 2. Quotnam sunt regulae Dilemmatis?*

Resp. Duæ:

- (1) Major propositio debet membra totius perfecte enumerare.

In

In adversum peccat illud : Si ducenda est uxor, aut pulchra est ducenda, aut deformis, si pulchram duxeris, erit sollicitudini, si deformem, erit fastidio, ergo plane nulla est ducenda.

(2). Conclusio non plus continere debet, quàm ex singulis membris majoris propositionis illatum est.

In adversum peccat : Si vena secanda, aut erit salutare, aut noxium, Si noxium sit, mortem accelerabit, Si salutare, miseriam hujus vitæ prolongabit, ergo Vena plane non est secanda.

~~~~~

## CAP. XXII.

DE

## SORITE.

\* Qu. 1. Quid est syllogismus Sorites ?

Resp. Qui constat plurimis propositionibus, ita dispositis, ut unius prædicatum evadat sequentis subjectum, tandemque ultimæ propositionis prædicatum de primæ propositionis subjecto concludatur.

Sorites dicitur à græco *σorgetu*, congrego, tanquam syllogismus, in quo multæ propositiones sunt coacervatæ. Ex. gr. Omnis virtus est divina, Omne divinum est inviolabile, Omne in-

*violabile est æternum, Omne æternum est perfectum, ergo Omnis virtus est perfecta.*

*\*Qu. 2. Quotuplex est Sorites?*

*Resp. Duplex: affirmativus & negativus.*

*En exemplum affirmativi: Quis Deus præcognovit, eos prædestinavit, quos prædestinavit, vocavit, quos vocavit, justificavit, quos justificavit, glorificavit, ergo quos præcognovit, glorificavit. En exemplum negativi: Plerique homines sunt maligni, Nemo malignus est fidelis, Qui non est fidelis, ei non est fidendum, ergo plerisque hominibus non est fidendum.*

*\*Qu. 3. Quotnam sunt leges Soritis?*

*Resp. Tres:*

- (1) Omnes propositiones exceptâ primâ & ultimâ debent esse universales, vel singulares.*
- (2) Omnes propositiones debent esse absolute veræ.*
- (3) Cûm prædicatum unius propositionis evadat alterius subiectum, oportet illud utrobique in eodem sensu adhiberi.*

CAP. XXIII.

DE

PROSYLLOGISMO.

\*Qu. I. Quid est Prosylogismus?

Resp. Est complexio duorum syllogismorum sub quinque propositionibus.

Ita autem propositiones sunt dispositæ, ut prioris syllogismi conclusio sit major vel minor posterioris. Ex, gr. *Omnis Patronus est honorandus*, atqui *Omnis Benefactor est patronus*, ergo *Omnis Benefactor est honorandus*, Atqui *aliquis Mecænas est benefactor*, ergo *aliquis Mecænas est honorandus*. Leges hujus syllogismi & varietates ex notitia Categoricorum innotescunt.

CAPUT XXIV.

DE

MODO CONSTRUENDI  
SYLLOGISMUM.

Ad construendum syllogismum primò nosse oportet materiam, sive tres terminos, ex quibus

bus ille sit componendus; idcirco formanda primum quæstio vel thesis, quæ in conclusione futuri syllogismi affirmativè aut negativè sit asserenda; deinde ratio inveniendâ, per quam illius thesios subjectum & prædicatum conjungenda, aut disjungenda videantur; sic autem præstò erunt tres termini, ex quorum geminatâ combinatione syllogismus categoricus resultabit. Sit ex. gr. quæstio: *An Logica sit utilis, nec ne?* nunc finge animo, negativam an affirmativam velis probare; si affirmativam, conclusio futuri syllogismi debebit hæc esse:

*Ergo Logica est utilis.*

In hac conclusione futurâ occurrunt duo termini, subjectum (Logica) & prædicatum (utile esse) nunc finge causam, vel rationem, cur Logica utilis dici possit, sit ideo, quòd doceat *veritatem rerum investigare*, hic erit tertius vel medius terminus (argumentum) junge hunc cum prædicato futuræ conclusionis jam præsuppositæ, sic fiet *major propositio syllogismi*:

*Quæcunque ars docet veritatem investigare,  
illa est utilis,*

Deinde conjunge eundem medium terminum cum subjecto futuræ conclusionis, sic fiet *minor propositio syllogismi*:

*Atqui ars Logica docet veritatem investigare,*  
Tandem subjunge primò conceptam thesin seu conclusionem:

*Ergo Logica est utilis.*

Ad hujusmodi normam facilis est cujuscunque syllogismi constructio, si primò ratiocinium  
in

in formâ plebejâ conceperis. Pateat res alio exemplo. Sit formandus syllogismus ex hoc ratiocinio plebejo :

*Virtus est excolenda, quia ad beatitudinem ducit.*

Igitur concipio futuram conclusionem hunc in modum :

*Ergo virtus est excolenda.*

Nunc jungo argumentum seu rationem hujus assertionis, *quia ad beatitudinem ducit*, cum prædicato conceptæ conclusionis :

*Quodcumque ad beatitudinem ducit, illud est excolendum,*

Jungo idem argumentum, cum subjecto conceptæ conclusionis :

*Atqui virtus ad beatitudinem ducit,*

Addo conclusionem :

*Ergo virtus est excolenda.*

Cæterorum syllogismorum fabrica à Præceptore, & per exercitium optime addiscitur.



## CAPUT XXV.

DE

### PARALOGISMIS ET SOPHISMATIBUS.

\*Qu. I. *Quid est Paralogismus?*

Resp. Est syllogismus vitiosè formatus.

L 5

\*Qu. 2.

\*Qu. 2. *Quotuplices sunt Paralogismi?*

Resp. Duplices: aperti & fallaces.

Dantur fyllogismi, qui ut speciem bonitatis ferant, nihilominus vitium habent, ea propter *sophismata* aut *fallaciæ* nominati.

\*Qu. 3. *Quotuplicia sunt Sophismata?*

Resp. Duplicia: verbalia & realia.



## CAPUT XXVI.

DE

### SOPHISMATIBUS

#### VERBALIBUS.

\*Qu. 1. *Quot sunt Sophismata verbalia?*

Resp. Duo: homonymiæ & amphiboliæ.

\*Qu. 2. *Quid est sophisma homonymiæ?*

Resp. Quod ex unius vocis ambiguitate fallit.

Hujus tres sunt species: (1) Sophisma homonymiæ ex significationis diversitate simpliciter. Ex. gr. *Finis est rei perfectio, Mors est finis vitæ, ergo mors est vitæ perfectio.* (2) Sophisma prosodiæ, in quo eodem modo pronun-



nunciantur, quæ scribuntur diversimodè; ex. gr. *Feritas est inimica societati humanæ, Quædam virtus est veritas*, ergo *quædam virtus est inimica societati humanæ*; vel pronunciantur diversimodè, quæ scribuntur eodem modo; ex. gr. *Lepores sunt fercula grata, Poëtæ amant lepores*, ergo *Poëtæ amant fercula grata*. (3) Sophisma figuræ dictionis, cum vox quædam ex diverso casu, numero, genere, &c. ambiguitatem habet. Ex. gr. *Quod quis videt, id videt, Lapidem quis videt*, ergo *Lapis videt*.

\* Qu. 3. Quid est Sophisma amphibolia?

Resp. Quod ex plurium dictionum ambiguitate fallit.

Hujus occurrunt tres species: (1) Amphibolia ex phrasi, cum scil. ipsa phrasis per se est æquivoca; ex. gr. *Quodcunque est in loco, illud est extensum*, atqui *Anima humana est in cerebro*, ergo *Anima humana est extensa*. (2) Amphibolia ex syntaxi, seu vocum compositione; ex. gr. *Qui sunt Domini sui, sunt sui juris*, atqui *Servi sunt Domini sui*, ergo *Servi sunt sui juris*. (3) Amphibolia, quæ est ex vocum compositione & divisione; ex. gr. *Duo & tria sunt par & impar, Quinque sunt duo & tria*, ergo *Quinque sunt par & impar*. Item: *Unum duo & tria faciunt sex*, atqui *tria ova sunt unum, duo, & tria*, ergo *tria ova sunt sex*. Porro: *Omnes planetae sunt septem, Sol & Luna sunt planetae*, ergo *Sol & Luna sunt septem*.



## CAP. XXVII.

DE

## SOPHISMATIBUS REALIBUS.

\**Qu. 1. Quotnam sunt Sophismata realia?*

Resp. Decem præcipuè.

Sophisma accidentis, ignoratio elenchi, petitio principii, non causæ pro causa, enumerationis imperfectæ, à dicto simpliciter, à dicto secundum quid, plurium interrogationum, falsæ consequentiæ, & sophisma plurium terminorum.

\**Qu. 2. Quid est Sophisma accidentis?*

Resp. In quo vox aliqua hinc formaliter, illinc materialiter accipitur.

Ex. gr. *Mus rodit panem*, atqui *mus est syllaba*, ergo *syllaba rodit panem*. Refutatur ostensione æquivocationis, quæ est in dictione fallaci, aut reductione ratiocinii in formam plebejam; ex. gr. *Syllaba rodit panem*, quia *Mus rodit panem*; quâ conversione vitium ultro patescit.

\**Qu. 3. Quid est Sophisma ignorationis elenchi?*

Resp. Cujus conclusio thesi datæ apparenter, sed non re ipsâ contradicit.

Vel

Vel est syllogismus aliud probans, quàm quod est in quæstione; ex. gr. si quis contra istam thesin, *Non datur vacuum*, argumentaretur: *Si crumena caret nummis, tunc est vacua*, atqui *mea crumena caret nummis*, ergo *datur crumena vacua*.

\*Qu. 4. *Quid est Sophisma petitionis principii?*

Resp. Cum idem per idem, incertum per æquè incertum, vel obscurum per æquè obscurum probatur.

Hujus itaque tres species distingui possunt: (1) Cum idem per idem sub aliis tantum verbis probatur; ex. gr. *Quodcunque veritati repugnat, illud est falsum*, atqui *thesis data veritati repugnat*, ergo *thesis data est falsa*. (2) Incertum per æquè incertum; ex. gr. *Ubi fit cogitatio, ibi est anima hominis*, atqui *in glandula pineali fit cogitatio hominis*, ergo *in glandula pineali est anima hominis*. (3) Obscurum per æquè obscurum; ex. gr. *Si datur sympathia, tum etiam antipathia*, atqui *datur sympathia*, ergo *etiam antipathia*. Refutatur petitio principii ostensione idem per idem, incertum per æquè incertum, vel obscurum per æquè obscurum probari.

\*Qu. 5. *Quid est Sophisma non causa pro causa?*

Resp. Cum quæ non est causa, vel saltem per accidens, pro verâ & genuinâ ponitur.

Ex. gr.

Ex.gr. *Quodcunque mentes hominum perturbat, non est usurpandum, atqui vinum perturbat hominum mentes, ergo vinum non est usurpandum.* Refutatur hujusmodi fallacia distinctione verae causae, ab eâ, quæ tantum est causa per accidens.

*\*Qu. 6. Quid est Sophisma enumerationis imperfecta?*

Resp. Cum ex imperfectâ partium enumeratione fallacia committitur.

Ex.gr. *Partes hominis sunt vel solidæ, vel fluidæ, Animæ neutrum ex istis convenit, ergo anima non est pars hominis.* Solvitur hoc sophisma ostensione deficientis membri in totius enumeratione.

*\*Qu. 7. Quid est Sophisma à dicto simpliciter ad dictum secundum quid?*

Resp. Cum quod verum est simpliciter, concluditur etiam verum esse secundum quid.

Ex.gr. *Membra non sunt abscindenda, ergo ne quidem sphacelata. Dentes non sunt evellendi, ergo ne quidem putrefacti.* Dissolvitur hoc & sequens sophisma distinguendo inter id, quod verum est simpliciter, & quod verum conditionate,

*\*Qu. 8. Quid est sophisma à dicto secundum quid ad dictum simpliciter?*

Resp. Cum à veritate conditionatâ ad absolutam concluditur.

Ex.gr. *Vinum nocet febricitanti, ergo vinum absolute est noxium.*

Qu. 9. *Quid est Sophisma plurium interrogationum?*

Resp. Cum ex confusione plurium interrogationum fallacia committitur.

Ex. gr. Si quærat<sup>r</sup>? *An mundus sit perfectus, & æternus?* solvitur hoc sophisma distinguendo quæstionem in suas partes.

\* Qu. 10. *Quid est Sophisma falsæ consequentiæ?*

Resp. Quod ex argumento incongruo fallaciam committit.


Ex. gr. *Qui dicit te esse animal, dicit verum, sed qui dicit te esse asinum, dicit te esse animal, ergo qui dicit te esse asinum, dicit verum.* Refutatur optimè hoc genus fallaciæ conversione ejus in formam ratiocinii plebeji: ex. gr. *Qui dicit te esse asinum, dicit verum, quia dicit te esse animal, unde vitium sponte elucet.*

\* Qu. 11. *Quid est Sophisma plurium terminorum?*

Resp. Cum ex terminorum pluralitate fallacia committitur.

Ex. gr. *Omnes morbi sunt molesti, Medicus curat morbos, ergo medicus est molestus.* Quod nix est, hoc grando non est, Nix autem alba est, Grando igitur alba non est. Refutatur ostensione pluralitatis terminorum, vel conversione ejus in formam ratiocinii vulgaris, quo ipso sponte vitium apparet: ex. gr. *Medicus est molestus, quia curat morbos, qui sunt molesti.*

Finis Libri Tertii.



# ARS COGITANDI

## EROTEMATICA.

### LIBER IV.

DE

### M E T H O D O.



### CAPUT I.

DE

### METHODO IN GENERE.

*\* Qu. 1. Quid est methodus?*

Resp. Est ordinata rerum tractandarum dispositio.

*\* Qu. 2. Quidnam in qualibet methodo distinctè considerandum?*

Resp. Sermo & res ipsæ.

*\* Qu. 3. Quotnam sunt Leges generales circa sermonem?*

Resp. Quatuor:

(1) Ver-

- (1) Verbis uti accuratè & efficaciter rem significantibus.
- (2) Nihil in iisdem obscurum, nihil æquivocum relinquere.
- (3) Rerum simplicitatem ipso sermone imitari.
- (4) Pompam sermonis, & luxuriam vitare.

*\*Qu. 4. Quoinam sunt Leges generales, circa rem ipsam in qualibet methodo observanda?*

Resp. Tres: lex homogeneitatis, plenitudinis, & connexionis.

*\*Qu. 5. Quid requirit lex homogeneitatis?*

Resp. Ut omnes partes tractationis ad eundem colliment scopum.

*\*Qu. 6. Quid lex plenitudinis?*

Resp. Ut ex iis, quæ præcipuè ad scopum faciunt, nihil desit, ex cæteris nihil redundet.

*\*Qu. 7. Quid lex connexionis?*

Resp. Ut ordiatur tractatio à notioribus, indeque ad alia atque alia accurate procedat.

*\*Qu. 8. Quid amplius in qualibet methodo est distinguendum?*

Resp. Materia & forma.

*Materia* sunt res ipsæ, quarum tractatio suscipitur; *forma* autem est ipse ordo ac modus, quo illæ per partes exponuntur.

\* *Qu. 9. Quotuplex est methodus ratione materia?*

Resp. Duplex: universalis & particularis.

\* *Qu. 10. Quid est methodus universalis?*

Resp. Quæ integrum aliquod disciplinæ corpus ordine convenienti exponit.

\* *Qu. 11. Quid methodus particularis?*

Resp. Quæ singulare aliquod thema ordine congruo exponit.

\* *Qu. 12. Quotuplex est methodus ratione formæ?*

Resp. Etiam duplex: arbitraria & naturalis.

\* *Qu. 13. Quid est methodus arbitraria?*

Resp. Quæ relicto ordine naturæ ex arbitrio res disponit.

\* *Qu. 14. Ubinam illa habet locum?*

Resp. Apud oratores, poëtas & historicos.

\* *Qu.*



\*Qu. 15. *Quid est methodus naturalis?*

Resp. Quæ res juxta naturalem sui connexionem accurate exponit.

\*Qu. 16. *Quotuplex est ea?*

Resp. Duplex : analytica & synthetica.



## CAPUT II.

DE

### METHODO ANALYTICA.

\*Qu. 1. *Quid est Methodus analytica?*

Resp. Quæ à posterioribus ad priora, à compositis ad simplicia procedit.

\*Qu. 2. *Quotnam sunt species methodi analytica?*

Resp. Quatuor:

(1) Cum à toto ad partes tractatio procedit.

(2) Ab effectis ad causas.

(3) A fine ad media.

(4) A particularibus ad universalia.

\*Qu. 3. *Quotnam sunt Leges generales methodi analytica?*

Resp. Sex:

(1) Tractationem incipere ab iis,

M 2

quæ

quæ intellectui sunt notissima.

- (2) Inde paulatim ad alia atque alia procedere, summum iudicii acumen adhibendo.
- (3) Cogitationes ad investigationem rei susceptas ordine concinno & æquabili promoverè.
- (4) Partes rei omnes attentè circumspicere, ut nihil omitti certum sit.
- (5) Nihil unquam pro vero admittere, nisi quod certò & evidenter sit cognitum.
- (6) Rem semel perinvestigatam iterum atque iterum evolvere, subinde & aliorum oculis lustrandam offerre.

\* *Qu. 4. In quibusnam disciplinis  
methodus analytica usur-*  
*patur?*

*Resp.* In disciplinis poëticis atque practicis.

In tribus artibus: *grammaticâ, rhetoricâ, logicâ*, tribus prudentiis, *ethicâ, æconomicâ, politicâ*, nec non in *theologiâ, jurisprudentiâ & medicinâ*.



### CAPUT III.

DE

### METHODO SYNTHETICA.

\* *Qu. I. Quid est Methodus synthetica?*

Resp. Quæ à prioribus ad posteriora, à simplicibus ad composita procedit.

\* *Qu. 2. Quotnam sunt species Methodi synthetica?*

Resp. Quatuor :

- (1) Cum à partibus ad totum tractatio procedit.
- (2) A causis ad effecta.
- (3) A mediis ad finem.
- (4) Ab universalibus ad particularia.

\* *Qu. 3. Quotnam sunt Leges ejusdem generales?*

Resp. Quinque:

- (1) Tractationem incipere à simplicissimis.
- (2) Inde juxta naturalem ordinem progredi ad proxima, hinc ulteriora atque cætera.
- (3) Ad ratiocinandum assumere principia indisputabilia.

- (4) Ex his nihil deducere, nisi quòd certò & evidenter sequatur.  
 (5) Omnes adeoque propositiones demonstrativè probare.

\**Qu. 4. In quibusnam Disciplinis ista methodus usurpatur?*

Resp. In disciplinis theoreticis.

In tribus scientiis: *mathematicâ*, *physicâ* & *metaphysicâ*. Κατ' ἐξοχὴν autem in *mathematicâ*, quæ nimirum evidentiâ atque certitudine suâ cæteris disciplinis immensum antecedit.



## CAPUT IV.

DE

### TRACTATIONIBUS LOGICIS DATORUM THEMATUM.

\**Qu. I. Quid est Tractatio logica?*

Resp. Est alicujus thematis per artificiosum discursum expositio.

Ejusmodi *tractatio* nunc est *genetica*, quæ discursum de dato themate componere, nunc *analytica*, quæ factum ab alio discursum rursus in suas partes resolvere docet. Utraque iisdem fundamentis innixa est, ut qui compositionem discursus intellexerit, ejus resolutionem seu *analysin* ignorare nequeat.

\**Qu. 2.*

\*Qu. 2. *Quotuplex est ejusmodi Tractatio ratione objecti?*

Resp. Duplex: alia thematis simplicis, alia conjuncti.

Tractatio thematis simplicis rursus est vel perfecta, vel imperfecta.

## DE TRACTATIONE THEMATIS SIMPLICIS PERFECTA.

\*Qu. 3. *Quid est Tractatio thematis simplicis perfecta?*

Resp. Quæ datum thema accuratè & plenariè exponit.

\*Qu. 4. *Quotnam sunt partes hujusmodi tractationis?*

Resp. Duæ: onomatologia & pragmatologia.

Onomatologia est prima discursus pars, quæ nominis explicationem tradit, dum pragmatologia dein rem ipsam per suas partes accuratè exponit.

\*Qu. 5. *Quomodo procedit Onomatologia?*

Resp. Hunc in modum:

(1) Definitio nominis quàm clarissima exhibetur.

(2) Etymologia nominis (si quæ fuerit) exponitur.

- (3) Synonyma ( si quæ fuerint ) indicantur.
- (4) Homonymia ( si quæ fuerit ) explanatur.

*\*Qu.6. Quomodo procedit Pragmatologia?*

Resp. Hunc in modum :

- (1) Definitio rei brevis, perspicua & adæquata exhibetur.
- (2) Rei genus ac sedes in categoriis statuitur.
- (3) Res in suas partes, species,&c. dividitur.
- (4) Ejus causæ investigantur.
- (5) Effectus memorabiles traduntur.
- (6) Adjuncta seu comitata.
- (7) Antecedentia & consequentia.
- (8) Cognata & comparata.
- (9) Diversa & opposita.

DE TRACTATIONE  
THEMATIS SIMPLICIS IMPERFECTA.

\**Qu. 7. Quid est Tractatio thematis simplicis imperfecta?*

Resp. Quæ à rei definitione profiscitur, & per hujus explicationem ordinatam absolvitur.

\**Qu. 8. Quomodo procedit hujusmodi tractatio?*

Resp. Hunc in modum:

- (1) Definitio rei accurata exhibetur.
- (2) Definitum onomatologicè exponitur.
- (3) Genus proximum in definitione adhibitum explicatur.
- (4) Differentia specifica accuratè exponitur.
- (5) Adduntur alia, quæ ad ulteriorem rei illustrationem facere videntur.

Exemplum ejusmodi tractationis habetur in frontispicio hujus tyrocinii logici, sc. *Prælu-  
dium Philosophiæ.*

## DE TRACTATIONE

## THEMATIS CONJUNCTI.

*\*Qu. 9. Quomodo procedit Tractatio  
thematis conjuncti?*

Resp. Hunc in modum:

- (1) Propositio seu problema perspicuum constituitur.
- (2) Subjectum & prædicatum propositionis datæ examinatur.
- (3) Ea de se invicem affirmantur, vel negantur, prout naturaliter inter se convenire, vel disconvenire percipiuntur.
- (4) Argumenta affirmationis seu negationis factæ ordine omnia, aut præcipua saltem & quàm solidissima traduntur.
- (5) Objectiones & difficultates solvuntur.
- (6) Assertio facta cum adductis rationibus breviter & nervosè repetitur.





CAPUT V.

DE

METHODO DOCENDI.

\*Qu. 1. *Quanam virtutes requiruntur in Docente?*

Resp. Probitas, scientia, prudentia, fidelitas, diligentia, facundia & auctoritas.

\*Qu. 2. *Quanam dein sunt officia Docentis?*

Resp. Sequentia præsertim :

(1) Sedulò Deum orare pro felici institutionis successu.

(2) Benevolo affectu & amore sincero discentes amplecti.

(3) Diligentem in eos locare operam.

(4) Comitem & affabilem se ipsis præbere.

(5) Veritatem & virtutem unice docere.

(6) Sermonem atque methodum hinc rebus, illinc discantium captui & ingenio quàm maxime accommodare.

(7) Admonitionibus atque stimulis frequentibus discantium animos urgere.

(8)

- (8) Præmiis interdum ac honoribus exhilarare.
- (9) Errantes blandius objurgare, clementer ad meliora ducere.
- (10) Cum voto benedictionis divinæ olim valedicere.



## CAP. VI.

## DE METHODO DISCENDI.

\* *Qu. 1. Quænam virtutes requiruntur in Discente?*


Resp. Probitas, ætas, voluntas, ingenium, judicium & memoria.

\* *Qu. 2. Quænam dein sunt officia Discantis?*

Resp. Sequentia præsertim:

- (1) Sedulò Deum implorare pro studiorum felici successu.
- (2) Insigni amore atque reverentiâ docentem prosequi.
- (3) Animum ad omnia adferre attentissimum.
- (4) Præceptis à docente datis accuratè morigerum esse.
- (5) In operâ præstandâ strenuum atque diligentem esse.
- (6) Scientiam præceptoris & virtutes avidè ambire, ejusque exemplum strenuè imitari.

E I N I S.



005656369



